

Литература Дагъистан

16+

Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ


Расул БяхІяммадовлис - 90 дус



2/2022
март - апрель

www.galmagdes.ru

Сулайбан Рабадановлис - 90 дус





Гьалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Агенство информации и печати Республики Дагестан

РУКОВОДИТЕЛЬ - БЕКИ РЕДАКТОР
Мурад МяхИяммадович ГЯХИМАДОВ

РЕДАКЦИЯЛА КОЛЛЕГИЯ

Кь. ГялисултИанов *(журналла редактор)*

Т. СягИдов

Кь. Мигърабов

ЖАМИГИЯТЛА СОВЕТ

А. Гябдулмананова

И. Ибрагъимов

Х. Хиябикова

Х. Юсупов

И. МяхИяммадов

М. МутИалимов

М. БяхИяммадов

2
2022

март - апрель

Кел базили гъачам
дурабулхъан

Журнал основан в 1952 году

Выходит один раз в два месяца

1952 ибил дуслизиб
аклахъубси саби

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

Къади ГІЯЛИСУЛТАНОВ. Халкъла поэт.....	3
ПатІмат ВЯХІДОВА. Поэтла дякъличирти къел.....	5
Сулайбан РАБАДАНОВ. Назмурти.....	7
Имин МЯХІЯММАДОВ. Назмурти.....	14

ПОЭЗИЯ

Мисей ГІЯБДУСАЛАМОВА. Назмурти.....	16
Зубайдат ГІЯМАРОВА. Назмурти.....	20
Аминат ГІЯБДУЛМАНАПОВА. Назмурти.....	25
Байгинат КЪУРБАНОВА. Назмурти.....	27
ГІябдулла ВЯХІДОВ. Ибрагъим Ибрагъимовла устадешличила.....	29
Ибрагъим ИБРАГЪИМОВ. Хабурти. Батирай архІяличив.....	37

П Р О З А

МяхІяммад КЪАРАТОВ. Хабурти.....	48
ГІяйша КЪУРБАНОВА. Жалил, хатІамаркуд.....	56
БяхІяммад ХІЯЖИЕВ. БецІла хъяра хъубзарра.....	64

ПОЭЗИЯ

Тавсултан СЯГИДОВ. ХІясбулра цІуба синкара.....	70
Ильяс ИДЗИЕВ. Назмурти.....	76
ПатІмат ГІЯЛЛАЕВА. Назмурти.....	79

УЧИТЕЛЬЛА ГІЯМЗИ

Къади ГІЯЛИСУЛТАНОВ. Багъудила гъели релГуси.....	82
ПатІмат МЯХІЯММАДОВА. Дарган мез – дила давла.....	84
Хадижат ГІЯМАРОВА. Лерилра гІямру багъудлумас.....	86

КРИТИКА

Аматуллагъ ИСМЯГИЛОВА. Расул БяхІяммадовла повестунала хасдешуни.....	88
---	----

ФОЛЬКЛОР

Зубайдат ГІЯМАРОВА. Буралаби.....	96
-----------------------------------	----

Регистрационный номер: серия ПИ №ТУ05-00416
выдан Управлением Роскомнадзора по Республике Дагестан от 22.04. 2019 г.

Типография: ООО «Издательство «Феникс - пресс»
Адрес типографии: 367018, РД, г. Махачкала, пр. Петра I, 61

ГЪАЛМАГЪДЕШ №2 2022 г.

На даргинском языке

Выход в свет 13.04.2022 г. Тираж 504 экз.

Заказ №1199 Цена свободная.

Печать офсетная.

Бумага офсетная. Формат 70x108 ¹/₁₆.

Усл. печ. л. 8,4. Усл. изд. л. 8,7.

Редакция и издатель: Государственное бюджетное учреждение Республики Дагестан "Редакция республиканских литературных журналов "Соколенок" и "Литературный Дагестан".

Адрес редакции и издателя: 367000, РД, г. Махачкала, ул. Даниялова, д. 55.

Электронный адрес редакции:

litdag@mail.ru

➤ Дагъиста халкъла поэт Сулайбан Рабадановлис - 90 дус ➤

Къади ГІЯЛИСУЛТАНОВ



ХАЛКЪЛА ПОЭТ

Дагъиста халкъла поэт, прозаик ва драматург Сулайбан Рабаданов акГуб-хІейчирад 90 дус диркули сари.

Сулайбан Рабадановли даргала литературализи кабахъибси пайличила дила пикри бурес дигулла.

Дахадаевла районна Дибгашила шилизив акГубси ва халаваибси илини шила г!ямру, г!ядатунни, бухъя-зегъа ункъли дяркъур. Ши алавси тІабиГІятли илала творчестволизиб мурхъси хъулчи кабахъиб виКІаллира хатахІедиркехІе. Илани сунела творчестволизир ахъдурцути темаби хІясибли ил шила поэтлизи халарес асубирар. Москвада Литературный институт белчи ГІергъи, ил дахъал дусмазив Дагъиста тах шагъар МяхІячкъалализив узули ва хІериули калун ви-алра, амма илала творчестволизиб шила темали белГІара мягІничебси мер буриули саби. Шиличилси, шантачилси илала бархбас белГІгалар делКІунти назмуртазибра чебиули саби.

Чинаба хІела уркІи

Ванза, бурагу набзи?

– УркІи хІуригу, адам,

Се жаваб гиша хІези!?

Сулайбан Рабадановла поэзиялизиб хасси мер буриули саби ванзали ва хъубзарла темали. Сулайба поэзиялизир хъубзарла къиянси бузерила тема пикрумацун ахІенну, илкъяйдали эстетикалашалти някъишли духІнадицІили сари. Гъарш кайуси дураз поэтлис белГІара дурхъаси ваяхІ саби – илини ил селисалра белІсурхІебиру. Авторли ил философский мягІналичил баянбирули сай: ванзалара адамлара бархбас ГІяхІдешилициун бяхІчиасе ГІягІнили биъни – ванзаличир окопуну укъес, ядерла ярагъ мерладирес ГІягІнитти ахІен; ванза белГІес, са-бухъ бурчес саби ГІягІниси. Сулайбан халаурхни, уктемдеи тийдили далтуси адамри. Илис сунечила гап-чяхІ хІейгахъи. Халаурхнилисра гаплисра къяпІси Сулайба уркІи мурталра гъаргиси адамтала децІ-шишимтас ва бусрав-тиладис. Поэтли сунела назмуртачил ва хІялалти баркъудлумачил гъарил учІанна уркІилизи гъуни баргиб.

Сулайбайс шадиб гъундури, ихтилатуни дигахъи. Ил иштяхІличил гъайикІи челябкъалаличила ва гъаб-убла заманаличила

Дахъал дусмас гъалаб поэтли белкІунси назмула бекІ мягІна ишбархІи адам-ли ванзаличилси бархбас къябаибхІели, ишхІелла наслулис ил урехила лишан-ван зайбикІули саби. Чули сабухъ бакІахъесван ахІи, ил харжебарес гъалакти адамти чула ургабси бижгурдиличи бяхІигнила урехилизив сай поэт.

Поэт ванзаличи ишкъяйда дугъаилзули сай: «Чинаба хІела уркІи»?

«ХІу сайри дила уркІи», – илгъуна саби ванзала жаваб. Хъубзарла къатав-тар някъбачи хІерикІуси поэтлис илдани дахъал дусмазиб бузахъуси гІяшул къ-аркъа гъанарахъули сари.

ХІела някъбазирадли

Хъубзар, цІа дурадиркур.

Сулайбан Рабадановла дурхІядеш дургъбала манзиллизир шалгердухъун. Дургъбала къияндешунала умегІ бержес илисра чебуркъиб. ЧебяхІси ВагІа дергъла темали Сулайбан Рабадановла творчестволизиб халаси мер буриули саби. ИмцІаливан ил дургъби адикъуртас лягІнатикІули сай. ЦархІил шайчивад биалли – гъармука душмайзи ВагІан батахъурси, советский солдат-лис баркалла икІули сай. «Мекъ» бикІуси назмулизиб поэтли лебгІеб жагали гъаргбарили сай дергъла тема. Драматург сайливан, Сулайбан Рабадановли чумал пьесара делкІун. Илди пьесаби хІясибли даргала театри спектакльти кадихъиб.

Сулайбай прозала чумал жузра делкІун, сарира учІанни халаси иштяхІли-чил къабулдарибти. Сулайбан Рабаданов пергер публицистра сайри, илини дагъистанлантала гІямруличила гІяхІцад публицистикала статьяби делкІун. Сулайбан Рабадановли урусла классикуні Пушкинна, Лермонтовла, Тютчевла ва илкъяйдали узити республикабала потунала назмурти дарган мезличи шур-датур. Сулайбан Рабаданов пергер дубурлан, поэт ва уркІи-гъаргси, сунечила ахІи, урхІличила имцІали пикриикІуси, сунечи дугъаизурсилис мурталра кумек-барес хІядурси адам сайри. Литературала дунъя чедибахъибси Сулайбан Ра-бадановла у мурталра нушала уркІбазиб кавлан.



Патимат ВЯХИДОВА,
«Дагъиста хъунул адам»
журналла редактор.

ПОЭТЛА ДЯКЪЛИЧИРТИ КЪЕЛ
(Сулайбайчил хІябал гъунибаъни)

Шилизив хІериуси адам, шагъарлизив къаршиикибхІели, бегІ гъалав ил тукентазивад къунзулхъули вирар. Дагъиста педагогический институтла цаибил курсла студентка ретаурхІели, нунира тѣп илгъуна барира. Буйнакъский-ла уличилси къакъализибси жузала тукейзи арацІира. Илар жузала дурарад, суратунира дирцулри, гъатІира дурусли буралли Дагъиста писательтала суратуначилти буклетуни дирцулри. Чумал буклетра декІардарили, даргала писательти Рашид Рашидовла, ГІяхІмадхан Абу-Бакарла, Сулайбан Рабадановла ва цархІилти поэтунала суратунира асира. Ит бархІи тукейзиб бахъал адамти лебри биалра, цархІилти жузи исантаци пикри бяхІчихІеира. Тукейзирад дурарухъес хІядурриубра. Асибти суратуначи хІеррикІуси набзи мурул адамти дарган мезли иб: «Дарган рурси, хІуни сен дахъал суратуни асилри?»

– Ишдазирад дайхъала барх бучІути рурсбас дуртІис, гІелар калунти шилизи архис.

– ХІебиалли хІу, литература дебали дигутала лугІилизирад руилри, – викІар ил.

Итмадан нуни ил вагъурра: Сулайбан Рабаданов сайри. Ну дебали разириубра. Илала мякълав суратлизиртигъунти гъярцІа цІудара супелтира сайра гІа-шизурли лебилра улкализив машгъурси ГІяхІмадхан Абу-Бакарра леври.

Гъайгъай, ну илар урузриубра. Буреси хІебалули, ил мерличирад гъарахърикес къалабалири. Сулайбан Рабаданов биалли набчил ихтилатикІес даимиуб: чиди шилизирадсирал хъарбаиб, бегІти чихъали сабил багъес дигули ахъиб, чинар ручІулрал хъарбаэсра хъумхІертур...

Нуни балусири, муртрил Сулайбан ДейбукІла шилизив хІерирули калниличила. ИтхІели ил нушала шилизибси школализив учІусири. Поэтли иличила сагали гъанбушиб, ГІяхІмадхайчил варх пединститутла студентуначил гъуниваэс лѣвкъяс или буриб. Илини дила дудеш ункъли валуси уилри. Дудешлизи саламти дурахъесра хъарбариб. Нуни асибси сунела суратлизи белкІра барили, иб.

– Автографуни дуртІес гъачамлис ну ГІяхІмадханван машгъурси ахІенра, амма ишгъуна анцІбукълизиб асубирар...

Ил гъунибаъни баибсири наб Сулайбан Рабадановла ва ГІяхІмадхан Абу-Бакарла творчество дигахъусили ретаэс багъандан.

Сулайбан Рабадановла хъалибарг 1966 ибил дуслизиб Марковла къакъализибси кІидерхІла юртлизибси квартиализиб (Къанни ил мерличиб «МяхІячкъала» кинотеатр бирули калун) хІербирулри. Мурулра нура ил юртлизи Сулайбазира нуша хъаладиънила разидеш багъахъес датдихъилри. СагІят вецІал диркуси замана сабри. АлхІят бархІири. Нуша музадухъниличи Сулайбанра илала хабчаб Хадижатра бурес агарли разибиуб. Сенрил илди нуша чула тавхайзи адацІахъес жидарес гъалакбикІутигъунти ахІенри. Хадижатли нуша кухнялизи жидарира:

– ПІябдуллагъ, ПатІимат, хІуша чердерхирая, нушачиб дуги беркІес бакІибти ГІяхІли гъачамлис бусули саби, илди чебаргъили бекІбияйчи, ишаб багълабирехІе, чяйлара бержес дирехІе.

Нуша сагали хъалладиубтиван къабулхІедирули диъни хІисаббарили, пишяхъили, Сулайбан викІар:

– Хадижат, ишди гІядатла ГІяхІли ахІен, бара хъаллабиубти саби...

Ил замана ну имцІаливан гъайрикІуси Хадижатличил сарри. Сулайбай бурибсилличира пикри бяхІчихІеэс хІериубра. Илини пахруличил иб:

– ГІябдуллагъ, шалгІеббухъунси дуги дила ГІямрулизиб бегІлара талихІчебси сабри. Нуни дила хъулиб бусути ГІяхІли чебсаргъахъес хІейубра, я ил барес вирхІейраси, кагъарра машинкара мякълар агархІели, нуни назмула тугъ дила урши Батирайла ляжиличи белкІунра. ХІера, ит, чейулрив, чевсаргъили сай ва нешличивяхІ ватихъили сай.

Марлирагу, виштІал дурхІяла ляжиличиб назмула тугъ лебри. БелчІес хІериубра, амма шинкъя чедaira.

... 1995 ибил дусла апрель сабри. Нуша редакциялизирад хъули чардулхъулри. Автобусличирад кадацІира. Советская къакъалабси 10-ибил юртла мякълав Сулайбан Рабаданов тІашлири:

– ГІямру аргъес агартили детарули сари. Даг Ібрагъимбек ТІалхІятов, къалагъуна адам, мицІирли левалри. ИшбархІи ил нушала ургавад арякъи сай. ПатІима, ну муръаличи музаулхъас, дебали халати кабизалачердеш лерси адам сайри, бархъдеш дигахъи, илала хъалибарглизи дилара децІ балахъис.

Наб гъанбикиб, Сулайбай чумал бархІила гІергъи, лебилра халкълис дигахъуси, даргала халкъла поэтла уркІилизиб илгъуна мер баргибси ГІяхІгъабза дубурланнис багъишлабарибси назму лукІа яра хабар кабирхъу или.

Амма ГІямрула дуцІ урчила мурдагъуна саби, гъанагарли бекІа чесабиули саби. Чумал бархІила гІергъи аргъира сай Сулайбан Рабаданов вебкІили сай ибси кахси хабар. Ил хабарли бахъал дарганталацун ахІенну, ил ГІяхІил валути цархІилти миллатунала адамталара уркІби марайдиахъуб.

Поэтуни бубкІути ахІен. Илди чули акІахъубти произведениебазиб кавлути саби. Сулайбан Рабаданов адамтала дагърилизив калахъунси илала пасихІти назмуртаницун, тамашала яра пергер пьесабаницун ахІенрину, сунела пергер баркъудлумани, сунезирти халати адамдешли сайри.

Поэзия

Дагъиста халкъла поэт
Сулайбан РАБАДАНОВ



НАЗМУРТИ

Ну улгусира левси
Сайгу Аллагъ ну вегIси.
Бархъдеш, бархъдеш – ил саби
Саби гъанни улгуси.

Саби гъанни ургъуси.
Гъар бархIи чевиргъуси.

ДецIли нура имцIали
Харабра варибсира,
Хабарагар балагъли
Хумарра варибсира.

Амма къисматла бяхълис
КъукъмусхIейкес баласи,

Букъур агарла масван
Улка леб хъямбирули,
Ил хъямбарес бикибти
Пачниван хамбиубли.

Келпичлара чятлара
Риадлира хъулирси,
ХIу черрикIибси нуйчив
Агара талихIчевси.

Ил сархес хIебикалли,
Селра агу викIуси.

Ил сунезиб агарси
Дунъя наб хIяб викIуси.
Ил агарли гIямрулис
ГIязаб сари викIуси.

* * *

Дила децIла дяхъурбас
Ну дяхънуша вираси.

Илди нуни, цIумхIевхъи,
Ара-сагъра дираси.

* * *

Хамбиубтала хункIра
Гъангузван декIбиубли,
Ил декIдешлиуб улка
БекIес чIала лябкъули.

* * *

Келпичла чятла хъулир
Вавали ряхъибсини
Дунъя наб алжанала
Анхъличи шурбалтуси.

ХЕбурхуси хиялла
Мурталра ял ил хЕзир.
ХЕбиалли вархъизес
ХЕйруд хЮ ГЯмурузив.

Жагъдешла авидуни –
Жагати, аваданти,
Даим дигайла гими
Гъайбатли зайдиклуги.

Дила ГЯмурула бархИ,
ХЕла ги къимбарасли,
Зайдулхъан лерил дусми
Ну галга – алав ласли.

Ну гъарахъли чеасра,
ГъямбикЛули хяра леб,
Пулайс ГЯхЛулабиэс
ГЯмулти ва макру лер.

Халкъли хЯжатдешуни
ХЕбирухЕли ахъес,
Тухъси ГЯмурула тЕни
ХЕйрус набра бикахъес.

Лусентала чедибад
Урцуси чАкаливан,
Дуклуми тИнтДарира
ИшбархИра, тяп дагван.

Черрерхи эгер нуни
ХЕд даргасли дардани,
Дардани агар дунъя
ХЕбургу ГЯшикътани.

Я гЯхИбаркъла дякъличив,
Я бекЛала диркъанив.
ГъарХЕбизуна бириЦур
Къасанала баЦІ къани.

* * *

Жагъдешла гъибандиби –
Гъав лерти, гъунарчерти,
ГЯшикъти къамла дигай,
КарЦай гъунчидуршуги.

* * *

Зайдулхъан дурХЯдешра
Цуб арцла гъайкуртачир,
Жагъдеш чугур – чянгличир,
ХЯндешла диндаличир.

* * *

Илис тАма буайчи
Ихтияр леб гъямбикЕс.
Назибра ари бургар
ЛихИби бамбали гЕкЕс.

* * *

Шантала къумурлизиб
Камванбиалли азихъ,
Нуйчивра чилра хЕйрар
Игъбарагар ва язихъ.

* * *

ХЮ бархИличи-бархИ
БяГубикЛуд, дила ши,
ХЮрхъада виахъули
ХЕла шигЮрула урши.

* * *

Черрерхи эгер нуни
ИмцАдарасли анЦкъи.
АнЦкъи-деЦІ агар дунъя
БалХЕбала карЦтани.

Дардли баргиу, бикIар.
Дуб агар дубурара,
Ну варгиъни тамашав
Цакъти дигайла дардли?

* * *

ДецIли бирцIахъу бикIар,
ЗакибяхI гъуцIси хIурхъра,
Ну вицIахъни тамашав
ХIечи дигайла децIли?

Дунъя, хIела умматла
Лебси саби бекI умут,
ГIямруличибад бекIа
Ятбарес баргес къуват.

* * *

Адамли ванзаличиб
Гъарил ганз саб кайцIули.

Къудрат баргибси бархIи
Лякъниличи вирхули,

Чебаа ил адамла
Жанчевиубли сакIни.
МанпагIятси биахъес
Дунъяличи сай вакIни.

* * *

ВатIайчил уркIи-гъаргли
Гъайухъес вализасли,
Гъайлизив вархъхIейзасра
Валтара уркIи бурес:

* * *

Ну чус ВатIан викIути
Минала дубуртира,
Дубуртазиб балгунси
Ну акIубси ширира.

Шира шантира лебси
Дила хъалибарглира.

Шантани бекIбируси
Ургубала барглира,

Ну ВатIайчил гъайикIес
Нуни гъайра дургисра.
Илис ну гIягIнисира,
Багалаирусира.

* * *

ХIечира, хIера гIебшни
ГIяяркъяван гъамдиуб,
Ну галгалара кIари
Ванзаличи гIяшдиуб.

ГIебшнили хибти хIяндеш
Нуша лертира дикIар.

ТIабигIятла ил хIукму
Лебсигу мугъурчебси.
Дусма велсунсиличи
Левси сай гъаввикIуси.

Илди хIяндешли хIура
Раргилри, дила ашна.
ХIяндешли хIу ахIерси
Ретаахъурри даршна.

ГъаввикIуси ил гIяхIяйс
ГIебшни викIесра вирар.

ХIела арила удив
ХIед дагичив имцIали
Дигулра наб ишбархIи,
ДайхIерейчиб шалали.

КАВЛАН ЖАГЪДЕШЛА БЕРХИИ

Жагадешла анхълизир
Хебла шаддешла вава,
Ил ху лерси нуйчивра
Гуру талихчев чи лева?

Ишбархиван жагйялра
Дигахули каласли,
Хурх гела герхебухьи
Кавлан гямрула берхи.

ХИУ ЛЕВХИЕЛИ БИРАР ИЛ

Ахерси нешли кьяйда
Милиги ихъахуси,
Гьар адамла лебси саб
Вегила Ватан дурхъаси.
Веги аринси ил Ватан
Гьигьбируси гъавара,
Ху акубси минала
Хечи дигира лявра.
Ил Ватан бурхлиубси
Чатала хед далайра,

Сирира бархьбатурли,
Дурхинала марзла ганзра.
Ватан лебхели хура,
Хьубзарара, гъабзара,
Гевдурхълизиб убзара,
Шадлихъла ташкъянара
Ху левхели бирар ил
Ватан бягу-гьарзара.
Бургу ил гьарбизлира
Талихила зурхьяблира.

НАБЗИБ ТУР ГЕЛАБ БАТУР

Дилара неш ванзала
Лигматуначил рири,
Хьяличил рархрасунси,
Дунья-сири гардбири.

Гардбири лайлаличил
Бузерила маргличиб,
Жягйяйчила пал бушес
Риригу пагмуличил.

Рики: «Лябкъуси бархи
Пишбирхьур акубсилс,

Эгер ил ветхеалли,
Макру-хиллала илбис.

Ветаалли ванзала
Дяхьурби дилгьес тухтур.
Балкдешла аждагъала
Бурги чердирхъуси тур».

Сари илгуна рири,
Риуб тухтурдеш дарес.
Набзиб тур гелабатур,
Аждагъабас гьакбирес.

* * *

Исламла ислала ас
Асилчебли калахъас!
Бусурмаван дилара
Лебсигу уркила къас.

Набир уркиеци -ряхму
Ил къасли дилкъахути,
Ил диннис марси дила
Рухла хьу сабухьчерти.

– Гьу, арадеш сен саби,
Сен сайри яшавлизив? –
Хьарикӱлра къакъалав
Цугикибси урази.

* * *

– Леб, беркунра бикӱли
Ца хӱлхӱиван мухӱлира,
Набзи ил кахӱебаиб
Бикӱсиван канира.

Хӱра гӱйиблизивад
Увурхес сайри, шайтӱан,
Хӱгъунази бикӱаргу,
Хӱярхӱя балли ахӱелтӱан.

* * *

Гьу, биаб илкьяйдали,
Амма лебсигу ламус,
Ил чили сӱйбаралра,
Марли, сайгу канихъус.

Леб набра гӱямрулизиб
Имцӱаливан гӱягӱниси,
Савлилизиб балгаван,
Тикрарбарес дигуси.

* * *

«Жагъси жайранван тахъси
Нушала ванзала къакъ
Хӱяршбируси инса някъ
Бираб даим кӱантӱиси!»

Уркӱи, хӱела жиличи
Мурталра вирхусира,
Гьар жи асилдешличил
Гьалабяхӱ аркусира.

* * *

Дуньяла гӱягӱнубази
Вархибси поэтлизив?

Сегъуна жи ишбархӱи
Зайбулхъахъада набзи,

Аргъира уркӱила зай: –
Бугабахъа далай,
Дармайзивси адамла
Нургъби душкеси далай!



Имин МяхІяммадовлис - 80 дус



Тавсултан СЯГИДОВ

ИРГЪУЛРА ХІЕЛА УРКІИ

КІел дус диркули сари хІуни нушаб Писки МяхІличила халали ахІенси белкІ хІядурбарес чесибхІейчирад, амма гъаннара ил белкІ чебаэс дирули ахІенра. Писки МяхІкІун хІуни дебали ункъли валусири: иличил варх алзули калунсири, иличил къацІ-шинна вирусире. Иличи че – хІуша дарх дузули ва дарх далайдикІули калунтири.

Гъайгъай, усан Имин МяхІяммадовла уркІилизир Писки МяхІличила дурестира лер. Амма Имин багълакайубли ваткайхъибси адам сай, лехІахъибхІелира пикриикІули. ХІера сегъуна пикри бурулил илини сунела ца халалли ахІенси назмулизиб:

**«Сен хІелукІусив ил
Гъар бархІи назмуртани?» –
Азгъинничилаван набчи
ГІяйибмайхъаб шантани.**

**Вашу-вашукад саби
Нуни макъам бурчуси,
Вашу-вашукад саби
ХІябкуб цахІнабирхъуси.**

ГІур илини назму ишкъяйда таманбирули сай:

**Хъалибарг абикъесцад
Далайла цІакъ агара.
Кайили пикриухъес
Дила гІямал агара...**

Дубуртазибси Усишала шилизиб 1966 ибил дуслизиб белкІунси назму саби ил. Ил сагали бучІулра ва Иминни Писки МяхІличила сунела пикри сен къанни бурусив или пикриикІулра. Пискила шаласи сипат биалли хІулбала гъалаб саби, илала разити дукелцІи иргъулра къалли или гъанбиркули саби.

Чи сейкІалра бархъси пикри саби Иминни бурибси. «Хъалибарг абикъесцад далайла цІакъ агара» викІухІели, илини нушала хІулбала гъалар гІямру дяхІ-сайхъули сай.

Табиг'ятли илцад халаси пагъму бедибси Батирайлисра далайли х'ериахъ-ес ик'бала х'ебариб. Илала къалли сай миц'ирли левалли цалра жузалра дура-бухъунси ах'енри. Ишбарх'и биалли «Дила верх'иц'али жуз дурадухъи сари, нуни 450 далай делк'ира или гапбик'ути къаршибиркули саби.

Батирайра поэт сайра х'ейк'и. Писки Мях'и писательтала Союзлизи керхур-ли валкъх'еур. Валкъари, керхес дигули виалри...

Иминнара писательтала Союзла член виънила билет гъаннара иличи х'ебаи-ли гъуйчиб лебал. Сай биалли 80 дус вирули сай! Ил гъаннара «вашу-вашукад х'убкуб цах'инабирхъули» левал.

Ил гъала х'еблизив, бара чебсаргъибси ванзализирад урузли цаибти вавни гъардик'ух'ели, ак'убси сай. Гъарли-марси шила адам сай. Лерилра г'ямру илини шилизир дерк'иб, Ваг'айс къуллукъбирули г'ярмиялизир дерк'ибти х'я-бал дус халх'едаралли. Амма шел дус ДГУ-лизив уч'улира калун. Г'уррара, су-нес итцад дигули буибси учительла саниг'ятлира абаала х'ебирух'ели, чумал дус бук'ун виублира дурав калун.

Студент вирух'елил илала назмуртала жуз дураэс имкан лебри. Чузибси таг'ям гъарг'арахъес дила хала нешли к'урухъан хъярби чугализи детуршули рири. Иминра назмурти дикъайчи кадяхъес гъалакик'ули х'ейри.

Ца назмулизив Имин сунес сай «Чиллализиб х'ебличи х'ерси шан чякагъу-на...» – вик'ули сай. Жагаси сурат саби. Селра имц'абарес х'ейрар...

Белч'удила ва бузерила маргъличир диахъубти сархибдешуни багъандан ВДНХ-ла мургъила медальличил шабагъатлаварибсири.

Поэтуначила ва писательтачила лебг'еб тамашала пикри бурибсири пагъ-мукар Х'ябиб Г'ялиевлира. Илини бурни х'ясибли, творчествола адамти – илди чули пикрибарибси дунъялизиб къиян-жапализиб х'ербирути пакъир адамти саби. Биэсра асубирар, сенк'ун илдигъунти нуни гъар барх'и чебиулра. Илди сегъуналра багъа агарлира лук'ар ва, сегъунти къиян-жапализиб х'ербирули биаллира, илдани я къалам лайх'ебик'у.

Вирхулра Иминни Писки Мях'иличила сунела пикри сеннира буру ва ну-шала журналла буч'антаци биахъу. Ил ах'енну, илини нуша сагаси жузличилра разидирура.

Игъбарлизи халбарис, х'у ак'убси барх'и нушаб х'ела мякълар къарши-дикес бикалли. Илх'ели нуша х'уни шяллит'личиб бирхъуси макъамличира лех'ахъес дирех'е. Илх'ели х'уни г'яшли биалра далайра батаадли, нушани х'ела авалра дурх'яла ва г'ямрула ралликъянала арадешлис пигълумира ахъ-дурцех'е.

Нушала халаси гъалмагъ, х'ела чугализирти хъярби жъвилл дурасес замана баили саби. Нуша х'ечил сарра.

Х'ебла вавна х'ед разидеш бихули калаб!

Х'ела гъалмагъунала шайзивад Тавсултан.



Имин МЯХИММАНДОВ

ВАТАСЛИРИ ПАРГЪАТЛИ

Дубуртачи айцџули,
Дурзам гџаяр бикира.
Диркъаличи кайцџули,
ДукI-дураз дузахъира.

Дила гџямру ардякъун
Диркъанирра дубрирра,
Гџядатла хурегличи
Харили саб канира.

Шинра, къацџра, нусира
Камхџейуб хъайгџир гџурра,
Чи гџяхџладли вакџалра,
Кадирхъис илди гџурра.

Гџягџинили ахџен селра
Гъанна наб хџушазибад,
Ватаслири паргъатли
Дугџла бугъгантазивад...

АГЪ, ЗАМАНА, ЗАМАНА...

Агъ, замана, замана –
Дила гъалабла дунъя!
Гџилмули хџурхъи ахъес
Уркџи бицџибси гъира!

Гушлира хџедикџира,
Дягџлира хџедикџира,
Киса бацџли биалра,
Ца къас бири гъарилла.

Адамдешра, адабра,
Ахџерси неш Ватџанра
Дири нушаб къиблама.
Гџур иличиб дурхъаси
Мурад бирив нушала?

Гъанна? Киса бицџалли,
Се аварав илдала!
Муруцџван уркџи бацџли,
Бекџлизиб дягџ бучџалра...

РУШБАТЛИЗИБ САБ УЛКА

Акџес дигулрив?
Рушбат!
Учџес дигулрив?
Рушбат!
Узес дигулрив?
Рушбат!
Зягџипикилрив?
Рушбат!

Мурт-дигара рушбатли
Дургу, бикџар, дигайра,
Рушбат сахаватбара –
Сархидра се-дигара!

Гъаннакџун, ил хџегили,
Хџярира гъунихџелта...
Цџали бигла рушбатла
Арилизиб саб улка!

ЛЕБАЛ, ГЪАННАРА ЛЕБАЛ

Ватан багъандан гъубзни
Улхухели дургъбазиб,
Хъайгибти хъунул-дурхІя
Бизухели нургъбазиб,

Лебтири къачагъуни
БуцІала вацІурбазиб,
ГІярмиван уббилхъули,
Къукъбала гинкъурбазиб.

ЛутІи илда адапти
Гъундурачиб, шимазиб,
Геллабурши ятимти
Шишимтази, гашази...

Гъанна илди гечбиуб
Пачалихъла кІялгІнази,
Диван марбирул мугъур
Бикили саби чузи...

Гъарали лутІули халкъ,
Бурцули гІяйибтази,
Я гъаббулхъули ахІен
Гъалабван вацІурбази.

Лебал, гъаннара лебал
Къачагъуни гъар шайчиб,
Агара къиянна халкъ
Балтахъути илдази...

НУ ВИРХУЛИ АХІЕНРА

Ну вирхули ахІенра,
БерхІи, хІела нурличі,
БяхІчили абулхъадра
Бархъли дила юртличі.

Чуйнара дай дуцІрумра
Чилла чихъбизур набчи,
Шишимла-шахла сирис
ИртІули уркІиличи...

Ну вирхули ахІенра
Я шаласи Бацличі,
Абалки кабиралра
Дила хъа дубхъиличи.

Чум-чумра бацла дуги
ДецІ хъурабиуб набчи,
Шявла гъурша дукала
Чебуршули хІулбачи...

ТАМАЙ ЯСИРУЦИРА

«Хабарла исбагъила
Сурмай гІутІила хІулби,
Зубартиван, гІякълули
Ухар» или бакъили,
Гъачамригу хІеръибси,
ХІисабдарес дигули,
Гъанна уэс хІейрулра
Сари чехІериули...

«Анда шалал шалайла
Лезми чакарла мухІли,
ПасихІлаван, хІялимли
ГъайбикІар» бикІухІели,
Гъачамригу гъайибси,
Ца хІялумцІис викІули,
Тамай ясируцира,
Аричи ретаурли...





Мисей
ГЯБДУСАЛАМОВА

КИЕЛ МИЛЛАТЛА ИСБАГЪИ

Мургъила гѣбшнилизиб
Акѣубси биштѣгал арцан,
Дила хѣу ретааби
Бегѣтала уркѣи иргъан.

Неш-дудешлис риаби
Абулхъул бацла шала,
Хѣчибадли абалкаб
Илдас нур даимдешла!

Вавни урgab бакѣибси
Пергер жанайла вава,
Хѣу лерихѣиб каммабий
Гъар манзил умул гъава.

Ретааби ахѣрси
Хѣу бегѣла талихѣчерси,
Кѣл миллатла исбагъи,
Дила рурсила рурси.

ДИЛА НЕШЛИС

Дагърила ахъанайти
Сецад ахъли ахъасра,
Хѣуни гиб дуклумири
Иларяхѣ гъакѣдарибти

Кагъарлизи къаламли
Чум назму делкѣаслира,
Хѣла лайлаличирад
Сар илди дехѣдихъибти

ВАТАБИ ВАРСХѣЙУБЛИ

Дила къисматлис шанда
Барули ветаурси
Талихѣла, дусми лерай,
Къарауйчи кайзурси!

Гъарил савли ва бархѣехъ
Хѣу дила мякълав виъни,
Дила уркѣилис дарман
Хѣла някъбазир диъни.

Игъбар ахѣну, дила
Унраличив хѣу акѣни,
Дусмала духемлизир
Нуша зиланти диъни?

Къадуртали гѣмрукад
Набчил ганзикѣулири,
Дила гъавра гъавара
Дигахъу хѣезирад.

ХІу акІубси бархІира
Наб байрамван кабилзан,
ХІу кайруси утара
Шагъла тахван чебиис,

Къабулдара дурхъати
Мубаракла хІябал гъай,
Ватаби хІу арали,
Лебалли шалал дунъя.

НЕСЛА ДУГЪБИ

«Жан рурси, илди» – дугъби
ЛихІбазир зайдикІути,
Дила гІямрула гъуни
Къалтинтани биршути.

Илди гъайли саб гъунар
Чархлизи картІахъуси,
Янилизибра берхІи
ДуцІрумван ухахъуси.

Нешла дугъбани саби
Дугила зак улкуси

Илала някъби сари,
Изайс дармандирути.

Илала хІерли саби
Алав шалабируси,
АнцІкъи-цІала цІуэри
– Гъаман ванабикІуси.

Неш, лертала ил ратаб,
Изайс дарман рирахъес,
Агартас икъала габ
Нешла рухІлис дулгахъес.

ШАМИЛЛИС

ХІу акІубла хІябал дус
ТалихІ барибси хІябка,
Виаби, гІязиз урши,
Машгърбареси улка

Калаби гІямрулизив
ГІяхІгачил валиркули,

Игъбарличи дяхІцІилра
ХІела кахІебиркули.

ГъанкІ ахъесцун бурушла
Калхъаби, виштІал лачин,
Ветааби бегІтас хІу
БерхІи бихул хІурулгІин.

ДИГАХЪИС МЯХІЯЧКЪАЛА

Дигахъис дила шагъар
Багъали дурхъал давла,
ЧебяхІбирис дугъбазиб
Мезли раркъиб абала.

СагабикІаби, шагъар,
Гъала хІебли ванзаван.

ГъалабяхІцун бикаби
Мурталра хІу хабарли.

Шагъар дила хабарла,
ХІябцІали мезла умцла,
Шагъар дила гІяхІгъабза,
ВатІан игит уршбала!

БАКІИ, ВАРИ, САГАЛ ДУС

БакІи, Сагал дус нушаб
Сагаси талихІ хили,
Халкъ далайбикІахъули,
Излуми хъумартурли.

БакІи къанхІебиубли,
Къунзбухъен шимикадли,
ХІу ва гІямру дигутас
Дурхъал гъунгел биубли.

Ванзаличи гъарш каа
Излуми кIапIдаресил,
ГIяламлис гIямал бирес –
Дарман даргес биэсил.

Гъар кайцIуси ганз биаб
Шин-къацIла, баракатла,
Гъар сагал бархIи башаб
Давлала-арадешла.

ХIерлирану, къунзбухъен
АрхIяла хIевачебли,
ЗугIлуми ардикуси
Мургъе уркур аурли.

Сагал дус, сагал умут
Сагал хIяка сагал куц!
Дулхъулицун бирдесли
Дабри дирул унцла кабц!

ХIУ ДИЛА ГIЯМРУХIЕЛИ

Се биаллира белкIес
Къалам някъла касасли,
Лерил белкIани дирхур
ХIу уркIила вакIадли.

Ца далай бучIас или
Жикъиличи рухъасли
Далайла тIама булъан
ХIела малхIям дугъбани.

Дунъяла лигIматуни
Чедаэс хъулрухъасли,
Шявдирар дила хIулби,
Иганай, хIела хIерли.

Иш дила Ванзаличир
Сецад мусни диалра,
Нуни баргхIебаргира
ХIу сунезив агарси.

Иш дусмала дуцIличил
Нуни чум дякъ ахъасра,
Ганзалра ахъхIехъира
Ну хIечил парх агарси.

Нуни гIямру дуркIулра,
ХIу левни балухIели,
Дусмала багъа ахъси
Дила гIямру хIухIели.

ДУСМАЛА ХЪЯРХЪ ДУЦIЛИЧИЛ

Дусмала хъярхъ дуцIличил
Чуйнара яни бакIиб,
Чуйнара Сагал дусли
Мубаракла дугъби хиб.

ГIямрула хIябкъяйличир
Чумра назму делкIунра,
Ца хIу сипатвареси
БетхIеургу рикIулра.

ГIебшнили чуйна яни
Дарсдарес дираллира,

Дила хIечи хIялани
ДарсхIедирни балулра!

БугIярдешли ванадеш
КIунбацIахъес биралра,
Дигайла абалтул гъигъ
Селилра хIебиргIяхъу

Баши, яни, янаша
ГIямал агу хIебакIес,
Багъи, хIебли хIелара
Бирарну гIямал буэс.

ДИГАЙ

Дирхъалли дирхъаб дигай
Анкъилабси цIагъунти,
Нура ванарарили,
Кулпетлисра даэсти

Дирхъалли дирхъаб дигай
Тайгала вацIагъунти,
Сага ва жагъдикIули,
Гъар дус чеахъдикIути.

Дирхъалли дирхъаб дигай
Сабухъ лугул хъугъунти,
Хъулибтира белкъахъи
Гяламлисра даэсти.

Хедидалли дати хед
«Иргивя дашул гямилар»
Хялана хебаргили
Чехергъибси уркилар.

НЕСХІЕЧИЛ ЦУГБУЦЕСИ

Щакъ дигайла барули
Къапларван къацруцасра,
Ахерси нешла херли
Къалурби дукъдуляхъу.

Иганай варгисси сай
Урчемал дус умцули,
Дурхъни аклубти саби,
Чевяхъисили гибхели.

Гязиз дурхъначи дигай
Ламиван алки хъалли,
Дигайла ца хярхидиру
Раркъиб нешла ца гъайли.

Амъур закла зубари,
Дила ванзала вали,
Неш, хечил цугбуцеси
Селра агара, багъи

САГАЛ ДУС – ДИЛА БАЙРАМ

Сагал дус байрамлизи
Чули халхебирути,
Риклура, шулумбулхъаб
Хедикъули дурути.

Сагал дус – далай саби
Дусли цайна бучуси,
Цаличи цала дигай
Хекъели ахъли дуруси.

Сагал дус – байрам саби
Дуньяла, дурхядешла,
Никлабас талихъи буртес
Хъулбиклул инсантала.

Сагал дус – сяхъбат саби
Хяя дурус адамтас,
Се биалра уркилаб
Дяхъла бурес бирутас!

ГИАНРУЧИ ДИРИХЪЛА КІАНА

Бицахъул ванал берхъи,
Хела малхъамти нурли
Дацахъа дила анцкъи.
Дацахъугу, риклура
Дяхъила капарайван,
Ванза юргъай буцибил
Янила шах-сирисван.
Ардуха чархъевхъесли,
Гърахъ къада дикесли,

Къашмала дякъла дублар
Чилилра хедаргесли.
Закиб гъайбатли урцул,
Дуклума гъарзал члака,
Чебухъи ху хадара
Дай уркила шишимти.
Халкъ хебашул цун дубрир
Урдати хедаргесли,
Дякъличирад чердалки,
Набчи чархъедухъесли.





Зубайдат
ГІЯМАРОВА.

НЕСЛА МЕЗ

Дила ахІер нешла мез,
Сириларал дяркърти,
ГІур дунъяличир агу
ХІушачирра дурхъати!

Ацлис асес хІейрути,
Багъа кахІебиркути,
МалхІямли зайдикІути
Сари вегІла нешла мез!

Сартан къяйда хъярхъти сар,
Къаплан къяйда гъалакти,
УркІилаб мер буцибти
Сари вегІла нешла мез!

Дашира лебтанилра,
БирехІе халал къайгъи,
ДетхІехъахъес, калахъес
Нуша дегІти нешла мез!

ЗурхІяб къяйда алкунти,
ХІябцІану хІябра гІама,
Илди ургар ахІерти
Сари кали нешла мез!

Илди лерилра лерси
ЛебхІели хІу уркІилаб,
Сарра ишцадра хамси,
Дила ахІер Дагъистан!

ГІЯЙИБЛА РЕГІ САРРАВ?

ГІяйибла регІ саррав ну
Иш дунъяла къакъличир,
ХІед дучІути хІябкубти,
Батирай, делчІун или?

ГІяйибла регІ саррав ну,
ХІед багъишладарибти
Лерил жагал назмурти
ХІямзатли делчІун или?

ГІяйибла регІ саррав ну,
Ил хІу сипат бируси,

Жагал сихІрула хабар,
Пушкинни белкІун или?

Дила дурхъал Дагъистан,
УркІила мягІдунтазиб,
Набра кали бургаргу
Къадарси хІед ца хІябкуб.

Дургисра лутІилиур
БегІла гІядатла дугъби,
Чузи бухІнабуцибси
БегІла дурхъаси мягІна.

ДАГЪИСТАН

Дагъистан – шурла къала,
Дагъистан – гъайла къалтин,
Дагъистан – чакнас пукъа,
Дагъистан – гъубзнас дудеш.

Хала бегІтани датур
Дурхъати гІядатунас,
Улхалра марбирути
Чакнигъунти гІяхІгъубзнас.

ХІела хІулбазибадли
Дунъяличи хІербикули,
Алхес аркъІелира
Уркібазиб цІум агартас.

ВацІа-хІяри дуцибти
ВацІала къачагъунас,

Арсланна уркіличил
Жаваб цацун лугутас.

Хала бегІтала чебла
Хамдешличил ихъути,
Даршлим гъану урчІемра
Афганнизиб алхунтас.

ВацІала диркъаличиб
Вайгъубзна уцибІели,
«Узби дузена» или
Хамли дунъя батуртас.

ХІела гъунарти делкІес,
ХІедиурну шинкъяра,
Гъубзнала уми делкІес,
ХІедиур кагъуртира.
Дила ахІер Дагъистан!!!

ДЕЗАРИКІУЛРА

Дила ахІер Дагъистан!
Деза хамли рикІула
Лебилра хІела халкълис,
Дедахъес арал гІямру.
Буркъа дуслис калахъес
Лерил лерти анцІкъи-децІ,
Сагал дуслизир хахъес
Гъарилличи разидеш,
КамхІебиахъес хІела
Халкъла хулиб баракат,
ЧІумабиахъес хІела

Халкъ ургабси уржибдеш,
Къумур гъарзабикІахъес,
Дин, диги тІинтІдияхъес,
Дяв агарли даршули,
БиштІати абилкъахъес,
Аршила авлахълабцун,
Дявилизи ахъахъес,
Дила ахІер Дагъистан.
Уршби халабикІули,
СяхІбатуна биркъули,
Дусмира ардашахъес,
Дила ахІер Дагъистан!

ГЪАЙРУХЪЕНГУ НАБЧИЛ НЕШ

ГІяшрии сириличи,
Далуйта ручІухІели,
Ардякъун дургар хІела,
Итцад жагати бурхІни?

Гъайрухъенгу ахІер неш,
Селичила биалра
Дай дуги бикайчи наб,
Пешкешдара дурхІядеш.

Арцурси арцан къяйда,
Заманара арбякъун,
РиштІахІели бигъунси,
Бархбасла чІира бердиб.

Гибси къадарличи ну,
Дебали разилира,
ГІямрула бухъян гъуни,
МяштІра хІебирулира.

Амма, или биалра,
Наб дигулра дебали,
Чарбарес, гIур хIейруси,
Ит дугила гъарахъдеш.

Гъайрухъенгу, ахIер неш,
Селичила биалра,
Дай дуги бикайчи наб
Пешкешдара дурхIядеш.

СихIрула ит хабарла
Калунти минутуни,
Дихисра уркIилизир
Дила гIямру керхайчи.

Дунъяла масличибра,
Дурхъал савгъатличибра,
АхIерли саб ахIер неш,
ЛехIси ит далай хIела!

ЦАДЕШЛА ЖИ

ЦахIнадикая или
Дубурла чIумал гъубзни,
ВявбикIули саби жи,
Азадси гIямруличи...
Ингуш, чечен, албанец,
Дарган. къумукъ, кIарахъан,
Ногъай, абхаз ва черкес,
Осетин ва къарачай –
Лерил цахIнадикая
Узбала мявализи,
Гъунарла мявализи,
Шурла михъиригъуна,
Ва къукъула рямкъ къяйда
КIухбулхъан дуньякадли
ЧIакнала уржибси жи:
«Аллаверды, Аллаверды!
АхIерси дила Кавказ,
ХIу, нушала чарх сабри,

ХIу гIуррара – хIи сабри,
Дявила майдайчир,
ГIяхIгъубзнани кертIибти,
ЧебяхIси хIу багъандан,
ХIядурлира дебкIесра
Илкъяйдали нушази,
Аллагъли буйрухъ бариб!
Жири ишгъуна саби:
«Узидеш ва азадеш»
ХIера, ил саб алкунси,
Лебталалра уркIазиб,
Ил, мурталра зайбикIаб,
ХIела халкъла дугъабиз:
«Аллаверды, Аллаверды!»
Разидешла шалали
Мурталра шаладикIаб
Дубурла хIяна бурги
АхIерти дубуртала,

ДАГЪИСТАН

Назмурти Сулейманна,
Далуйти Багирайла,
Бяснаби ЦIадасала –
Дила дурхъал Дагъистан.

Урши нешличи къяйда,
ХIечи ну милигира,

Дигулра, хIу кIапIбуцес,
Дила дурхъал Дагъистан!

Амма, баласра нуни
Неш уршиличи къяйда
Набчира хIерли биъни
Дила дурхъал Дагъистан!

М. Ю. Лермонтов

*Шурбатурси
З. Гямарова*

* * *

Зубри хIунтIендирули,
Шала шишдухъи сари.
Къанни, хъулир къакъали
Жагъил славянка сари.
ВиштIаси гардирули,
Ил сар далайрикIули:

«Майсуд хIу, рисусну!
ХIела биштIал уркIили
Иргъулирив лябкъуси?
Се балагъ бакIаллира,
Дила лачин, хIу нуни
ХIебалулрив, лайхIейкIни!

Намус багъандан дудеш
Дергълизив сай ургъули.
Гъунби сари хIилизир
Турани сар лямцIлизир.
Чебиулрив зак булан,
ХIунтIенбарили дявли?

Разилира ну хIуни
Селра хIебалниличи,

Илала шайчиб хIечи
Къяскабиэсли саби».

ХIера хабарагарли
ТIама-гъама адердиб,
Хъули дудеш ухIнахъиб,
Чарх, ярагъ хIилизир сар,
Сай гIясили вявикIар:
«Нушала ахIер ванза,
Душмай сай чяртбирули.
ТIашаз хIедиубра,
Дергълизир къирдиубра».

Кайкиб ил. УбкIули сай
ГIяхIгъабзала бебкIали,
ВиштIал урши иличи
ГIяшурцули сай нешли:
«ХIеръа хIуни, секъяйда
ГIяхIти гъубзни улхулил.
ЧеббицIес бурсивии
ХIу нешла михъирличив
Ухъули левалхIелил».

ДУБУРЛА ЗАКОН

Дила ахъ дубуртазир.
Законти дирхIедири.
Цалра даршдуслихълизир
Чилилра делкIхIеделкIун.
Илдазирад табтурти
Чилилра дучхIедучиб,
Дубурланна тIабиГIят,
Илизи хIебелкIири.
Амма, рахли анкъилаб,
Ца дубурланна хъулиб

Калунси биаллира,
БиштIал цIала цIуздаги,
Ил, дугилабад дуги,
БархIиличибад бархIи,
Анкъилабад анкъила
ХIебиши улкусир.
Ва, цацун дубурланна,
Гавлагла лутIилизир
Декъла пис калаллира,
Гъар анкъилис диахъи,

Гьарла хьулиб биахьес
Буцусири ванал къац!
Эгер жагьил гьулухьа
Гьуйчи дураулхьалри,
Ил гьуниватес или,

Лебил ши дурабулхьи.
Шилизив чи виалра,
Эгер зягипикалри,
Паргьатдеш бульусири
Лебил шила шантала.

ЧУМАТИРА КАБИРКУР

Хямзат ЦАДАСАС

Хияьаркьур жаниварван,
Чуйнара барсбяхьери,
Чуду-хинкI къяйда бутес,
Чус къяббарес дигули.

Азаддеш балтахьули,
Хила хIуркIби кертIри,
Душмайзи хIела ванза
Ганзбаряхьес хIегири.

Чумаси дила улка,
Чуйнара кабикири,
Дявилизив вяхьибси,
Урибси гьабза къяйда.

Рирхулра, хьумхIертури,
ЧеалкIуси наслули,
Алкунси муртлисалра,
Ца, чуни хIебилшахьни.

МЕЗ

Алагьли гьай дугахьес
Малаик вархьибхIели,
Гьайли бицибси гавлаг
ХьуцIарличи гIелахьиб.

Ил мер тамашалари
Ва хIяйранвизслири,
Алавчар хIерьибхIели,
ТIабигIятра дугIлари.

Ахьти дубуртикадли.
Мурхьти къадурбикадли,
Аркъулри ил гьайбатли,
Лебтасалра дуртIули.

ХIера кабухьун бурям,
Ках балагьла цIакьличил,
Хьямбарили гавлагра
ШившитIайчи шурбухьун.

Гьар ваибси мерличир
Вава-къарра духьулри,
БерхIи ванабикIулри,
Бацра шалабикIулри.

Ил мер, биштIаси сабри,
Амма, дурхьаси сабри,
У бурес ну хамлира,
СабхIели хIу Дагьистан!

ХIера, вашули ваиб
Кавказла дубуртачи,
Дубурла хьар бекIличиб
ДяхIи хIебицIул мерла.

Ца – неш, Дагьистан, хIела
ХIябцIану хIябра урши,
Уржили хIербирули,
БуртIхIебуртIули къумур.

Ил биштIаси къякъличиб
ЧебаибхIели къяркьдеш,
ДугIла жаниварлаван
ХIяьаркьурси хасият.

Мер биштIаси биалра,
УркIи саби бягIуси,
Даим ваналира саб,
Дила ахIер Дагьистан.

Аминат ГИЯБДУЛМАНАПОВА
Дагъиста халкъла поэт.



ДЯХИИ

Гьаргала чебаэс
Улкъай абхъира,
Цаибси дяхИла
ДяхI чедaira:

Бамбали бергурсин
Саби алавла,
Улкъайла айцIулри
ЦIуба пуслира.

Цаибси дяхИла
Арилиубсин,
ЦIубли саб дурала,
Чина хIеръалра,

Гьундури, къадуби
Сарри пухIлизир,

ПухIливан арцурти
Кункти пуслазир.

Цаибси дяхИли
ДяхI дирциб дила,
Кадииб чурмази,
КIундациб чумра.

Цаибси дяхИли
Гъав ахъбарили,
Арцур зубриздяхI
Пикруми дила.

Гьаргала чебаэс
Улкъай абхъира,
ДяхИла пуслани
Ляв-бай карарра.

САБУР

ГъятIбиубси юртгъуна
Сай сабурагар гъабза,
ГъятIбулхъличи мешуси
Сай халаверхурсира.

Сабурла яхI гъабзала
Саби мургъилагъуна,
Кавлан ил варсхIейубли
Се виКIаллира КIарза.

Дузабличир гъунарти
Сарху сабурла вегIли,
Ил гъабзала гъунарти
Дирар игитлагъунти.

ЧевяхIси, аррукаба
Ахъдешличи сабурла,

Жаваб хIегили валтас
Къалпчира мезлукъяра.

Сабурла пагъмуличил
ЛукIас нуни назмура,
Сабур, я цIали хIейгу
Я хъулкили архIеху.

Мас-мулк агарриасра
Марираба сабур агар,
Сабур – талихIла шала,
Сабур – адамла игъбар.

Сабурла сар бац-берхIи
ДяхI шалали ухантI,
Миллионти дусмазиб
Дунъя шалабиранти.

ЧЕАЛКІУТАС

Нуни далай бучІула
ЧеалкІуси наслулис,
Дубуртала жагадеш
ГІурра жагабирантас.

Уржили хІербирантас,
Узби къяйда балгунтас,
Хала дудешунала
ХІурматбарес балантас.

Шантасра дубуртасра
ХІялалли хІербирантас,
Гьар-урла гІядатуни
МяхІкамли хІердирантас,

ГІямру, гьунарти, дагьри
ГІибратли дихъантас,
ГІилмула ва дагьрила
Давла кІиркабирантас.

ГІяхІлачи хІерли даим
Унзурби гІехІейкІантас,
Ламус-хІяя умули
Даимлис хІердирантас.

Рирхулра чеалкІуси
Наслу саби чебяхІси,
ВатІа давла берхъахъес
ХІушачи хъарси саби .

АХЪЛИ ДАЛАЙРИКІУЛА ДАГЪИСТА БАГЪАДУРТАС

Ахъли далайрикІула
Ахъри лебхІели дила,
ХІушала гъабзадешли
АхъруцибхІели нура.

Бархъдешла ахъанайти
ЧерхІедалкІи ихъанти,
ХІушаб далайрикІахъес
Ахърира гъав гибти.

ХІясратлира, хІясратли
Гьунартачи хІушала,

Дурхъати, багъа ахъти,
Дагъиста багъадурти.

Ахъли арцур чІакначи
Чуйнара карцІриубра,
Дубурланти, иличи
Мешутира хІушара.

Ахъли далайрикІула
ХІуша лерхІели дила,
Дубурланти, гІяхІгъубзни
ГІямру дерхъаб хІушала!

ДАГЪИСТА ЧЕМПИОНТАС

Гьунартас акІубтира
Дагъиста асил гъубзни,
ХІушачила чумлира
ДелкІун шягІирта жузи.

УркІсаира гъаннара
Россия, Япония,
Бемжурси гъазализир
Гъабзадеш дагъахъурли.

ЛугІи агу ордентас
МургІилара арцлара,
Гъазализиб гъалбуци –
УркІсаиб иш гІяламра.

Миллатуни уржибси
СабхІели дила Кавказ,
ЦІала тІякъгъунти гъубзна
Ахъбариб сунна багъа.

Гъазализиб чІумати
Дагъиста асил гъубзни,
Къакъличиб иш дунъяла
Машгьурбариб Россия.

Гъалбуциала хІулбазир
ЦІа садитІес диранти,
ХІушаб саб дила далай,
Дагъиста чемпионти.

Байгинат
КЪУРБАНОВА



ГІЯХІМАДХАН АБУ-БАКАР

Булбулла макъам марка
ЧяХІбиклуси эркини,
Гъала лебхули саби
ХІела пергер жузани.

ГІяхІмадхан – хІу арукъни
ДецІ саби нушаб халал,
ГІямру ва къимат хІела
Саррину яхІла къала.

Урунжли милигсиван,
Ахъахъили милигдеш,
ГъаладяхІ ардукири
ХІуни бузери, ахъдеш.

ХІела шанта мургъили
ЛукІа гІянтІикІа секІли,
ХІуни белкІес виубри
ХатІли иш хІяна дунъя.

НУНИ ДУСМИ ПЯХІДИРИС

Нуни дусми пяхІдирис,
Ахъ галгала гІинцбиван
Дила гІямрулизив хІу
Къадарвиъни багъандан.

Иргъулра хІела гъайла,
ХІейрус уэс агарли,
ХІунирину дигайла
Набчи баршибси гъайкар.

ЖагъХІели ахІенригу
Нуша къаршидикибти,
Я дигули карцІдиэс
Ца шилизир акІубти.

БиъХІебиур ванадеш
Гъарил буркІул барХІила,
ДурухХІели пикруми
Дигай гъанни жагътачил.

ИтхІели царилтири
Нушала гъундурира,
Сеннира ЧевяХІсили
Ца дарра манзилличир.

Нуни дусми пяхІдирис
Ахъ галгала гІинцбиван
Гъарил гъигълизир рирус
ХІебиуси гъавали.

ХІУ САЙРИ

Савли абулхъул берхи
Цаибти берхила нур,
Ца хІу сайри, ахІерси,
Давла-масли бицІиб кур.

ХІу сайри зубарира
БегІ гъалаб абулхъуси,
Дила уркіла цІара
Паргъатдеш хІебулъуси.

ХІу сайри мурил гъанкІра
Янира хІеблизивра,
Наб разидеш бихуси,
Гъарил гъигълизиб гъавра.

ХІуни сарри, гІяхІгъабза,
Дуклума даршибтира,
КъаршихІедикес гІямал
Агарсира бекІлилра.

ХІу сабабла дарманра
Сайри ну ахърирахъул,
Гъар мицІирти жанниси
Дигули гъайриклэхъул.

Ге, хІу сайри, ахІерси,
Даим жагъриклэхъуси,
Иш дунъяличиб бацІли
Бархи хІебурклэхъуси.



➤═ Ибрагъим Ибрагъимовлис - 65 дус ═➤

Гябдулла ВЯХИДОВ



ИБРАГЪИМ ИБРАГЪИМОВЛА УСТАДЕШЛИЧИЛА

Дагъиста машгъурси литературовед, профессор Гябдулла Вяхидовли пагъмучевси писатель Ибрагъим Ибрагъимовла творчество бяркъес къасбариб. Сепайда, бегълара литературала цакъаназив ва пагъмуртазив ватухъунси манзиллизив ил гямурулизивад арякъун, ва ил белкI бучантаци хIебаили калун. Гябдулла Вяхидовла гямурула марси рархкъя, «Дагъиста хъунул адам» журналла редактор Патимат Вяхидовани ил хIялумцIла даргала бучантаци баахъес икъалабариб.

Машгъурси критик гIилмула хIянчи ахирличи бикахъес валкъаурли уили ахIен. Илбагъандан бурги ил даргала писательтала ва поэтунала творчество руркънилис багъишлабарибси «Даршдусмала хIябкъяйличиб» бикIуси кIел томлизивад цалабикибси жузлизив кахIеберхахъурсира. Нушала журналла бучантас ил белкIлизивад ца бутIа гъалабирхъулра .

* * *

Гядатла учительла гямуру дуркIули, Дахадаевла районна халаси КIишала шилизив хIерирули сай Ибрагъим Ибрагъимов. Амма ил гядатла учительцун ахIен. Гъавкъяси, 2006-ибил дуслизив Россияла Президентла премияличи (грантличи) лайикъикибси учитель сай. Буэс илра, Ибрагъим Ибрагъимов, авцIали дусличив имцIали проза (хабурти, новеллаби ва повестуни) лукIули, даргала литература давлачеббинурилу узуси писатель сай.

Шагъарла гямурула хасдешуни илини Дагъиста пачалихъла университетла Дагъиста филологияла факультетлизив учIухIелил дяркъур виэс, МяхIякъьалализив хIериз хъулхIевхъун. Сай акIубси шилизи мерлавиуб. Шила гямуру, шантала баркъ-бац, диру-далтути дяркъур. Илдачила сари прозаикли делкIунти хабуртира.

Халкъла гЯмру дахьал шалубарти дирар. Илдазиб децЛизибти, дигайлизибти, гушти, белкъунти, цархИллис гЯхИдеш барес имканагарти, кьиркьирти, сахаватти геройти бирар. Илди чебаэс, ца анцБукъ-ургали адамличибси хЯл чебаахьес вирули сай Ибрагьим Ибрагьимовли. 1989 ибил дуслизиб дурабухьунси «Буунси хья» бикЛуси цаибил жузлиирти хабурти делчЛунхЛелил, илгьуна пикри алкЛули саби.

«ГьархЕбизур» бикЛуси хабарла геройти гЯдатла адамтазибад, чус-алавтазибад куц-бекЛичил, жагадешличил декЛарбулхьули саби. УчЛусилис илди автобусличиб кьаршибиркур. Жагьил урши «цархИлтачив бекЛа кьадар ахьси», «сура цЛудара пиджакчевси» сайри.

ХЕбиалли, ил цархИлтазивад кьаркьайзив ва палтарлизив декЛарухьири. ГЯхЛа шайчив. Иличила жагьил адамли балули сай, ва автобуса рухИнар чераибси, жагаси, регЛа жагаси рурсиличивяхИ гуцЦирули сай. Чилра мучлахЕрили, автобусличибти лебилра бачабархахьили, кьуж-хьячЛбарили, исбагьила мякълав дакЛуирули сай. Ишарра жагьил адамли сунела имканти дигарцад асарчерли пайдаладирули сай. Рурсила исбагьидеш биркИан-биркИай чедидирхьули сай илини ва ишкьайда пикриикЛули сай сунечила: «Чинаври гьанна бикайчи, мехЛур! ХЕра, ил мякълар хЛу умцЛуси, хЛу улгуси бегЛа жагаси жанай вава. Чилари, исбагьи? Чинарадри? ХЛуруцЛрив? Муэррив? ХЛуцунрив? Дила игьбарла бархИ ахЕнара иш? ХЕбиалри, хЛу кьаршихЕриркади...» (б.56).

ЦархИлван бизсра хЕбири, хабарчисра ил жагаризурли сари. «Жагасири, дебали жагасири ил чехьери. ХЕкьли далдикибти палтарра, хьяб алавбарибси дурхьаси бакира, лихЛбачир хьалГаван жибжирдужунти урцЛира, кЛунтИби абхьалри, лямцЛбулхьуси цацун мургьила цулара, дяхЛа жагати лишантира хабарла устнани чердикИбтигьунти сари» (б.56).

Писательли сунела геройти учЛаннис, илдала бегЛара дакЛу-гьаргси лишан чебаахьили – чедила куц (портрет), гьалабирхьули сай. Илдала уми дурули ахЕн, аслу-мина якьиндарили ахЕн. УрхИлизибад, алавчартазибад илди кЛелра, ашкарлигу, декЛарбулхьули саби. Авторли ил декЛардеш кьаршибуцван ахЕн гьачам пайдалабируси. Автобусличив кьаршиикибси хабарчини илди кЛелра жагьил адам цЛархИлти архЯликьянабиван ахЕн чебиути. Ге, цархИлтазибад кЛелра жагьил адам декЛарбулхьули саби.

«Тупангла кЛикьярантиван лишанасили вякьдизурти кЛел хЛули» (б.56) хИсабдарибси рурсили ца кьяли пишбяхьибси гьярцЛа цЛудара супелра лишантази буциб.

Хабарла геройти, чебиуливан, гьамадли тьянишбиуб. УчЛаннисра илди чула чедиути жагадешуначил гьалабизур. Хабарла экспозиция (бехЛбихьуд) балкъаахьес авторли анцБукъ кабиркуси заманара белгибирули сай. ХЕра, иш хабарла цаибил предложение: «ДуцЛрумла дайхЕрейчирри». Цаибил хЕрлис илгьуна бехЛбихьуд хабарла каргьниличил бархбалгунсигьуна ахЕн. Амма иличи гЯгИнидеш леб, сенкЛун автобусличи хЕрти адамтачибси хЯл чебаахьес ил предложение баили саби. Ца предложение белкИ, авторли тЛабигЯтлизивадра, автобуслизивадра, илала шоферлизивадра хьархЕрти архЯликьянабачибси аги сипатбариб. «КьантИдеш – пагьмула бузи саби» – викЛуси урусла машгьурси хабарчи А. П. Чеховла устаханализивсигьуна сай даргала писатель.

ГьатЛиралра пикри бяхИчаэси саби авторли пайдалабарибси яргаличила кьяйда. Инжитбиубти архЯликьянаби шоферличил пунтбиэс гЯгИнитири. Амма илгьуна анцБукъ бетарули ахЕн, сенкЛун лебталалра пикри сунечи битЛакИбси жагьил адам дакЛуирули сай. Баягьи ил, цархИлтачив ахьси, ке-

гЕвси, сура цУдара пиджакчевси, гъярца цУдара супелтала вегІ жагъил адам сай.

Илгъуна жагъилли хъунул адам, чехъери рурси гъузгъалдирияхъни тамаша ахІен, вирхаэси саби ил анцІбукъ.

СакІуб хъунул адамлизир, чехъерилизир акІубти жагъдешла хІяланани хІератур пакъир ил. Ил сабабли ахІенрира чехъерили жагъил адамла тилади буйрукъван къабулбарибсира?

« – Асубирану? Някъбазиб бекІ-махбухъигу», - иб илини, дипломат рурсила къяшмала гъала кабихъес валилзули.

– Сен хІебируси? Биха, къукъубачибра буар» (б.56).

Ишди гъайла гІергъи хабар сунела яргаличилси ганзухъличи абицІули саби. Жагъилти- ургар бархбасуни алкІни гІячихъбирули саби.

Шайчивад хІерикІуси, баягъи ил автобусличив левси хабарчи ургаулхъули сай, жагъилти ургаб биубси ихтилат баянбирули.

«Рурсила дугъби жагъиллис сегъунтирил хІебалас, наб гІяжаибдизур. СенкІун жагати рурсби имцІали чехусантира, уктемтира, гъамадли бушинхІебирутира бургар или гъанбирки. ИлданикІун, саби хъулхІебухъалли, гІяхІси девра хІебуру. Ил исбагъи биалли жагъилличил вахъхІила тянишличилван гъайрухъун. ГъатІира гІяжаибси – гъайлизирра хІерлизирра малхІямдеш ва бусрав сари лерти» (б.56-57).

Рурсилизиб, авторли сагаси къ依ликъ, сагаси лишан чебиули сай ва учІаннис гъалабирхъули сай. «МалхІямдеш ва бусрав» агарихІир, диэс хІедиэсил мерличир адамлизир дакІудулхъули диалли, анцІбукъ сен-сабил ашкарли ахІенси дякъкад аркъули биъниличи шакдеш алкІули сари.

Жагъил адамтала ихтилат (мякълаб лехІихъути лебли биаб гъатІи!) тамашала бетаурли саби. Дигесли, тІягІямли, белчІес иштяхІухъесли белкІунхІели саби илкъяйда бетаруси (хабарчила лукІнила хасдеш). Произведениела бегІлара ибкъси манзилличи, даражаличи абикибси мер саби ил. Ихтилатлизир иргъахъули сари, дакІудуриули сари жагъилтала ургарти хІялани. Дигайла хІялани!

Рурсила хІялани, уршилазирадекІарли, умутли дицІили ахІен. Жагъил адам умутчевли сай, сунечи сай вирхули сай: «... ну вайси ахІенра: папрус агара, держ агара, малхІямсира, лехІихъусира. Бурсикарируд, валлагърагу, гІяхІилзас» (б.58).

ГІяхІизур, гъайгъай, рурсилис жагъил адам. Амма «Илкъяйда бикІути бахъал биуб, бахъ жявли гъаббулхъулигу...» (б.58), – ибси рурсила децІ белгибарес, багъес, аргъес гъамадли ахІен. Ил багъахъес кумеклавирули сай хабар буруси. Автобус, сунела гъуни буцили, ца шагъарлизибад цархІиллизи баиб. Иличилацун ахІен повествовательли буруси. Итди, баягъи кІел жагъилра кали саби илала хІерлиуб. Жагъил урши «...дипломатра кІелра някълизи цІацІабарили, гъунила итил дублав къаркъааурсиван тІашлири – ца къяшличи ралкІрикІуси рурси иличирад гъарахърикулри» (б.59).

ГІяжаибси дигІяндеш бухІнабуцахъили сай авторли биштІаси хабарлизи. Итдицад итди къаркъа ва хІяланала харжани дарили гІергъи, гІяхІризурси, дигиаурси, дигай дихъибси рурси ралкІа сари, чулахъ сари или, жагъил адамли ил лайрикІули сай. Чи сая, чидил сая илди кІилизивадалра чулахъ? Писательли сегъуналра ташмишдеш кавлахъули ахІен: илгъуна чулахъ жагъил адам сай. РухІлашалси чулахъ? Сунелара сунечи дигай алкунсилара хІяланала къадри-къимат хІергъибси, илди белгидарес бекІхІейубси, бажардихІейкибси бекІбахъ.

Кабизла сецад дурусдеш биалра, кьаркьайзив, куц- беклизив сецад валги виалра, гьархлебизур хабарла геройла. Рухлашалси чулахъ сай! Ил пикри бучантас тасдикьбарес, кабизахъес хабарла авторли дигарцад устадеш дакьударили сай.

Декиси кьисматла адамти саби хабарла геройти – жагьил адамра илис гьархризурси рурсира. Илдигъунти геройти лебси, хабарагарси ахирла бегл хабарлис гилмулизиб новелла биклар. Новеллала журала белк саби ил. «Гьархлебизур» биклуси хабарла (гьажайбти анцбукьуни дирути геройти) гьажайбси ахирличи лебкули сай авторли сюжетлизиб.

Марлира, ца сягьятли (яра клел, хьябал сягьятли) ца шагьарлизибад цархиллизи баибси автобусличибти архьяликьянаби чула хьялани, уркИла кьасани ва рухласи бухнабуц (давла) бучантас гьаладихъес беклибубли саби.

Писательля устадеш илкьяйда сари гьаргдирути. Хабар лужусини ца анцбукьлизиб яра ца бархИла детаур-диубти геройтала ибкьти аги- хьяйзир чедиахъу. Иш хабарла авторли даргантала гьабигьят гьаргбарнилисцун хасдарибти умцлаби ахИен дурадеркибти. Ишабти геройтани лебилра инсантаци хастивайти кьиликьунира чедиахъули саби. УркИла чурхдеш хасси саби сунечи дигай дихъахъибси ва илди ца яра клел сягьятла духИнар беглара чихъси даражаличир чедиахъибси мурул адамла. Сецад чихъси даражаличив – уркИла хьялани черяхИдиубси манзил (эгер илгъуна даражаличи айкибси герой виалли ил) чеахъили виалра, ил адам сайлин, гьабза сайлин инкарла виъни ашкарбариб хабарла авторли. Илкьяйда адамла психология, рухлати кутурдеш, мискиндеш якьиндирули сай. Бетаурси хабар саби «Гьархлебизур» биклуси белкИ. Илала автор гьарли-марли литературализив узес ихтияр сархибси писательли увухъун.

Гьархледизурти дигайличила, дигай сархес хлебиубти клел адамличила белкИ саби «Шагьризат» биклуси хабарра. Иш хабарла геройтала гьямру, цаибил хабарлизирадекларли, бучантас ашкардарили сари. Мурул адам учитель сай, хъайчикайибси, клел дурхьяра леб илала. Иличи дигай дихъибси школьница гамъа хъунул адамла 8-ибил класслизир ружуси рурси Шагьризат сари. Се лугули илди баянтани учаннис? ТалихИагар дигайла беглти саби илди геройти, – иличила бурес гьалаксигъуна сай автор. Гьайгьай, гьалакли, кьалабали бурули саби хабарлизиб Шагьризатла дигайличила. Дигай яра лер, яра агара. Шагьризат дигайли ряхъили сари. Сунела игъбарагрилисван ил гьирриубли сари учительличи, илхИелира хъалибаргла вегИличи. Гьачихълигу, гьядатла аги-кьяй-дализир илдигъунти дигай детерхес хледирар.

Детхедерхур Шагьризатла дигайра. «Гьархлебизур» хабарлизибти геройтала дигай гьархледизнилис гьайибла вегИ чи саял белгили, гьачихъли саби. Ашкарлигу, гьайибла вегИ жагьил адам сай, сура пиджакла вегИ, гьярца цудара супелла вегИ жагьил адам.

«Шагьризат» биклуси хабарлизивси 8-ибил классла руководитель, урус мезла ва литературала учитель Гьямар Хьясанович цархИлван сай сипатварибси. Илини жагьил (никла алли гьатИира бархъси бирар) рурси дигайличи гьиррирули ахИен. Иличи урглебли, ил сахъладирули сай: школала ружаннис далхедикибти баркьудлуми илизи хледарахъес кьарауйчивсигъуна сай ил. Амма се биру? Рурсила уркИлизир дуцарти дигай аклуб, чархра рухИра дигубти.

Гьарли-марли, Шагьризатлис Гьямар Хьясанович илцадра вигахъули сай, хьятта илала ца гьай биули саби пакьир рурсилис беклала бурушличи рикесли зягИприкес.

«ГьархЕбизур» бикІуси хабарла геройтира цаличи ца гьирли, гьуцІли саби. Илдасра талихІ гІягІнили саби. Амма илди талихІличи хІебиур, сенкІун сура пиджакчевси жагьил адамлис лерилра шалубачирад черикІла чехьери сари гІягІниси. РалкІа исбагьи илис гІягІнили ахІен.

«Шагьризат» бикІуси хабарлизибти геройтасра талихІ сархес имканси ахІен. Се сабабли дигай дихьибти кІел адамли? ТалихІ сахІерхули биъни белгибарили ахІен хабарла сюжетлизиб. Учитель сунела ученичачил пунтиубли, таманни гьимукІили ахІен, ученичани сунела хІяланачила балахьули риалра. Жузла бухІна кабихьибси кагьар, нешли живарибхІели зягІписи Шагьризатличил биубси гьунибаъни... Повестьла сюжетли ибгути, илала бетуц белгибирути анцІбукьуни сари. Цаибил тикрарбирис, – кагьар хабарла анцІбукьунас гьаликІ, бехІбихьуд (завязка) биалли, кІиибил кульминация, анцІбукьуни, геройтала баркьудлума гьаладяхІ дашнила бегІлара ибкьси даража саби.

Геройти чула хІяланазиб абиркна абикили саби. Илди чилилра ва селилра тІашхІейу. «Шагьризат, чІичІала къацІбикухІеливан, харчризур. ДуцІрухьун, дай хьулив тІашси ГІямарличи кІапІрикиб. МалхІямти дугьбира бара аргьесли тикрардирули, гьаргьли уммайрикун» (б.97).

Ишар сипатбарисилис гьалар диубти анцІбукьуни декІти, вирххІеэсти сари или бураллира, къянализи халбарес хІейрар. Дигай дихьибси, дигайла «изайзи» рикибси Шагьризатли школа бархьбалтули сари. Школа къалли буэс, къацІ-шиннизирадра ГІелумризурли сари ил пакьир.

ЗягІприкибсила нешли живарибхІели, учительли илдала юртла кабиз хІясиббириули сай. Хабарчила икьайчил ил сипатбарили саби. «БиштІаси улкьайла бегІ гІяшси хьулир дахьал-декІар ваяхІ аги. Ца гІямзилаб някьишла ранг дуунси урца къанира хьулиб мегьла печьра, лацла бяхІличир цачумал сукурара, чІябарличир бекІабарибти буруш-гІяналара лерри. Гьалли улкьайла мякьлаб урца тахра лебри, иличир – рахаурси Шагьризатра» (б.97).

ГІядатла мискин дубурлантала хьулибси чебаъ саби писательли сипатбарисси. Дигайлис мас-мулк, мас-хазна гІягІнити хІедиъни иргьахьули сай авторли илкьайда.

Дигайличи лайикьти куц-бекІла регІ рурси сари хабарла героиня. Русуси рурси геройли ишкьайда сари чериуси: «Бабза юргьайурад дяхІигьуна ца хьуцІарира чІянкІси някьра гьардакІилри, ГІеркьаси цІудара чури, тахличибад хІусбухьи, чІябарличи гачбикІулри... Улкьайлабад кайгуси шалалиур рурсила дяхІ гІячихьдиуб. Гьалар курегагьунти ляжубала ранг дуири, кІапІкавцибти кІунтІби дерьублири ва берхІили бемжахьурси дегьси ванзаван тІякькавхьири». (б.97)

БегІ гьалав 8-ибил класслизи ацІибхІели ГІямар ХІясановичли дугиван цІудара хІулбала регІ Шагьризат сарри декІаррарисси. Илала хІер баягьи дубурличирти вавни-ургаб жанай вававан декІаррулхьуси Шагьризатличиб тІашбизур. «Ил дусми хІясибли балликьянабачир халасигьунари, куц-бекІлизир декІаррулхьулри. Рурсила исбагьидеш дакІулири: бицІибси хамхали читла хІева цІапІакІахьири, жунабла къумазибад барисси гьалайхьан сунечиб паргьатси михьири журуглири ва гьар гьигьлис ахь-гІяшбирулри, жявли дикьурти улельаван кІунтІби кІайдяхІилри...» (б.90).

Ца адамла итилличи кІел хІер кили сай авторли, ил адам дигайла вегІ виъни аргьахьес ибси къасличил. Цаибил хІерличил ГІямарли, илала гьанналис

гьалар дигай хѐдагьурси уркѐили, класслизибти II рурсилизирад Шагьризат декларриули сай.

Чедила чебаъли, сипатлицун ахѐн Шагьризат зилантазирад декларрухьахь-унси. Гъайлизирра баркъудлумазира ил цархѐилтачи мешуси ахѐн. Хеби-алли, Гъямарли иличи дигай дихьнира тамашабизеси, учѐан къабулхѐейкеси анѐбукь ахѐн.

Сепайда, дигайли кѐел уркѐилис, кѐидехѐ жаннис талихѐ лебхули ахѐн. Или-чи ургѐбли, талихѐагри гѐббиули саби дигай дихьибтас.

Амма дигай дагьнира талихѐгу?! Авторли, ил пикри марбарес багьндан, Шагьризатла ва Гъямар Хѐясановичла баркъудлумаира гъайра, художественный образуни акѐахьес пайдаладирути гѐягѐниахьлумиван, къуллукьличи каили сари.

Урусла литературала дарсличиб А. С. Пушкинна «Евгений Онегин» бикѐу-си романнизирси Татьянала баркъуди (Онегинничил ил архѐерукьни) пикриби-рухѐели, лебилра цархѐилти ученикуналайзибад декларси пикри гьалабихьиб-сири (белкѐра белкѐунсири) Шагьризатли. Илини бални, иргьни хѐясибли, Татьяна Онегинничил аррукьес гѐягѐнисири, сенкѐун героиняла уркѐили ил чеввикѐили сай, дигахьули сай рурсилис жагьил адам.

«Ну риасри къабулриркаси, вегѐлис дигусилличил дуньяла дубличи-дигара укьес вирар» (б.92) ибси жаваб бедиб Шагьризатли, сунечила учительла васва-съала урдирхьули.

Ученицани учительлизи сунела дигайличила дакѐу-гьаргли бурили хьалли, илини аргьес хѐейуб. Бархьли буралли, аргьили хьалли, иличи мутѐигѐвакѐес хѐейуб. Илкѐун советский учитель сайри, хьалибаргла бекѐ сайри. Соцреализ-мала дазурбазиб геройла образ калахьес къайгьилизивси авторли илис замана-ла дазурбазибси къисмат лугули сай. Дигай дихьибси ученица школализирад тѐйдириули сай. Автомашинала уди риркули ахѐн, шурличирад тѐхѐра рулхь-ули ахѐн дигай дихьибси жагьил рурси. Ил агьриубли сари, къянасирагьанти бикѐуливан. Дигайла изайзи рикили сари. Сагъхѐеризесли зѐгѐиприкили сари.

Бекѐла гьарилличиб чебси саби. Шагьризатличибра. Амма илис бекѐла гѐб-баахьибси Гъямар Хѐясановичра танбихѐиличи лайикьли сай, сенкѐун рурсила шаласи гьав-дигай детерхахьес селрацад бажарди хѐбариб. Гьала-гьала Гъямар Хѐясановичла уркѐи къуталири. «Хабарра аги итхѐели Гъямарлис рурсила уркѐилизиб дигайла цаибси бухьала бикьурли биъни. Илкѐун, ит цаибси дар-сличибад бехѐбихьили, халакабаилри ва рурсила михьирлаб гъайбатси агиван зайбухьири. Хебалурли илини Шагьризатла хѐулби школализирра шилизирра сунес гѐргьидашни, дугели карилхьухѐелира, савли чериргьухѐелира, илини сунела у шивкѐивбирули риъни». (б.92) Баибси баян саби авторли сунела ге-ройла цархѐил адамла хѐялани аргьнилисти имканти гьаргдарес белкѐунси. Ил дакѐу-гьаргси баяннис гѐргьги ишгьуна ца буралара зайбулхьули саби: «Мур-гьги дигѐяннира лямѐдикѐар – дакѐулира» (б.92).

Дигѐянаси лямѐѐла мургьиван сарри Шагьризат сипатрарибси. Илала лямѐѐ чебаэс хѐейуб, сукьурли хѐейалра, Гъямар Хѐясановичли.

Авторли сунела хабарла геройтала хѐял-гѐабигѐят ункьли дяркьурли, да-гьурли виънилис бикьридеш дирули сари произведениела каргьнили. Хабар бехѐбихьили саби диубти анѐбукьунала асарлиуб ахьбиубси ахирличибад. Развязка (студентунасна учительтасра багалавиэс ибси къасличил нуни дарга-

ла бучантани хЕргъести терминти урус мезлира дикулра – ГІ. В.) гъала хили саби, произведениела бехІбихъудличи кабатурли саби. УргЕбси каргъни (композиция) саби «Шагъризат» бикІуси хабарла. Илкъяйда произведение каргънили дигайли бигубти, дигай детхЕрхнили талихІагарбарибти кЕл дубурланна къутІкъуси къисмат гІяжаибли гъаргбарили саби.

Шагъризатла уркІила гъаргдешличила, авадандешличила нуни чедиб бурира. Иличила заманаличиб хЕбагъурси ГІямар ХІясановичла баркъудиличибад саби хабар бехІбирхъуси.

Шагъризат ребкІибхЕли, шанти, илра хІяририхъили, хІябразибад шилизи чарбулхъули. Илдачил левси хабарчини цІумла аргъиб ва хІябрази чариуб. ХІурматла учитель ГІямар ХІясанович уилри, лебилра шанти хІябразибад арбякъунхЕлира, Шагъризатла хІябличив калунси. Сегъуна адам уилил?! Сегъунти хІяланала вегІ адам уилил цаибил хЕрлис (хабарла сюжетла бетуцлизив чеахъибси) къаркъси, уркІи-дулекІ агарси адам?!

Нушала литературализир камли къаршидиркур Шагъризатла нешлагъунти образунира. Рурсила уркІи аргъибси хъунул адам сари ил. Дявта гамъарарибси, лерал лерси ца рурсила неш. Риуб илини рурсила уркІи аргъес. Илкъяйда хЕбиалри, рурсила учитель илини мажахІят хъули живариши. Нешдешла диги дургъули сари илизир, рурси талихІчеррарес къайгъилизирси хъунул адамлизир. Дявта муруйзирад мяхІрумрарибси илиникІун чиличибалра гІяхІил балули сари хъунул адамла талихІличила.

Дявтала асуртачила хабуртазибад саби «Неш» бикІусира. Хабарла сюжет ибгули, автор инжитиубсигъуна ахЕн. Деникинна цІубабачилси дергълизив мурул алхунси Маръямли пергер урши халаваахъиб. Гъанна илра агара. Уршиличила гъанбикуни нешлизир мяхІкамдируси илини убатурси хивла галга саби. АвцІалицад дус дикили сари итхЕйчирад. «Гъанбикуназир ил хъулир къунзкарухъун, чІябарличирти хъа ваяхІ чула мерличи кайхъиб... УркІи къакъабакІили саби. Илини улкъай гъаргбариб: дяхІличиб кункси цІуэри гилдихъун. Юртла гъалабси хивла галгала къяли нешлис дурхІяли гъабатурси някъван улкъайла ца дубличи къячбилкулри» (б.67).

Цитата даимхЕбирулра: чедиб бурибсилизибра багъесли саби тІабигІятли, азбарлизибси хивла галгали, Маръямла гІямрулизиб бурцуси мер. Чедир ахтардидарибтазирад декІарли, иш хабарлизиб тІабигІят (ишаб галга) яра хъалицІала кабиз-чебаъ сипатдирули, авторли сунела геройти дунъяличил, алавчарси хІякъикъатличил бархбаснила даража белгибурили сай.

Маръямла урши Камилли дявтази сай гІяхІулали арукъес гъалаб хивла галга убатурли сай. ХъалицІа акІахъесра къасбарили сай илини. Амма АмирхІяжила рурси Аминатличи Камилла дигай балагъла дергъли дегъахъубли сари. Аминат, гІядатла хъунул адамван, цархІиллис шери рякъи сари. Маръямра хивла галгара саби Камилличи хЕрти.

Галга мицІирси адамван сипатбарес автор гъирвиахъубси Маръямла хІял-тІабигІятла асар саби. Нешлис уршили убатурси ва гъанна, авцІалицад дус дикили гЕргъи, улкъайлизи къяли «гъабатурли» гъайбикІуси галга мицІирсиван гъалабилзули саби. Маръямла дагърилизибцун (биаб гъатІи, хивла галга мицІирсиван сипатбарили саби). Фольклорлизибра литературализибра духълуми, мицІираг, сегъунти-биалра ваяхІ адамла къиликъуначил, хасиятуначил

сипатдирнила къяйда (прием) жявхІейчибад бузахъуси саби. Илкъяйда пайдалабарили сай И. Ибрагъимовли, сунела героиня ванзала адам риъни кабизахъес багъандан. Марлира, Марьям дунъяла къяянти чІямдарибси, я хъунудешла, я нешдешла талихІ сахІерхисби адам сари. Илала бегІла халаси талихІ хивла галгаличил «ихтилатрикІни» саби.

Замана гъяжбиахъубли, диубти анцІбукъуни кадиркнилизирван къантІли гъандуршуси авторлис дахъал секІайчила бурес имканбикІули саби.

Хронотип (замана ва мер цугдиркахъни) бузахъес, илала хъулчиличиб произвенияла бекІ мягІна мурхъбарес авторла имканти лерни чебиули саби «Неш» бикІуси хабар ахтардибарибхІели.

Хабарла композициялизи (каргънилизиди) авторли геройтала гІямрула бекІтигъунти ганзухъуни кадурхахъули сай, илхІелира ибгили, къантІли, бухІнабуц биалли дигарцад мурхъли гили.

Марьямлис иш дунъяличив Камилван дурхъаси чилра агара. Иличила бурес цархІилти къяйдуртиван, адамла лишанти духълумас, мицІираглис дедлугнила къяйдара (прием) бузесаили саби хабарлизиб. Ца адам цархІилли къиматлавиришила къяйда сабливан бузахъули сай И. Ибрагъимовли чугурла образра. «Неш» бикІуси хабарлизибра чугурла образ гъанбикунала бетуц белгибирусигъуна, бекІбирахъусигъуна бетарули саби. АвцІали дус децІрикІуси Марьямла хІер Камилла чугурличи бархъбизур.

Чугур кІишан авторла белкІанала бетуц-мягІна ва бухІнабуц белгидирути образуназибад бегІлара мягІничебсигъуна саби. Иличила бурули саби «Буунси хъя» ибси уличилси повестълира. Амма нуша хабуртачилара гъайдикІути. Писательла повестунала хІекълизив гъайкавхъеси лукІанра, дила пикрили, камхІейрар. Ил декларси, гъатІира мягІничебси масъала саби...

«Неш» бикІуси хабарлизибра чугурла образ лишанван (символван) гъа-лабилзули саби. «Марьямла хІер гІябуйчи чебяхІкахъибси тутла чугурличиб тІашбизур. Камилла чугур. Камси манзил шаддешли Марьямла хІулби парх-духъахъун. ХІера, чугурличиб бирхъуси агира барсбиуб. Гъанна ил пашманси агили, мурхъси децІлизив цІумикІуси адамван бисахълури» (б.68). Чугурла агили, бархъли буралли, сунела гъанбикуназир Марьям далайрикІниличи ретиркахъули сари. Далайра, децІла, кахІебурхуси дардла чІяр саби:

**Гъарахълирад ляркъути
Чаргас урчала мурдни
Агарав гІяхІла хабар?
Дила чинав ватада?!**

УркІи бисахъуси С. ГІябдуллаевла «Нешла цІум-цІумъала» бикІуси далайлизирадти тугъи хабарла бершализи духІнакаънили авторла уркІила хІялани-цун ахІен иргъахъути. Революцияла манзил, ВагІа ЧебяхІси дергъла манзил ва ишхІелла замана цадулгахъули сари авторли сипатдарибти хивла галгали, чугурла образли ва машгърси поэтла халкъла далайли бетаурси назмула авал тугъли.

**Ибрагим
ИБРАГЪИМОВ**



АДАМ ЧЕДИИКИБ

Базарла майдан. Базар, бикІуливан, бемжурли саби: вачар-чакар, салам-калам, яхши-хуш.

Рахли чилирил вявбяхъиб:

– УрдацІирая гьаларад! Батбухъи саби!

Ил манзил адамти, бецІли урухдарибХели мазаван, бугъас гьуни бирули, кІелра шайчибяхІ тирхъбухъун. Къянкълизиб мегъла мявара сабира шинкъян цІудара халаси бугъа дуцІли майдайчи дурабикиб, диркъаличивад вакІибси базриганна помидортала ящикунира гераили, ил базарла ца шайчир тІашти хІяйвантачибяхІ бетухъун. УркІдухъунти бугъни, къули, къачни ва маза-мас, чучи халаси балагъ бакІибХеливан урухдиубли, чукурдиуб. Илдала мякъла баили, къагъбекІ бугъара тІашбизур, гьаларти къяшмачил ванзара икъули, ахъли бевбухъун: «гъу, чи леба хІуша-ургаб набчил бяхІеси, леббиалли гьамбиаб иша», бикІусиван сабри.

– Чила саби ил абдалбиубси бугъа?

– Селис кибси базарличи?

– ИлиникІун лерил мицІираг кадуршу!

Итарадра ишарадра тІама-гъама ахъдиуб. Някъбазиб рахажра сайра ца сирхІян вагъариуб.

– Батбухъи саби ил байтарман, рахаж бердили.

– Буцану, сагали бигъен!

– Гъанна бурри! Иличи вецІал адамлира рахаж бигъес хІебирар. Дус биубси къача сабХели къянкъличи мява баршибсири.

– Базарличи бицес кибсив?

– Бицес, белгъес... ДекІардеш агара.

Бугъа, белики, сунечил жалбухъеси илди мицІираг-ургаб цалра агни чебаили биши, циила паргъатбиуб, ахъбуцили бекІра, алав-гъалав хІербизур.

– Эйхъали, хІера, ит Хизри лявкъули! Къасапчи Хизри!

Иличи хІертиван, базарличибти ца шайчи шурбяхъиб. Ца някълизиб гъаяли-

чил, итиллизиб къяртАлала бегІ халаси дисличил ургарти гІямрула, алаша-алаша, чІукъаси мурул адам дакІуухъун.

– Иш сабив къагъбекІ бугъа? – хъарбаиб илини, сунечи бяхІчили кабизурси мицІирагличи хІерилзули.

– Ил саби, Аллагъак! Тупанг биалри, валлагърагу, кабуршира! – викІар илала вегІ.

– Тупанг агарлира илала аги ибгес вирар, эгер хІуни ихтияр лугули виадли.

– Ихтияр саби, дила узи, ихтиярра ибхІели, нагагъ хІу бажардиикадли, ишди жамигІятлис садакъалис ил бутІесра чейсулра.

– ГІяхІси саби, гІяхІял, хІела вягІдара хъуммартид!

Адамти маслигІятбухъун:

– Эй, Хизри, мехІурлирив? Жан детІилив?

– КъалабамайкІуд, къасапчи, къача ахІен хІед белгъес дигуси!

Мякълабтала гъайличи Хизрини селрацад пикри бяхІчихІеиб. Амма хІер-бикІутала гъалав ил хапли гъатІира виштІакаибсиван, журугиубсиван, тят жаниварличи мешуикибсиван ветаур. ХІера, ил дягІван хъархъли бугъаличи ветухъун, сирбарили гъая игъуб ва, америкала кинолизибти бугъни руркъянтаниван, бархъли мицІирагла хъябличиб бетаахъур.

Бугъара, гъайгъай, буару паргъатли, бевла агиличил сунела къаршикар адамличибахІ бетухъун. Хизри цашаликиб, дугати мукукуразибад берцуди бургули, жургъухъун, гІур дуцІли мякълабси ерсла тІал гъаяли алавбариб. Гергъибикис бугъани сунени саби, ласбикІули, тІайзи бигъун. Гъанна ил, саби тІашаибси тІал саби гІяйибла бегІ бикІусиван, илизи хъурсбикІесбахІиб. Сепайда, бахъхІи кахІелун къасапчи арсланван тІяхІухъун: илала къакъличи ва балуй някълизибси дисла ар бархъли бугъала къатІа бекІлизи бяхъиб. МицІираг, авалра къаш турли чердахъибхІеливан, хиртІли кабикиб.

Ил гІур вяшхІебухъун...

– ХІера, дила узи, гъанна хІуни ишис танбихІ бара! – иб къасапчини, бугъаличивад гъарахъиркули.

– Адам чедикиб, – иб чилирил гІяш-гІяшли.

Ил бархІи сирхІяй гъай къянахІебариб: бугъа базарла агълулис садакъали бетаур.

БАЛАГЪ

Дивайчи хъарихъи СягІидли газета хІербирули левли, някъбазиб сунесра хрусталь бикІуси чІянкІила кесекра сарира дебали уркІрухъунси хІяйчир илала хъунул ГІябидат арацІиб. Халаси балагъ чебакІисигъуна хъуна кабизличи СягІидра уркІухъун, газетара лайбакІили, харчизур.

– Се биубли?

– ХІера, се биублил! – ГІябидатли муруйс чІянкІила кесек гъабуциб. – Балагъ саби, 120 къуруш дедили асисси хІевала чІянкІи букъбуи саби. Се бариша гъанна?

СягІидли чІянкІи гъаргбариб ва гъар секІал аргъиб: марлира, вацнани тІярхъубарбарисси ил зибкъиличи мешубикилри: гъанна илизибад хъунуйс хІева ахІенну, начилисра барес хІейри.

– Викірагу ну хіези, майсид или. Шел тумен бируси чІянкІилис І20 кјуруш дедири. Хрусталь саби, ит саби, иш саби или. ХІязлис ахІенгу вачрукъяла давла баркатхІебирар бикІути. Гъанна бухили рукъен!

– ХІура или викІулрив? – рехІризур муруйчи ГІябидат. – Иш чІянкІи багъандан ну вачрукъя ретаурра, хІуникІун 250 кјуруш дедили джинсы шалбар асири. ТукейхІибадрив? Юх, кјурт-хъячІла базарличиб! ХІябкаси багъа бедили!

– Агъагъай, буреси баргири кялли! ХІед цІахра хІебилзулигу? Чинар дакІибтив итди импортный туфлиби, пальто, сура плащ, валрила балала кІана? Буфетлизи далгунти тІалхІянакІун халра дирули ахІенра. Илди кялли нушала тукейзирад асибти хІедургар? Шукру рикІен, игъбарлисван ваца гІяхІси уббухъи саби. ХІебиалри, урчІемдарш кјуруш дедибси сура плащлизира тІярхъибалти.

– Ца камалаб сари, балагъ бакІарти! – рикІар ГІябидат, – муруйчилси ихтилат бархъбалтули.

Ил чІянкІила кесекра шалкІубуцили, дурарухъун.

Чумал минутра хІейкили, гІурра агъирикІули, хъули арацІиб. Иш гъакІлис илала дуклаб байхъу хъябцІари бергунси хІяка лебри.

– Гъанна хІулуки, – рикІулри ил, нургъба чяхІрикІули, – шударш дедибси хІякара заябарилину...

Тамашаиубси СягІидли дубхІехъиб, вацнани барибси заралли илра ур-кІавхъахъири. ГІур дуцІли ил цархІил хъули арякъун, шифонъерлизирти сунела костюм ва цархІилти палтар хІердариб: вацала ганжи гъачамлис илдачи баили ахІенри.

«Юх, ишкъяйда паргъатиэс асухІебирар, – викІар сунези сай. – Се гІямал барилира, дусличи дус бахъбикІуси вацнала тайпа ибгес гІягІнибиркур...»

Ва, хІера, мурул-хъунуй юртлизирти лерилра гІямзурби умцІур, даргибти тІярхъубала гъала дейгІи вецІал-вецІал хІясибли агъуладарибти анкІила кюкъри кайхъиб. ПЕРГъила бархІи, сунес сагаси гІяба пешкешбарибхІеливан, харириубси ГІябидат, кюйрукъуни дуцили хІябал дебкІибти вацара жибжирдатурли, муруйчи гъамриуб.

– ХІеръа ишди нажасуначи!

Илдала дурубгъунти дугати мухІлуби сарри, гІеркъати супелтира дингаибти халати лихІбира лерри. Дугати цулби биалли гъинчІизурхІеливан гъардакІилри. Ца вацала цулбазиб къяраэс балкъхІеурли анкІила къякъра лебалри.

Сепайда, мурул-хъуна разидеш бахъ къантІси уббухъун. Ца бархІи кІилалра хІябал базла алапалис асибси ва хъали хІекъли жагабарибси кялтин, лухІцІили кьицІбарибхІеливан, бурсили баргиб.

«Чула ахир пучбиарти! – суктуикІулри СягІид. – Сен нушачи декІар ишцад мусаллаткайубтив?»

Илини сагадан тІярхъубала гъала агъуладарибти анкІи кайхъиб, амма илдачи цалра ваца гъамхІебиуб. ГІур илдани хІебарибси хІебатур? Хъунуизи гІянжила башниличил лерилра тІярхъуби дасахъун, даргили вацнала тІимкъ кайхъиб, жита тІалаббариб.

Юх, илдала гІямултачи шакдикибти вацнани чула зарулти даимдирулри.

Гъачамра СягІидли илдас къарауйчи кайзес пикрибариб: «Чула вегІебшарти, сецад лертив?»

Илини чІябарличи хала хІяка тІинтІбариб, халаси тІерхъара някълизи касили, сайра тІярхъиличи вяхІчили хъарихъун. Ил вахъхІи хІерли кахІелун. Дурубгъуна мухІлила бегІ вацали тІярхъилабад бекІ гъаббакІахъиб, лихІбира дингаили, сахъли лехІбизур, ита-иша хІербизур, гІур цархІил гІямзилабси тах-лиубяхІ къалабабикиб.

Иличиригу СягІид хІерсира. Илини вацас виругІев тІерхъа игъуб. Амма лацилибад дянгбухъунси тІерхъа бархъли трельяжла дяхІимцІайзи чегиб ва ил къуна-къунабариб.

– Гъунар барри, гъанна паргъатиэс вируд, – рикІар тІама-гъамаличи музарухъунси ГІябидат.

– Юх, гъанна бекІлил паргъатхІейрус, сенкІун хъулиб калунси цацун ваца саби.

– Илди дейгІес хІу мурт бажардиикибсири?

– Ца саби калунси, нуни балулра.

– ТамяхІкар адам леври?..

СягІид вахъхІи пикриикІули калун, се баралли гІяхІсил, ахирра ца гъанбик гІяхІбизур: илини агъулахІебарибси анкІила къякъ гъярцІа, амма дебаси гъимирличил бигъун ва тІярхъила гъала кабихъиб. Гъимир кроватьла къяшлизи бигъун.

БархІехъ хъули чарухъунхІели ва ил анкІила къякъ къяраурли сунени саби тІимкълизи буцибси ваца баргибхІели, сегъуна разидешрил.

– Гъу, ашна, – пишяхъиб ил хъунуйс, – гъанна ну паргъатлира, хІура паргъатриэс рируд. Вацнала тайпала бегІ гІергъиси вайнукъя агарбарира...

ГІябидат мура хІехарадешличи дубхІехъили пишряхъиб.

ГІергъила бархІи савли СягІидли джинсы шалбар челгъухІели, илала ца къяли агарли уббухъун...



**Ибрагъм
ИБРАГЪИМОВ**

БАТИРАЙ АРХІЯЛИЧИВ

(школабала никлабас хасбарибси кІел анцібукъла сценка)

**БУТІАКЪЯНЧИБИ: ГІЯМАРЛА БАТИРАЙ, МУНГИ ГІЯХІМАД,
СУКЪУР КЪУРБАН ЦАНДАЛАЙ.**

АНЦІБУКЪ ЦАИБИЛ

Жяв замана. КІишан далайчи Цандалайла мискин-мискинси хъали.
Кам-гъамти ваяхІ. Чугуртира дукладуцили, гІянулбачи цаличи ца гъамли
кабиили саби далайчиби Мунги ГІяхІмад ва Цандалай.

МУНГИ ГІЯХІМАД: Иш чугур уста ГІябдуразакъла ахІену?

ЦАНДАЛАЙ: Саби, саби. ХІед балкъаахъурси саби. ГІяхІбилзулив?

МУНГИ ГІЯХІМАД: Эллелей, хІекъли умули зайбикІуси тІамара леб. Су-
нела чарх арабаркъ! Багъа-мага се буриба?

ЦАНДАЛАЙ: Багъа, дила узи, агара. Уста ГІябдуразакъла ца тилади барта-
ахъадли баибси саби: белчІен илис ца далай.

МУНГИ ГІЯХІМАД: Далай къалли белчІиша. Чинаб?

ЦАНДАЛАЙ: Гъамливан илала уршила мекъ бирар, хІу жиирури, викІули
леври.

МУНГИ ГІЯХІМАД: ХІекъли белчІиша. Лявкъяс мекъличира, бура илизи
илкъяйда.

Мунги ГІяхІмадли чугур буческайу ва далай зайбулхъахъа.

МУНГИ ГІЯХІМАД *(чугурра къимбирули):*

**Цандалай, дила юлдаш,
ХІу вашуси дякъличир
Вава-къар ахъли дакІаб,
КІишантала мулкличир
Ризкъи дерхъили дакІаб.
Уста ГІябдуразакъла
Някъбази къуват бедаб,
ДурхІнас мукъри диркъахъес
Хъулиб баракат биаб!**

МУНГИ ГІЯХІМАД: Дила узи, ца хІела тІамала бакьес дигахьира.

ЦАНДАЛАЙ (*чугурра кьимбирули*):

Ардуха, дила чугур,
Шишимти ахь хІурхъачи,
Ахь хІурхъала пурс кьяцна
Каргъахьес мукукрачи.
Ардуха, дила чугур,
АнцІкьира хьанцІ урхьнази,
ХьанцІ урхьнала хьамхъали
Дуцахьес илди чузи.
Мадагъаби шишимти,
Дила Мунгихъа ГІяхІмад!

Ассаламу гІялайкум или, чугурра дуклабуцили, Батирай хьули айцІур.

ЦАНДАЛАЙ ВА МУНГИ ГІЯХІМАД (*харчбилзули саби*):

ВагІялайкум ассалам,
ТІама кьугъал Батирай,
ХІябра гІяхІси барири,
ВакІили хапли гІяхІлад.

Някъбира цацІадарили, кам-гьамти яхши-хушра дарили, хІябалра гІянул-бачи кабирар. Цандалайла хуху Салиматли урца кІабатІлизир кьацІ-кьакьра гьарушла хьабара лерху. Сари дураулухъан.

БАТИРАЙ (*чугурра кьимбирули, далай бучІули сай*):

Бигути дила гІяхІли
Нуни чебиис или,
Хьуливад дуравхьунра,
АхІмакъ узи Цандалай,
ХІечи хьуракайубра.
Наб хабарра агарли,
Варгира гІурра юлдаш,
ГІярбукІла миналичив
Хабар халаси гьалмагъ,
Баркабан Мунги ГІяхІмад!

ЦАНДАЛАЙ: Машааллагъ, дила узи Батирай, хІела тІамали нуша хІяй-рандарира.

МУНГИ ГІЯХІМАД: Дила узи, Батирай, гьанна багьурра нуни Аминатли хІечи сен дигай дихьибтирил.

ЦАНДАЛАЙ: Аминатцун риалри, чум хІурхъан рурсила уркІи хІечил дарх ардухирил...

ХІябалра далайчи, кам-гьамси кьацІлара биубли, ца-ца гьарушлара держили, гьайкабулхъан. Сагали далуйтази ихьур.

ЦАНДАЛАЙ:

Батирай, дила узи,
Гъар далай белчГунХели,
Лугъули къяцмук унци,
Бирулири се Гямал?

БАТИРАЙ:

Байтарман хІякимтани
Савцахъили виасра.
ДалайХейГули хЕвъус,
ГІяхІгъубзни гапбирули,
Вайгъубзни ганзбирули,
Дила узи Цандалай.

ЦАНДАЛАЙ:

ХЕла далай багъандан,
Дила узи Батирай,
Биалра дила цацун,
Азбарлабси арбас унц
Балтулира хЕд хІялал.

МУНГИ ГІЯХІМАД:

ХІугъуна багъадурлис,
Дила узи Батирай,
Нунира мяштХебирис
Дудешли уббатурси
Цуб арцли белкГун ханжал.

БАТИРАЙ:

Баркалла, дила узби!
Чарх гъишкГуб беблли хъалли,
УркІи архІяличибну,
ХІушаб бархІи гІяхІбираб!

ЦАНДАЛАЙ:

Се мураду, се къасу,
АрХя гъарахъси бизс,
Далуйгала байрахъчи,
Дила хІурхъан Батирай?

БАТИРАЙ:

Дила узи Цандалай,
ГІяхІлачи даим хІерли,
Къапу гъаргли дихІуси,
ГІяхІла хабар аргъили,
Дубурацад виуси.
Мабишаб хІела анкъи,
БерхІи булхъули лебай,
Каммабиаб къумурлаб,
Баракат дунъя лебай.
Гъанна ваэс къас саби
ГІяхІлад Сукъур Къурбайчи,
БахъхІи хІебакъилрану
Илала пергер далай.

МУНГИ ГІЯХІМАД:

ХІела дурхъаси сапар
ГІеббуцаб ЧевяхІсини,
Дила узи Батирай.
Нушара дарх ардукес
Къас агарав хІела?

БАТИРАЙ:

ХІябилра ардукиша,
Даширая набчил дарх.
Се гІяхІна биубану,
Набчил дарх хІуша диъни:
ГІяхІлас марси гІяхІгъабза,
Дила кІишан Цандалай,
Багъадуртас гъай марси,
Дила Мунгихъа ГІяхІмад!

ХІябалра далайчи, чугуртира къимдирули, хъулибад дурабулхъан.

АНЦІБУКЪ КІИИБИЛ

Сукъур Къурба хъали. Анкъила гъала, буркъа хІякара чебуцили, далайчи кайили сай. Илала някъбазиб цудинга саби. Чугурла мерличиб илра къимбирули, Сукъур Къурбан далайикІули сай.

СУКЪУР КЪУРБАН:

Аллагъли хІербарибти
Чум адам лебти вара?
Нуван игъбарагарти
Дунъяличиб леб вара?
ЦабехІтас дунъя саби

Щуба нурли ухули,
Юх, илдас ил хѐбиур:
Мас бучес къагъли саби
ЦабехІгас гІямру сари
ТалихІли парчдикІули,
Юх, илдас ил хѐбиур:
Алжайчира саб карціли.

Ассаламу гІялайкум или, хъули Батирай, Мунги ГІяхІмад ва Цандалай аби-
цІур. Анкъила гъалавси Сукъур Къурбан кІапІурцу.

СУКЪУР КЪУРБАН: Дурхъати гІяхІли. Баркалла биаб дила юртла уна-
бурхІ ахънилис... ХІуша чихъали саррал, мабуридая. Кадиирая набчи дяхІчили
ва хІушала чугурти къимдарая. ИлхІели нуни бурис хІуша чихъалирал.

ЦАНДАЛАЙ: ХІед сукъур бикІутира духути буили ахІен. Нушала някъба-
зир чугурти лерни сен-сен багъурри, дила узи Къурбан?

СУКЪУР КЪУРБАН: Дила хІурматла гІяхІли! Нуни дунъяла шала чебаиб-
си ахІен, аммаки хъулирти ваяхІ набчил чилилра хІергъути гъайли гъайдикІути
сари. ХІушала чугурта набзи салам гиб. Ге, ге, хІушаб гъаладухъи.

Батирайли чугур бучѐскайули сай, гъаб-убла гъайбатси макъам сукъур да-
лайчила хъулиб урцули саби.

СУКЪУР КЪУРБАН:

ВаГІялайкум ассалам,
Дила хІурхъан Батирай!
Гъари гІашаа чугур,
Гъар секІал аргъилрану.
ХІела чугурла аги
ХІебагъес ну гІянцілирав?
ХІурхъила къугъал гъайли
Чугур бучІули белли?
ХІела ванаси гъигъра
Набчи чейгули белли?

Мунги ГІяхІмадли делхъла тамашала аги кайули сай.

СУКЪУР КЪУРБАН:

ВаГІялайкум ассалам,
Дила Мунгихъа ГІяхІмад!
Хабар халал ГІярбукІла
Мургъила някъбар юлдаш.
ХІела делхъла агили,
Ну сукъурли виасра,
Чебаахъиб делхълизиб
Щуба декІнар къуймурти,
Лас-ласбухъи авидлаб
Жагъти хІяйранбирути.

Цандалайли кѣмбирули сай сунела чугурра, ца зимла манзиллис зайбухъ-ахъи, гѣур тѣашиули сай.

СУКЪУР КЪУРБАН:

**Вагѣялайкум ассалам,
Дила кѣишан Цандалай!
Баргири кѣалли шали
Дила янаша ваэс?
Гѣябдуразакѣла чугур
Зайхѣбикѣес бирару,
Кѣишан улгу-минала
Хабурта бугѣулигу,
Сахават хѣубзурала
Дезнани бучѣулигу?**

ЦАНДАЛАЙ: Машааллагъ, дила узи Кѣурбан, хѣу далайчицун ахѣенри, хѣу сихѣрукѣяра уилригу.

МУНГИ ГѣЯХѣМАД: Юх, Кѣудратла вегѣли хѣу сукѣурли акѣахѣубли ахѣенри: илини хѣед хѣулби уркѣилизи даршили сай.

БАТИРАЙ: Кашагѣи махѣикан узи Кѣурбан, гѣямрулизир дила чум архѣя диуб диалра, ишбархѣиван гѣарбизурси цалра хѣебиуб.

СУКЪУР КЪУРБАН: Азир баркалла диаб хѣушаб, дурхѣяти гѣяхѣли. Нукѣун хѣядуриубсири ахиратла архѣяличи дуравхѣес... Нахѣа ил гѣелайзи арбухасли ахѣенси, белики, гѣурра илгѣуна сапарличил хѣуша набчи дакѣишаяну. Гѣанна, дила узби, бихая гѣари дила цѣудинга, ца чархара-мага белчѣес уркѣи гѣирбухѣину.

Сукѣур Кѣурба някѣбази гѣяхѣлани гѣурра цѣудинга бедлугули саби. Илини биалли далай зайбулхѣахѣули сай.

СУКЪУР КЪУРБАН:

**Чум дуги ва чум хѣери
Деркѣира цѣябдешлизир?
Гѣанхѣебирки ишбархѣи
Наб дунѣя шалабирни.
Чум дуги ва чум хѣери
Деркѣира шишимтазир?
Гѣанхѣебирки ишбархѣи
Шишимти миѣван дицѣни.
Чум дуги ва чум хѣери
Деркѣира анцѣкѣилизир?
Гѣанхѣебирки ишбархѣи
Анцѣкѣи кункли кѣундицѣни.
Чум дуги ва чум бархѣи
Калунра цундешлизив?
Гѣанхѣебирки ишбархѣи**

Цундешли ну вархвалтни.
Хулбас шала биханти,
Уркилис къас луганти,
Гямру жагадиранти,
Дила дурхъати гяхли!
Аркъян глебшни ва яни,
Сеннира ляркъян хлебра:
Хушала къугъал салам
Бахъес бикесгу гурра.
Кашагилан далайчи,
Багъирая, убкхлебклар,
Дарган далайла устни
Башули лебай гяхлад!

Харчбизурли Батирайли, Мунги ГяхИмадли ва Цандалайли чула юлдаш
Сукъур Къурбан кlapурцули саби.

МУНГИ ГЯХИМАД: Дила гьалмагъ Къурбан! Гурра нурли пархбиклаб
хела сахаватси урки!

БАТИРАЙ: Далайчи убкIуси ахIен! Херли вии нуша сагали хIечи гяхIлад
дакIайчи!

ЦАНДАЛАЙ (далайчила някъбазибад цIудинга кебисули ва сунела чугур
бедлугули): Дила узи Къурбан! ИшбархIиличибад кIишан уста ГIябдуразакъла
иш чугур хIела саби. Арали ватаби!

Чугурла гъайбатси аги зайбулхъан.

ПАРДАВ.





МяхІяммад
КЪАРАТОВ

ИШДИ АРГЪИБСИЛИС ДЕЦИГУР

ГІяхІси хъунул муруй рархъІералта.

Дахъал дигуси – селра агарли кавлан.

КІел вайдешлизибад ца чеббикІес ГІягІнибикалли,

чеббикІа сунезибра камси вайдеш лебси.

УрхІла арц, мас керасес, дигІес вирар, амма цархІилла

къисмат кебасес ва вегІлис барес хІейрар.

ГІямрула ласбулхъуначив, къячІикІуначив вархили

чевалкІи ГІергъи, вархъизес гъамадси ахІен.

ТІабигІятли нушаб гибси бегІлара муриси секІал гъанкІ саби.

Жагъдеш – хІеб-дуцІрумгъунти, ухънадеш – гІебшни-янигъунти.

ГІямру гъархІейзурсила анцІкъи-децІ гъар бархІилис имцІадикІар.

АнцІкъи-децІла пай мурт биаллира гъариллис биур.

Вайси чебуркъайчи, ГІяхІсила къимат хІебала, адамли туснакъ

чебуркъайчи азаддешла къимат хІебала.

Агъ вегІебш, адамли лерти кІел къяш хІилхІи вяшдикІахъухІели, житала

дурхІяли авалра къяш севан кункли вяшдикІахъулил.

ХІера, паркла рухІнарад аркъули сари жагъил неш ца виштІалра

авцили, кІиэсил мякълавад вашули сай. ТалихІчерлира ил сунела

ГІямрулизир?

ГІеббаалли айрус машиналичи или, вашули аркъулри гъунчивад. Валусила

машина ГІеббаиб. БицІили хІебиалира тІашхІеиб. Ца мерла ветаибхІели, ил ма-

шина заябиубли тІашбизурли лебри. Дураб лебти адамтази саламра хІебедили

аркъунра. Бархъсирира нуни барибси?

Дила балути бахъал леб, амма гъалли-марти юлдашуни камти саби.

Лев дила ца тяниш, хІерирули ва узули сай Калмыкияла Яшалтала район-

низив. Ил сунес сай дебали дигахъуси сай. ЦархІилти, итил-ишил бурухІели,

«хІела жан дат» – бикІар, ил Къурбан биалли «дила жан дат», – викІар.

Къисбарибси ГІинцла ца бутІа селичи мешули бирара? ХІебалулрав,

бурисра кІиибил бутІаличи мешуси бирар.

Ца хъалибарглизир кӀиэсилра рурси акӀуб. Дудешлис урши сайри акӀубли дигуси. Дудешлис, кӀиэсил рурси хӀейгули виаллира, дигахъес чебуркъуб, сенахӀенну нешла капитал лугулири.

Ца хъунул кариэс хӀейгули, висули уили сай. ГӀяхӀти гъай дурили, къабуликахъиб ил. Хъунул жявли ребкӀиб. ИлхӀелира висули уили сай.

ЯхӀлара ахир лебси саби, вахъ гӀяхӀли анцӀмалкъад.

«ДягӀ хӀебиаллири, дунъя шякӀбири», – викӀусири дила хала дудеш Къаратла МяхӀяммад.

ХӀу вамкъурли виадли, шинра дамкъахъес алавмалхъад.

Шагъарла къакъалав ну гӀашлири, светофорла шиниша шала алкайчи, итил шайчи ветахъикес. Ил замана ну левси шайчибад ца жита итатӀи шалгӀеббухъес гъайбиубли, гъунила байхъайчи бетайб. Чебкад лябкъуси машина чебаибхӀели, ил хапли шурбухъи, гӀелабяхӀи бебшиб.

ЦацабехӀти, гъуни байбирхъути адамтачиб ил жита духусиван бизур.

Нуни цулби дарахъира МяхӀячкъалализир кубачилан ХӀяжизи. Дурхъалира ахӀенри, гӀяхӀил далдикахъили дариб.

– Села дарахъирив? – хъарбиули сай цали набзи.

– Мегълара лигалара, – викӀула ну.

– Эй, мегълара лигалара сен дарахъирив, мургъила хӀедарахъили?

Эй, юлдаш, вебкӀес замана биуси наб седариша мургъила цулби? Халаси къиян чебаили, цархӀилтани ванзала духӀнарад адилтӀухӀели мургъи, нуни иха ардухишав?

Набчил ихтилатикӀусини гӀур селра хӀеиб, бекӀра гъакӀ-гъакӀбарили, набчивад гъарахъикиб.

* * *

БикӀули бирар: «ГӀяхӀси урчилис гӀярчумаг гъачам бяхъялли баибси саби» или.

Ну викӀула: «ГӀяхӀси урчилис гӀярчумаг хӀябяхъялра бала барес гӀягӀниси, сунела къакъличивсини урчира илала хасиятунира далули виалли».

Арали, гӀяхӀли лагъдешлизив хӀериэсичиб, вебкӀни гъалаб чебиаси.

Иш дунъя халаси бегӀ леб, амма халкълис хӀербиэс къакъали саби.

ХӀела душмайс хӀу вебкӀили дигахъу. Амма хӀуни ил разимайрид. Иличи ургӀебли, ил сай вебкӀахъес вати.

ГӀямру, илди дахъ дебали дигути, гъачам ахӀи илди адамлис хӀелугути, дурхъати секӀал сари. Илди сецад къиянти, жапати диаллира, бекӀаличир гъалар сари.

Сецад жагаси виаллира, адамла жагъдеш аркъян, сай биалли кавлан.

Адамла уркӀилизир гӀяхӀти пикруми дахъал дирар. Амма илди лерилра дегтерхахъес гъамадси ахӀен.

Аркъули сай гъунчивад гъункъя. Илис гъунчиб се къаршибиркурал якъинни ахӀен: къияндешуни, гъархӀебизуни яра, уркӀила мурад бетаурли, разидеш-гӀяхӀдешлизи виркурал. Гъарил гъункъяла гӀяхӀти пикруми гъардизаб!

* * *

Нушала хала бегІтани адамлизир диэс гІягІнитази халдирутири гІяхІялдеш, гъабзадеш ва хІялалдеш. Гъанна чина дикибтив илди?

Мурул адамлис бекІ гібси кьапІа бихахъесцун ахІенну, ил пикрибикІахъесра саби.

Шинна шарала бай умули бирар, дуба-карчІа – нясли. Илдигъунти адамтира леб: чедивад хІерикІес жагати, амма уркіби дерхІибти.

ХІяж барес аркъусили, гІяхІти пикрумачил балга бирули сай, сунела архІя гъарбизахъа, Аллагъ, или. Тяп илгъуна балга бирули сай хъулкнад аркъусинира. Илаб секъяйда бетарулира?

* * *

ХІябал урши гІелаб кали, дудеш вебкіили сай. ХІяблисалра дудешла масмулк царугли дуртІули сари. Илдада дуили сари, хъачлизи дергурти мазала нусила хІябал лага. Илдира дутІили сари.

ХІяблилра хІердарили сари, чус даибти нусила лагаби. Цали сунела нусилизиб халали ахІенси гІями чебаили сай. Дудешли кьацІ ил мерличи къячаили букули уили сай, дебали къркър уили.

– Агъ дудеш, – викІули уили сай урши, – нусилизи кьацІ къячиули хІевкули, ца ити бяхІчаили букадри, гІямал хІебирусиририв?

Ил урши дудешличивра къркър уили сай.

* * *

Ца хъунул адамли сунела мурул вархъатурли руили сари, илала баркъудлуми гІяхІхІедизурли.

Ил умцІули руили сари держли хІевжуси, къалиян битІхІейкІуси, заманаличив хъули вашуси, урхІла хъунрачи хІешуси, лебилра алапа хъули бихули, сунези лугуси мурул варгес. Ил илгъунагІир умцІули рухънараиб, амма варгес хІериуб, сенкІун илгъуна агарли уили сай.

Дахъал дагъес кьасмабирид, – гъанкІ бумцІар.

Заманаличиб барибси гІяхІси саби, гІелайзи арбухібсичиб, даимси селра хІебирар. ГІур бакІахъес или пикрибикІуси гІяра къуйрукъ агарли калунси саби кьалли.

Дахъал гъай дируси, дахъал чейсуси, сунес гІяхІил биалли, цархІилтачила пикрихІейкІуси хІяким гІяхІси хІяким ахІен.

Нушала Дума духуси саби. Илис дигахъу давлачебти. ГІядатла мискин адатчила илабтала пикри агара. Нуша, мискинти, гІердуцести ялчи, хъубзар, букІун, доярка агара кьалли гъанна илаб. Илдигъунти чула урgab биахъесра хІейгули саби илабти депутатунас.

Адамла жагадеш даимси ахІен. Ил замана аркъуцад вайла шайчи шурбулхъан. Уркіла жагадеш гъалаб саби чархла жагадешличиб.

Сархес хІейэси секІайчи хъуликІни – абдалдеш сари.

ВеГІла хІила гъамдеш лебти адамти хъумаргес асубируси ахІен.

Адам палтарли ахІен жагавируси. Ил жагавиру хІялалси уркіили ва дагърили.

ХІу децІли, анцІкьили кьакъаварили виадли, илди хІела уркіилизир мадихІид, чизи биалра уркіи гъаргбара, децІ-анцІкьи цІумдара. ХІед кункдеш бетарар.

Бержили или мухИлила арилизирад ухъес асухИебирар.

Иш лебил татаул хИуни някъба биркъубсив? – АхИен, някъбазиб къелхИера лебсири.

– Ишди лебилра уршби хИелав? – хъарбаибсири ца валусилизи.

АхИен, хъунуйчил бархти саби.

Леври хИела узигъуна гИяхИси юлдаш. Ил вебкИиб. ХИу мицИирли левли, илгъуна юлдашличила хъумартадли, хИела адамдеш хяли дергнигъуна саби.

Ца судья изесвахИили сай. Илини тухтур живарахъили сай. Изуси мерличи бухълухъуни кадатахъес хъарбарили сай илини. Адамтала хИи джусис се кумек бирув милкъяни? – пикриухъи сай тухтур.

ДАРШАЛ ГРАММРА ШИШАРА

БархИи ахъайчи юлдашуначил ужули-укули, бархИехъ къанни кепли хъули вакИибси урши, савли жявли айзурли, азбарлавад дураулхъули чеили сай нешли.

– Дуги къанни вакИиригу, дила урши, бержили. Савли айзурли, жявли чина аркъулри хИу? – рикИули сари уршилизи.

– Даг имцIаси бержили, гъанна бекI изули саби, дила неш. Ил гИяхИбиахъес багъандан ца даршал грамм бужас или аркъула.

– Увас, дила урши, даршал грамм бержадли халабиургу хИед, гИуррара кепируд, илцад халал мабужидгу. Ца шиша бержадли хИебиуру хИед? – рикИули сари уршилизи неш.

«Даршал» ибси гъай халабизурли буили саби нешлис, шишалар чуйна даршал грамм лертил хИебалули.

ЖАГЪИЛ БУКIУЙС ДАРС

Нушала бегИтала, хала бегИтала замунтазиб, жагъил адам букIуй узахъес урцухИели, илис имтихИан дирули буили саби гИямру деркИибти, букIунна хИянчи дахъхИи дарибти, илар къаршидиркути жура-журала хИянчи гИяхИил далути букIунани.

БегИлара гъалаб илгъунази лугъахъули буили саби маза. Илизи гИеббурули иргъахъули буили саби. Архъили гИергъи, барда къячхИебикахъили, дисли лебилра биркIунтазибад декIарбарахъили, бутIнадбирахъусири.

Ил хИянчи барахъес гъалаб илизи бурули буили саби, илгъуна секIал дугели цIябси заманара барес чевкъуси саби или. Илбагъандан илини ил хИянчи шалалиуб бирухИели гИяхИил пикрибарахъес. ХИисабдарахъес, къисдирути биркIунтала мерани гИердурули буили саби.

Илкъяйдали жагъил букIуйзи руркъяхъули дуибти сари маза лугИнила, беркала бирнила, сегъуна-дигара аргъелизиб ца билкънила, дугели гузетличи вашнила, дуки вашнила тяхИяр-къяйда ва гИямрулизир къаршидиркути гИурра цархИилти секIалра.

ПАРГЪАТРИАХЪУБ

– Хура нура цалис ца дигни гур чилилра балулира? – хьаррикѳули сари сунела игнабази ригнаба.

– Иличила балути кѳел адам саби лебтину, урухмакѳуд илала черкад, – викѳули сай игнаба.

– Кѳили багъурси секѳал цархѳилтани хѳебагъурли кавлану, гъатѳи?

Чихъали сабив илди кѳелра? – хьаррикѳули сари игнабази.

– Илди сарра хѳура нура, – викѳули сай игнаба.

Ригнабала уркѳи илди гъайли паргъатбиахъуб.

БЕТАХЪИБСИ ТЕЛЕФОН

Ну Калмикиялизив хѳериули калунси Троицкое ши Элистализибад гехѳел километрла саби тѳайдиси. Маршруткаличив аркѳулри тах шагъарлизи. Духълуми дирцуси базарличи айбхѳели, кацѳира маршруткаличивад. Къацѳли укес бекѳхѳейубли левалли, дила телефон зангъбухъун. Кисми умцѳурра, алавчарли хѳерикѳулра, агара телефон, амма ил зангъбикѳули саби. Баргес хѳейрулра. Мякълав тѳашизурли ца виштѳаси урши леври.

– Адавзи, селигѳив умцѳулрив хѳу? – викѳар ил набзи.

– Телефоннигѳив умцѳулра, ил зангъбикѳули бикѳулра, баргес хѳейрулра, – викѳулра ну.

– Ил хѳела някълизиб, – викѳар набзи урши. Хѳерикѳус, телефон дила някълизиб, ил илхѳелира зангъбикѳули лебалри. Тамаша ахѳенрив гъатѳи телефон дила някълизиб зангъбикѳулри, амма ил хѳясибхѳебарира, виштѳал уршили бурайчи.

Илаб итмадан пикри бакѳиб ну мехѳуркайублирав ибси. Тамашала анцѳбукъри ил.

НЕГРЛИЧИ МЕШУСИ

Калмыкиялизир Яшкул бикѳути кѳел мер лер. Илдала цалис Верхний Яшкул бикѳар, цархѳиллис – Нижний Яшкул. Верхний Целинный районна ши саби. Нижний. – илгъуна ула бегѳ районна центр саби.

Цагъачам Убяхѳ Яшкуллизир кѳел гъатѳи юлдашра нура, кафелизи кадиили, къацѳли дукули лерри. Нушала мякълабси столла гѳела кабиили жагъил хъалибарг лебри: биштѳати урши-рурсира, неш-дудешра. Илди бусурман адамти сабри.

Мякълабси цархѳил столла гѳела вакѳили кайиб ца цѳудара адам. Наб гъанбикиб ил негр ургар или.

Мякълабси столла гѳела кабиибти нушала адамтала урши нешлизи урус мезли викѳар:

– Неш, хѳерагу нушала мякълабси столла гѳела кайили негр лев. Нешли шуррухъи хѳеръиб, селра хѳеили, лехѳахъиб.

– Ну негр ахѐнра, калмык сайра, – виклар цудара адам.

– Хѐрагу, неш, икI негрли урус мезра далули сай, – виклар урши.

Ил цудара адам калмык сайли увухъун. Ил жагъил адам сайри. Илини бержхѐбержилри, бержибси виалри, илини илар къалмакъар вяшдарес асубири.

Ил дебали цудара калмык, уршили дурути гIяхIхѐдизурли, айзурли арякъун. Неш-дудешли чула урши маймайвариб.

Дирхаияраягу, Калмыкиялизив гIяхIцадхIи хѐрирули кали хъалли, наб набтван цудара, белсунси бекIла вегI калмыкуни ургав цалра къаршихѐйкиб.

МАСХАРА

ГIяхIцад дусми гъалав, ца хIуйзи операция барахъили, ну Каспийскла больницализив кайхъи сайри.

ХIулбала больницализир телевизорти аги, се биалра белчIахъесра къадагъабирусири илаб. Илаб бузахъуси ил тяхIяр бархъси сабри: хIулби изутас, операцияби дарибтас илди секIал далхѐдикибти дуилри. Илаб бекIлил телевизор агарсири викIаллира бархъли бетхѐерар. Ца телевизор лебри жаняхIлизиб. Ил лебихIи башахъес гъариллис ихтияр лугуси ахѐнри. Балтутири хIулбас къулайдеш биубти, хъули бархъес замана баибтицун.

Наб телевизорличи хѐриклахъес, учIахъес къадагъабарибси замана сабри. АнцIбулкълурли, жаняхIлизив къунзикIули вираси, дурахъахъесра хѐлтусири операция барибти бурхIназив, хIули дягIли хIябяхъяхъес или, операция барибси хIули изули жаняхIлизир лерси сестра-тухтурличи вякъунра дарман кIантIбухъахъес.

Дарманра кIантIбухъахъи гѐргъи, илаб лебси дивайчи кайира ва сестрачил ихтилатикIулра. Бархѐхъ къанси замана сабри. Наб ил дяхIлизирад ва гIамализирад чичи саррил мешуриркулри, пикриикIули хъалли гъанхѐриркулри.

– Чиди миллатла сарри хIу? – хъарбаира илизи.

– Дарган сарра, – риклар ил.

– Чидил шилизирадри? – гIурра хъарбаира нуни. Илини шила у буриб. Илхѐели ну шакикира чичи мешулрил ил жагъил хъунул адам. Илини бурибси шилизирадси ца хъунул адам хъарраира, раладу или.

– Ил дила (дудешла рикIил, нешла рикIил) рузи сари, – иб сестрани.

– Гъари, – викIулра ну, – нуни ца масхара бирис ил хѐла гъамсиличил.

Касили телефон зангъдахъира. Илини итмадан телефон касиб.

– Хъулиррив, чинаррив, сен русхѐрусулрив къанси замана? – Хъарбаира илизи.

– Лерра кариили, лукIули, хIу чинаври, къанси замана зангъикIули?

– Ну иш хѐла гъамсила мякълав левра, кайили, – ура бурили сестрала, викIулра илизи.

– Иш къанси замана илала мякълаб се бирулри хIуни? Илала мурул левсигу! Къунба угъули ургуд хIу! – риклар набчил гъайрикIуси.

– Иша, набчи лехIахъи, рирхарули хѐриадли, нуни ишизи телефон бедлу-

гасну, гъайкарухъен хІу сунези. Бедишав телефон? Камси замана лехІахъили кали гІергъи, беда сунези телефон, – рикІар набзи гъайрикІуси. Нуни телефон сестрази бедира. Ил дукаррирхІулри нуша гъайдикІухІели. Набчил гъайрикІу-сила гъайра дикъусири илини.

– Беда илизи телефон! – къркъли иб набчил гъайрикІусини. Нуни телефон сестрази бедира.

– Чинад вагъурсив хІуни Къаратов? Чинар саррая хІуша кадили, цахли ахІену хІед? – ахъли ва къркъли гъайрухъун МяхІякъалализирад сестрала гъамси.

– Ягъари, ахъли гъаймарикІуд рехІрилзули. Нуша кадила больницализир. Иш хІушала Къаратовлис хІуйзи операция барили саби. ХІули изухІели дарман кІантІбухъахъес вакІибси сай. Мякълабси палатализивад. Ишдуги ну дежур-стволичир сарра. Агара селра бетаурси. Ну хІела гъамси сарни багъурхІели, барибси масхара саби, масхурта угъес дигуси сай хІушала Къаратов, – иб се-страни.

– Гъуя, сунела Аллагъли итра-ишра биъ! Илини риргІяригъибси ну. Наб бекІлил цархІил секІал гъанбикиб. Гъалабра цархІил масхара бурибсири илини наб. Беда, гъари, илизи телефон.

– Сен хІуни ну риргІяригъусира, дила гъамсилечила декІарси, агарси секІа-йчила вайси пикрира акІахъубли? – ахъли терсли гъайрикІули сари сестрала гъамси.

– Ягъари, нуни хІези къяна хІебурра, я вайси хІебурра. Ну викІуси къяйда, мякъла кадии лерра. Селра вайси биубси агара. ХІуйзи дарман кІантІбухъахъ-ун, хІед циила масхара барра. Гъанна айзурли мякълабси палатализи аркъяс. Изуси хІулира багълабиахъуб хІела гъамсили. Баркалла биаб сунес.

– Иша вакІибхІели, бирис хІед бируси! – урехи чебаахъиб.

– ГІяхІси саби, кършидиркехІе, амма рехІмарилзад, – тиладибарира набзи гъайрикІусилизи.

ХІИЛХІИ АРГЪИРА

Калмыкиялизив узухІели илав узули левси ца дила гъамсила хъунул Дагъ-истайзи хъули рякъи, чарриубсири. Илини нушаб итар диубтачила, дакъибта-чила хабурти дуриб. ГІяхІти анцІбукъуначилара вайтачилара.

– Нушала унра адиралав вебкІилри, – буриб ца вебкІибсилечила къантІси хабар.

Чи саю бадиралав вебкІибси? – хъарбаира нуни.

– Бурулрагу, Бадиралав вебкІиб или, – рикІар ил.

– Ягъари, чи саю ил бадиралав вебкІибси? Секъяйда вирусив адам бадира-лав вебкІес?! – викІулра ну.

– Бадиралав сай вебкІибси. ИргъхІергъулрив?

– Нуни аргъили къяйда, бадиралав адам вебкІили сай, секъяйда вебкІалра. Чи саю вебкІибси? – хъарикІулра ну.

ИлхІели хабурти дурусила мурул, дила гъамси, ахъли дукаряхІиб. Ну иличи хІеризурра.

– Хьунуй хлези бурулихьалли, аргъахъес хлериули сари. Нуни бурис, аргъишигу хлуни...

– Ягъари, вебкИили сай адам бадиралав. Илис чи биклусил хлЕбалулив хлЕла хьунуй?

– Нушала унраличив, Дагъистайзив, левсири Бадиралав биклуси ула вегл кьумукълан. Ил сай вебкИибси. Гъанна аргъирив?

– Гъайгъай, гъанна аргъира. Нушала унраличив хлериуси Бадиралав биклуси кьумукълан сай вебкИибси алри хлЕла ралликъянани, жявлИл иргъасигу, – виклула ну.

РАСУЛ ЯРГАЛИЗИВ

Москвала къакъурбазив кьунзиклули уили сай нушала Расул ХлЕмзатов. Ца мерлаб чебаили сай илини халаси ярга. Се биаллира глЕхлси бургар или, глЕшизурли сай Расула.

ГлЕхлцад вахъхлИ глЕшизурли глЕргъи, баили саби иличи ярга. Гъамиубли хлЕриклалли, жагали дарибти свитерти. Касили кагъарличи хлЕрълалли, «Буйнакъскла трикотажная фабрикализИб» дураибси уббухъун свитер.

Расулли свитер асили уили сай, итцадхлИ глЕшраизурли глЕргъи асес глЕглИнибиркур или.

Ил анцлбукълИчила илала ца жузлизИб белкИ леб.





Гяйша КЪУРБАНОВА

ЖАЛИЛ, ХАТИМАРКУД

Хабар

Разиятли нургъби душкиб. Цаагили автобусла улкъайтачи херрикесрииб. Улкъайтазибад цаван бурги дялгунти жагылти тухумтас някъба гякбикгулри. Автобусла духинарад далайбикгутала тлама ирггулри. Жалил сенрил чехейули, Разият гялаксаурлири. Ахирра автобусла улкъайтазибад гяббакбигти уршби-ургар Жалилла дяхI даггардиуб. Урши нешлис пишяхъиб, някъ гякбариб. Гур... Гур чигив сайрил хулба умцесииб. Урши итмадан, нешличила хьумартурсиван, улкъайлавад дура арцес дигусиван, зузиресииб.

«Жалил, сен ху нешличивад ласирхъусири? Хечи херрикуси ну ратурли, ху чигив къяйцикулри? – къакъабакбиг нешла урки. – Рахли уршили Багъаутдин чейули хейалли? – зимбухъун хапли илала чарх. – Илкун зягипси сай. Марлира, палатадизивад гъавухъи, урши гъунивватес вакилив ил?»

Разият геларяхI ласряхъиб. Шагъарла къакъа бицибти адамти-ургав илини тьянишси чилра чехейиб. Багъаутдин мякълав агнили л циила паргъатрияхъуб.

Жалил чисрил разили пишяхъиб, някъ гякI-гякбариб. Разият тамашариуб, алав херрикесрииб – туке гялаб Луарара Ризванра ташлири, солдатунас пишбирхъулри. Разият илдациряхI ратрихъиб: «Гъари, икдала мякъла ташрилзас. Жалил чичи херикларал, баянтирис».

Жалилла неш чераибхели, рурси хунтенриуб, солдатлис гякбируси някъ гяшкабиуб. Разият цашилантаци гъамриуб:

– Хушара дакилрав, Ризван?! Сен гяхил бирилра дакили. Хушанира хушала тухум гярмиялизи вархъиули хедиша? – гъачам рурсиличи, гъачам илала дудешличи херризур Разият.

– Ахенра. Тукейзи духинадулхъухели, Жалил чеили, ташдизуртири. Харили, ара-сагъли чариаб хела урши, Разият!

– Амин! Арали калаба хушара.

Луарала мякълар неш чераибхели, гякбируси някъ бекличи арбухиб, галар зумати цудара гъезби хяршдирухеливан, бялгунси хъянтла сурк-суркбариб. Гяйиблизи икибси хъяшаливан, гяжаибси пишбяхълизиб мухли балклахъун.

– Неш! ГІяхІил каленая! – хапли гъайбиубси автобусли Жалил тямхъярвариб, улкъайлизирти илала дяхІ деткахъиб.

Аргъайзирад рухъунсиван Разият гъаларяхІ гъакІрухъун, гъарахъбиркуси автобуслис гІерраэс рирусиван, дуцІрикІесрииб. Гъалаб цугбиркутира къужбирули, дуцІркІуси ил гъеркличи рикиб, къардрукъи кариркули, ил хІилхІи калун. Сари чилирил руцили гІашаъниличи ил къанни шақрикиб.

– Разият, ягъари хІела жан дат, илцад сабурлизирад рухъес асубирару? Паргъатрии гъари, хІуникІун итди биштІати гербалтули, хІилхІи калунри. КъакъамарикІуд. Нушала дубуртазибкІун бурули бирар: «ГІярмиялизи хІевкеси урши адра макІаб» или. ЯхІбара, хІуникІун урши дургъбази ахІен вархъиуси, ГІярмиялизи сай.

– Баркалла, Ризван. Азир мурад дааб хІела! Саби пІякъбик, бахъ кІантІиси уркІигу дила: Жалилличи къакъабикІуси.

– ПикримарикІуд: Жалил хІуни пахрубареси урши ветарар.

– Дила хІулби дацІ, Жалил ДОСААФ-ла парашютистунала кружоклизи вашахъес ватурра къалли... Се рикІулдра гъари ну? Ила хІешахъесра хІерираси: ил нуйчивра варскъа сай. Муэрлизирра парашютуни чедиули вииши, уршила виштІахІейчирад илдачила ахІи гъай хІедири. Гъанна... Жалил десанникунала гІяскарлизи арукиб, – Разиятли демдурти, хІунтІендиубти хІулби душикиб. – Вай нешла гІязиз, уркІи пІякъбиркули бираргу, чила-биалра урши ГІярмиялизивад цинкла ящиклизив левхули сай или аргъасли... – симкърухъун Разият.

– Вари-вари, гъарахъдара цІудара пикруми. Дургъбази аркъули ахІенгу хІела урши, ГІярмиялизи сай аркъуси. Аллагълизи шукур: гъанна нушала гІяскурти Афганистайзирад урсадукили сари, улкализиб паргъатдеш саби. Рисес асубирару? НабкІун гъанбикибсири, хІу къаркъаван чІумаси, къиргъуван цІакъси сари или, – Разият гъаларван пишрехъяхъес дигули, масхара буриб Ризвай. – кагъуртачи хІерли рирен, хІунира лукІен. ГІярмицлис илдачиб дурхъаси селра лебси ахІен.

– Ге-ге, баркалла биаб хІед, – Разият хумарли шагъарла къакъакад ратрихъиб.

Ризван илис гІергъи вахъхІи хІерикІи: «Разиятла ахъси кегІебси чарх къухІбизурли саби, жагъхІели итцад кункти къяшми декІдиубли сари, – Ризвай хІевала хъапІа сабелгІун, се-биалра барцбикибхІеливан къуртІдикІути сурс-къакъарличибад някъ чебиберкІиб. – Наб гъамадли саби илис насихІятуни дурес. ИлалакІун Жалил ахІи гІур чилра агара. Разият гъанна бацІкабухъунси хъули чаррулхъан ва чилра агарихІир пикрумала махлизи рухІнариркур.

Агъ, нажас Багъаутдин, сегъуна жавгъар духури цунрухъахъунри хІуни? ХІябилра гІякълу камси адам увухъунри къалли хІу! Аргъес вирули ахІенра, ихъуна къугъаси хъунул хъулир ратурли, хІу секъяйда «ГІянтІикІабачи» гъуцІикІусирил...

Агъ, Багъаутдин, Багъаутдин, хІябилра хІечи къясли вирира, Разият хІечил рарх чериухІели. ИтхІели набкІун гъанбиркусири, хІечивра талихІчевси адам дунъяличив хІергар или.

Разият дивайчи карииб. ДяхІ-някъличибад майа бушкиб. «Ариси, дярґибти шинни чарх ряхІятбара. Савлиличирад дубратурли ахІенри, хурег хІядурбара», – гьубиклури уркІи. Амма къаркъала декІлири, биркІанти пашдехьубтигьунтири. Сунесра хабарагарли, ил гІянайчи хьаррихьун, хІулби къяпІдариб. Муэрлизирван ардякъунти гІямрула бурхІни гьаладизур. Разиятлис гьачам сари рахьхІи хІеррирули лерсиван ва гІурра хІерриэс имкан лебсиван билзулри, цацахІели – гІямру ца гьигьла манзилван хьярхьли ардякъунтиван. «Вай-гьарай, цакамси гьалар сарригу ну шила клубла сценаличир, мекь-сяхІбатличир, делхьла мявализир камхІерируси. Уктемси, даим пишрирхьуси, гІямруличи карцІси урчІемьибил класса гІулухьа, духуси дахьдалгь хІериши итхІели ну. Духуси риасри, хьубяхІрумала бархІи урчала мурдабазивад Ризван гьалаикахьес рулгирав? ИлхІелира урчала мурдаби-ургаб дила узбикьуртира лебхІели. Дила уркІила жи аргьибсиван, гьалара икили, пахруличил хІердирути хІулби набчирад черхІейсухІели, Ризвайчи гІясирикІирагу. ХІехара риши, марли итхІели хІу.

Ризван сайра духуси хІейиши. Майла 9-личив, концертлис гІергьи, набгулавнала халара гьабуцили, пишрирхьули гьарахьикибсири. ИтбархІи юлдаш-рурсбала дукелцІи ва уркІрухьни, рачарархни чехІебаахьес дила къайгьи...

– Агь, хІед хІялалди! Сецад гІяхІси барири вавни хили. Даширая, рурсби, цуг-цугли дуртІехІену.

– Рази! Ризвай илди дутІахьес ахІенну, хІедцун сари хибти. МухІли вавни дуртІис бикІвхьули, уркІиличиб се лебара.

– ХІейгадали, хІедуртІис. ГІяхІси далай белчІунсилисцун сари вавни лугути.

– Или рикІенгу, къучакь, – гьинчІбизур рурсби.

ХІехара риши итхІели ну: уталичиб бархьбатурли вавнала халара, децІагнила нургьба чяхІрикІули, хьули ребшибсири.

Гьачам Саниятхьалачил рарх къарличи рякъунсири. ИлхІели Ризван райцентрлизивад чарулхьулри. Цабара яхши-хушра дарили, илини сумкализивад шоколадунала гІакьа дурасиб.

– Иш хІушаб дила цакамси гьунгела саби, – иб илини ва дила гавлагличи кабихьили, шилизивяхІ ватихьиб.

Вавначи мирхьиван рурсби шоколадуначи гьалакбиуб:

– Бизитара лер къалли! Сегьуна игьбара нушала Разият уртахь ришни!

– Сен «Разият» рикІуда, гьунгела лебтасалра гибси биалли?

– ХІу ишар хІериубси риадри, нушаб Ризвай шоколадуни хІелуги, – гьинчІризур Саният.

– ХІушани ил валули ахІенрая. Ризван мурталра сахаватси сай, – жалряхьира ну.

– Черииду, Ризвайчи уркІи изули! – хІинцІбикІесбииб рурсби. – Нушаб хибти диабну, гІясимарикІуд.

ХІехара... ГІямрулизир сецад хатІаби дарира риасра, духухІериубра. Илгьуна бетаруси ну урезила барха сархІели биэс...

Ризван гІярмиялизи аркуси бархІи лебил шанги шила дублабси майдайчи дурабухьири. Дам-дядла гІама шила дубларти шурмазир гІералгьулри. Ризван лебил дунья сунес бедибхІеливан шадлири: дяднучІала агурбачил далдикахьиб.

ли, хІябкубта учІулри. Илини гъарил хІябкуб бучІухІели, шанти набчи ласбяхъ-или, пишбирхъулри. Ну, урезила барха, Саниятла шалкІу дигІянриркулри.

Хъя барибсиригу, ил гъуниввалтуси бархІи дурахІерулхъас или. Сари вайрерх, Саниятли хІературрагу: «ХІерагу иш издагличи! Гъанна хІу хъули дигІянрикадли, балулрив, халкъли се ирул?

– Се иру?

– «Ціикури сархІели, дурарухъес урузриуб» иру. МехІурмарируд, раши набчил рарх, шантала гІядат саби гІярмиялизи аркъусила хІурмат бируси, илала някълизи арц лугуси.

Грузовикла кузовличи ацІили, лебталалра някъби дурцухІели, Ризвай Саниятлизи гІяшли хъарбаиб: «Разият чинара?». Унруби, гъинчІбилзули, шивкІив-бикІухІели, урези къяраили, гъала ритІакІира: «ЧехІериулрав гъари? ХІера иш ну!».

ДягІлиуб кІапІиван къаркъала руржукъи, някъ гъабатурра. Вай-гъарай, гъабатурси някъ батхІейули, шантала гъалар Ризвай гъатІира урузриахъубра. ДудешкІун набчи хІерикІулри. Нешли иличила хІебагъес гІя-мал аги. Илис Ризванхъала жинс дигуси ахІенри.

Сенрил ит бархІи неш-дудешли набзи дубхІехъиб. Амма гІур, дила столличи кадихъибти жузи-ургар Ризва кагъурти даргибхІели, нешла биса дахъдаиб.

– Дила рурси, лехІризи нешличи. Ризван лугърала къамлизивад сай. Хъумарти, дила рурси, иличила...

– Неш, се декІардеша, чиди къамлизивад виалра, адам гІяхІси виалли?

– ХІу гъачамлис риштІали лералри, илбагъандан сегъуна декІардеш лебал хІергъулри. Лугърала къам чилилра мучлахІебируси къам саби. Илдачил нушаб тухумдеш гІягІнити ахІен. ХІед рурчІес карерхес гІягІнили саби. ГІяхІси хІянчи баргили, даражализир ахърикІес гІягІнили саби. Ризвай биалли багъуди кахІейсу. ХІела гІямру илини дукъдулъа. БелкІен, дила рурси, иличи: «ХІу наб гІягІнили ахІенри, гІур набчи кагъурти малукІад» или.

– Неш, се гъай сари илди хІела? Нуни илди иргъули ахІенра.

– Ге, дила рурси, сен-сен аргъиши хІуни, гІямру чехІедаибси, илди хІедяркъурси рурсили? ХІечиб шанти дукаркІахъес багъандан, халкъли ралуси мезлукъ – почтальонкали ялавкар дугъбачилти Ризва кагъурти, гъала-гъала сунени делчІи, гІур хІези лугули сари. Хъумарти, дила рурси, Ризвайчила ва илкъяйда белкІен: «Лугърала къамлизивадси къяца, хІу наб гІягІниси адам ахІенри, гІур набчи кагъурти малукІад» или.

Дила чарх майалибатур: бегІла гІергъи бакІибси конверт, дубани цугагарли, басы биъниличи тамашариубсири. Набчи бакІибси кагъар урхІли бучІа или гъанбиркуси ахІенри.

– Неш, марли, илгъуна цІахси хІянчи барибу почтальонкали?

– Илгъуна хІянчи барра барили, шанти-урга гъай-мезра гІинтІадарили сари...

– ХІябилра вайти адамти лебли саби дунъяличиб...

– Илдигъунти адамти я бяркъес, я тІашаэс нушани хІедирехІе. Илбагъандан вегІли сакъдеш дарес гІягІнили саби. Каса кІапІи, дила рурси, лукІен...

– Неш, нуни хІед дигусигъуна кагъар белкІес хІерирус.

– ХІуни хІелукІухІели, дила рурси, нуни ишгъуна белкІ хІядурбарира.

Ризван, хІела кагъурти дахъдаили сари. Амма илди нуни дучІули ахІенра. Гъаргра хІедарили, илди нуни цІали дигубра. ХІуни чум кагъар делкІадлира, илдала къисматра илгъуна бирар. ХІуни нушала ши гъайли бицІахъилри. ХІура

нура гъачамалра къаршидикибти хІедиахІелли, я нуша-ургаб, я бегІти-ургаб гъай бетхІеурси биалли, чинад касибси хІуни ну хІела гъалмагъ риъни? ХІу шантала гъай-мезличи вирхаурлири. Питнакартани биалли буребала бехІцадалра секІал аждагъацад биахъули саби.

Наб биалли тухтур ретаэс дигулра. Аргъа, хІела кагъургазир риркъес дила замана агара. Илала дурабад, ну Багъаутдиннис ураркъилра.

Разият.

– Селра вайси агарагу, дила рурси, иш белкІлизиб. ХІу Багъаутдиннис ураркъниличила багъалли, ит хІяжарли гІур кагъурти хІелукІа.

Ну лехІахъира.

– Пе, дила рурси, хІу сецад пикририкІадлира, ишгъуна кагъар белкІниличиб лайикъси селра агара. Халатала гІякълу халаси бирар. БегІтас чула урши-рурсила талихІличиб дурхъаси селра хІебирар. Дила бухъна някъли делкІунти хІурпри хІунзазирад къачниван дила рурси, дебшили сарину, хІуни, дила рурси, хІела жагати хатІли иш кагъар чеббелкІен, – неш набчи хІерли ибескарииб.

«Сен ихгъуна кагъар лукІуси нуни? «ХІела кагъурти дахъдаили сари. Амма илди нуни дучІули ахІенра нуни. Гъаргра хІедарили, илди нуни цІали дигубра. ХІуни чум кагъар делкІадлира, илдала къисматра илгъуна бирар». ИлкІун къяна саби. Цалра кагъар нуни цІали хІебигубра», – неш чина биалра дурарухъайчи, ну хІерли кариира.

Нешла дурарухъес пикри аги. Бареси хІубалули, ну къакъаракІира: «Се ба-ришара? ЧебхІебелкІасли, дудешлизи буру. БархІи ахъайчи гІякълума ругъес рехІрирхъур, бекІ жургъбикІескайу. ЧеббелкІасли...

Гъари, ца ишгъуна бирис. Кагъар чеблукІасра, гІур, къули дирзес неш дура-рухъунхІели, ил гъярудис».

МехІур рииши итхІели ну, кагъар чеббелкІунра. Ил чеблукІухІели, дебали бухъанбитхІахъунрагу, сепайда... Ибусила гІердирули, неш набчи хІерлири. Ахирра, кагъар таманаъниличи шакрикибхІели, ил набчи гъамриуб. «Черре-рхи, амма иш чараагарси баркъуди саби» рикІусиван, хІяйранни хІеррилзули, дила тІулбала удибад кагъар зузбариб. ХІулбала хІерли чебибхъили, ил халат-ла кисализи къузбариб.

Нуни шкафлизи дигІяндарибти конвертуназибад ца касиб.

– Чеди адресра белкІен, дила рурси. Шаддукъ почталъонтани хІела кагъурти, гъаргдирули, дучІули, дукаркІули сабину, илдала дукелцІилис ахир ка-бихъес гІягІнили саби.

Ризва у лукІулра – хІулби нургъа дирцІули сари. Нешла кисализибси кагъар сен-сен биркахъусил пикририкІулра: «Иш дила неш уртакъ рурси риубси ри-алри, Саниятла кисализирад семечкаван, нешлизибси кагъар кебисаси. Сепай-да, неш Саният ахІен къадин. Гъу, селра хІебирар. Дугели, неш рускаунхІели, сеннира кагъар биркахъис».

– ХІуни, дила рурси, дурсри делчІен, ну почтализи гъаррикІусну, – касили набзибад конвертра, хъулир дирути хІянчирачира дархъдатурли, неш шинна кІантІван регъуб.

Ну къакъаракѳира: «Неш, се барри хѳуни? Сен наб къадин дила къисмат ирзуси хѳуни? Сен дудешѳира хѳунира, дила ихтияр агарли, Багъаутдиннис ну уриркъусира?»

Тамаша, почтализирад чарриубхѳели, неш набчил дебали малхѳамлири. Гъалар се-биалра барахъес набзи жузи дархъдалтахъули риалра, гъанна наб къадин се-дигара барес хѳядурлири.

– Хѳу ручѳен, дила рурси, хѳед тухтур ретаэс гѳягѳнили саби.

Дила уркѳилис гѳядаблири: «Нешли чинад багъурара Ризва гъаларти кагъуртас нуни жаваб хѳебелкѳни? Чуйнал жаваб белкѳес рехѳрихъили, хатѳаби херал ахтардибурухѳели, дугъби мягѳна агартиван, дархибтиван дилзули, гъярдердибтири. Набчи дакѳибти кагъурти биалли, лерилра нешлизирад дигѳандарибтири ва урга-ургади дучѳутири. каргъурти, жагати дугъбачил лукѳас Ризвагъунти или къас сабригу, хѳера, се бетаурал...

Ризван гѳярмиялизивад чариубхѳели, ну мединститутла библиотекализира, сессияличи хѳядуррикѳулири. Хабарра агарли хѳези «Моряк» жиикѳули сай ибхѳели, ит нешли бархъибси кагъар гъанбикиб, урузриубра. Юлдашунази «агара» или къяна бурахъира.

Гъ-гъ... Хатѳаби хѳедарили, адам хѳейрусѳи виэс... Халакараили, студентка ретаурхѳелира, Ризвайс децѳагахъира.

Итхѳели, нешли гибси кагъар чебхѳебелкѳес рирусиригу, ил гѳимхѳеруркѳлахъис или, ахмахдеш дарира. Рирусири наб дигусѳи барес. Риштѳлахѳели, тапла хѳязли риркъес или гъаррулхъули, чуйна нуни неш гѳимрукѳлахъибра? Саниятхъала гъаршдукѳличир гъаршрикѳули, хъули чархѳерирули, чуйна неш наб гѳеларад ракѳлахъира? Неш клублизи марашуд или рикѳухѳели, илизи тиладибикѳлахъес чуйна юлдашунѳи бархъаира?

Тамаша, сенрил ит бархѳи, неш набзи: «Хѳуни, дила рурси, хѳела жагати хатѳли иш кагъар чеббелкѳен» или буйрукърикѳухѳели, мукѳурсѳи такъсирчиван лехѳкахъира.

Дусми ардякъун. Нуша декѳар-декѳарти гъундурикад гъар бирхѳиласѳи гѳямрулизи духѳнадерхурра, цаличил ца къаршидикес имкан кахѳелахъунра.

Гъану шура дусла гѳергъѳи къисматли нуша гѳурра къаршидикахъира, амма Ризвайс ишбархѳира ит кагъарличила гъанбикахъира. Ит кагъарличила гъанхѳебикѳили биалри, ил викѳив: «Жалилѳис кагъурти лукѳен. Солдатѳис илдакѳиб дурхъасѳи селра лебси ахѳен» викѳусѳи? Асубирар, ил уркъбъякъ хѳебиэс, ца ити бурибси гѳядатла насихѳят биэс...

Агъ, дила гѳязисѳи неш, хѳечи лехѳризурли, талихѳи баргирив нуни? Дахъал гѳяхѳдешунѳи чедаирав, «багъудила вегѳи», «хѳурматла жинс-къамлизивадси», шагъарлизиб сай-вегѳси юртла вегѳи Багъаутдиннис шери рякъѳи? Хирург Багъаутдинна арц камли ахѳенри архѳябачи вашес, вякъунихѳив гѳянтѳикѳаби бургес? Операциябас сайсути арцѳли излумала бекѳа бучили, держлукъличи шурухъунгу ил.

Агъ, дила ахѳерси неш, набкѳун гъанбиркусири: халати гъачамалра хатѳабиркути ахѳен, илдани гѳямрулизир кадиркути гъар се-секѳал далути сари или. Се биубли хъалли, инсан нешличивад чевурхули сай. Амма Багъаутдинничѳадад уркѳи чебхѳебурхар къадин.

ВиштІахІели дудешличи гъуцІикІуси, рахли набчи гъимукІалри «дудешличи аркъяс» или гъавулхъуси Жалил ишбархІи илала някъ хІебуцили ГІярмиялизи арякъун.

Чумал баз гъалав, кепкайубли, къакъализив нясиубси Багъаутдин чеибхІели, уршили хъя барибсири: «ГІур дудешличи къяш кахІейцІис. ИлкІун, адамти лягІнатбикІахъули, хъсализив усулри. Неш, хІу набчирад черрерхи: хІечи гъимукІибхІели, дудешличи гъавулхъули, хІед децІагахъира. Нура хІура дигахъуси виалри, ил нушачивад гъавхІелхъи».

Ге, Жалил, хІела дудеш нушачивад гъавухъун. Амма илини талихІ хІебаргиб. ХІянчиличивад аркъуватурли, сунес къяндикибхІели, юлдашуна ва тухумта ил вархъватур. Гъанна ил цунни сай. БекІлизиб хІяна гъез агаркъи, демдрила изайзив сай. Асубирар, хІу чарухъайчи ил кахІелесра. Дудешличи гъаввакІес гІягІнилири, Жалил.

Тамаша, къяркъси хасият биэс дила: уршилис насихІятуни дурес хІядурлира, нуни биалли, декІардикибхІейчибад, гъанна вецІну верхІра дус илизи гъайили ахІенра. Чуйна сайри Багъаутдин «черрерхи» или тиладиикІули вакІибси? Чуйна сабри илини «хъалицІа дирис» или хъя барибси? Илала хІулбала гъалар нуни унза къяпІдарира. «Нуницад нургъби кертІаби хІунира» тимхъбикІи уркъира. Уркъиличирад аркъули ахІен къалли илини дурибти дугъби: «ХІу наб гІякълума ругъес цІахІебилзулив? Нуни сарригу хІу тухтурра адамра ретахъурси. Дила киса хІебиалри, сукъурриайчи ручІули хъалли, хІуни мединститут чебиуси ахІенра. Дила арадешлис се заралласил, се хІяжатсил нуни гІяхІил балас!»

Разиятли андаличибад майа бушкиб: «Ва дила ахІерси неш, хІу ахІи хІура асили руилригу Багъаутдинхъа «дурхъаси» къамли. Нуни вуз иаманаайчи хІеларлара илдала къамлара вягІдуртачила балули дигахъира – сецад санигІят дигахъаслира, мединститут бархъбалтира нуни. Гъанна се гІяхІедеша дила дарданазибад? Багъаутдиннтзирад декІаррикира, илини лугути алиментуни мучлахІедарира. Ил чеббицІни бирару? Къан-къанни пашманиуб виалра, хъалибарг пашбехъникІун илис шаддешли бетаур: держла хІебужахъес, гІянтІикІабачи хІешахъес махикІуси чилра ахІехъиб.

«Шилизибти хІела бегІтала пенсира, зягІиптани лугути «савгътунира» камлив хІед, алапала дурарад диркути. ХІябилра хІелукъуси кІас лерри къалли!» ибти Багъаутдинна декІити дугъби гъаннара лихІбазир гІералгъули лерал.

ХІулбала гъалаб грузовикличивад сунечи гІяшиубси Ризва сипат сабри. Хабарагарли гъардакІибти нургъби Разиятла ляжубачи гилдидикІулри. Ил багълали аризур, улкъайларад дура хІерризур. БерхІи гІелабикес гъалаксиван ряб-ряббикІулри, хІулбала нур ардихулри.

«Сен итди жявлил ардякъунти дусмала бурхІни гъансадикути вара? ИшбархІи Ризван чеибхІелив? Юх, ишбархІицун хІейэс ил къаршииркуси. Больниализирад дурарулхъули, гъар ну чераибхІели, ил гІяжаибли тирхъулхъан, цементлизирад палтар умудурули, някъ гъабалта.

ГІядатла саламлис саламра бедили, хъули гъалакрикІира. Гъуникад ил цугикниличила итмадан хъумуртира. Сен ишбархІи ил дила хІулбала гъалавад увхІелзуси? ИшбархІи ил сунела рурсиличил цугикибхІели хІебиалли?

РизванкІун хІянчиличивад чарулхъули вииши. Луарара тукейзи ракІилрира? Гъ-гъ, ну чераибхІели, ил хІунтІенриубгу, амма Жалилличирад хІулби черхІесиб. Вай Луара, марли хІед дила Жалил дигахъулрив? Жалилра иличи

гІяшикїублив? Илбагъанданрив дила урши набчи хІерхІейІули, Луарас някъба гъакІикІуси? Вай, нешла мукъара, Ризвай иличила багъалли, ил сейкІара? Илини сай «мучлахІеркїбси» хъунул адамла уршилис рурси редлугав? Или баралликІун иличи сунела тухумтани лягІнат буршу, къапІа бихуси гъабзази халхІейру. Марли, илис чеббищІес дигулив? УрхІла гъайличи лехІизурли, илини сунела рурсила къисмат сунес дигусиван ирзув?

Жалил, нешла гІязиз, се хІерли хІечи? ХІуникІун нешла гІулухъадешличила селра балуси ахІен. Нешлагъуна мабиаб хІела къисмат! Жалил, вари нешла, гІямрулизив нуван хатІамаркуд!

Хапли зярбухъунси телефонна тІамали ил уркІрухъахъун. Больницализибад гъалакли зянкъбикІулри. Багъаутдин гІурра вайтІаикилри. ДулекІла изай ил дебали зигарикІахъухІели, Разиятлизи жибикиулри. «Урчала илхъила вегІ давлачевра мискинна гІярчумагличи гІягІнииркур» бикІути хІязлис ахІен, давлачев Багъаутдин дила кумекличи гІягІниикили гІергъи. Ну се рикІаслира, ил дила уршила дудеш сай. Жалиллис ил дигахъу. Жалил, хІела гІязиздешли, дила мукъара, ну хІела дудешличирад черрурхула».

Чилирил унзализи къутІдяхъиб. «Чи саяра лявкъуси, гъанна ну гъалакхІели? ГІурра чи-биалра зягІипикилив? – Разиятли унза абхъиб. Ганзухъуначив Ризван тІашлири. Хъа регІ бегІ гъалар чериусиван, гІяхІял тамашавиублири.

– Черрерхи, Разият, – хъяй-хъяй суркбариб илини. – хІу къакъарикІули рургуд или гъаввакІибсири. ЯхІбара. Вари, кІантІимарикІуд. ШакхІерикили, дусми аркъян, урши жявли чарулхъан. – Хъа регІла халакадаибти, нургъба дицІибти хІулбани Ризва чарх зимбухъахъун. Разият гуж-гужли иличирад ласряхъиб.

– Жалилла някъ буцес сенрил пикрихІевхъунра. Ма, хІед иш цакамси савгъат, – илини цІедешли бицІибси сумка унзала гъала кабихъиб. ГІяхІли кален!

Разиятли сегъуна-биалра жаваб бурайчи, подъездлизиб Ризва гунзрала тІама гІеб-гІебагъур.



**БяхІяммад
ХІЯЖИЕВ**



БЕЦІЛА ХЪЯРА ХЪУБЗАРРА

Хабар

Багъесли саби, мурталра беці дубуртазиб ва вацџурбазиб хџербирули кални. Ил имџаливан дугели сунес бергала баргес дурабулхъули бирар. Ца гъачам беці сунела пукъализибад гІяяр дурабулхъунхІели, илини чебаили саби ца хъубзарла азбарлизиб бигъунси газа. Беціла иштяхІдухъи, къаклар шутри жургъдухъи сари. Бетухъи газала мякълабси тџй буцес къасбарили саби. Сунела дурхІя бурџухІели урчи тІамалибиркъес ва дурхІялис кумекбарес абархили саби. Газала тІамрани хъубзар чеваргъили сай, мякълаб балбикибси къямкъяра касили, дураухъун. Газа, сунела тџй батахъес беціличил бяхІилри. Ветухъунси хъубзарли къямкъяла дугати џулби беціла чархлизи атІахъи сай.

– Эй, беці! – тІамадариб хъубзарли, – хІед хІедиулив дила тухумла, дудешла ва шантала дигІунти маза, гІежни, умхІи ва царилти хІяйванти. ГІанна дилара дилгІес бецібихъили хІебиши?

Беціли, хІили кІантІбикІуси бекІ ахъбуџиб. Баџла шалалиур гІясидешлизир сунела џуба џулби чедаахъиб.

– ХІуни къасбарилри азбарла бухІнабси тџй бархли кабушес. ГІяргси мерличиб биалри, хІуни ил барес хІебиради. СенахІенну илала нешли хІед урехи чебиахъи. ХІуни гІяхІил балад, урча хІед сегъуна танбихІ бирил. ХІела тІа-мала, гІягІ бакъалли, илди чула дурхІни дайладарили тІашдилзан. ХІу мякъла гІямбиадли, илдани хІела хъяйхъуби дялча. ИлхІели хІуни пикрибирули бируд хІу илдачибад гІярахъбикес ва миџирли калес.

– Иш хІела тџй кабушесра бираси, – беці багълали гІяйбухъун. – ХІуни балуливан, ну илџад урухІуси ахІенра. Ну, хІербиес багъандан, наб чевкъули бирар ну гІергъибикибси кабушили, дила кани балхес. Илди сари дила, беціла гІямру.

– ГІяхІси саби, – виқІар хъубзар, – илкъяйда диалли хІела гІямру, хІуни илди дарсдарес гІягІнибиркур. ДарсхІедарадди, хІу бебкІес замана баили саби.

– ХІуни се гІяхІси гІялабирхъурил бура набзи? Секъяйда дарсдариша нуни дила гІямру?

– Букен се-биалра цархИл секЛал – гъалабихъиб хъубзарли. – Лергу ми-цИраг къарли, хІячма, ризкъили дугули хІердирути. Илкъяйда бугули хІура хІеркабии.

– Ил бетхІеэси анцІбукъ саби, – гъурбухъун бецІ.

– Ил бархъси саби, – гъай ахъдуциб адамли, къямкъяли чІумабарили. – Ну, викІул хІебарадли, хъя бирулра хІу кабушес.

– ХІу викІуси биаб, – бикІули саб бецІ.

– ХІуни ил секЛал барес биишира!

– ГІяхІси саби, – бикІули саби бецІ, хъубзарла гІясити дяхІличира чархлизи атІунси бугал къямкъяличира хІербизурли. – Ну, хІуни бурибсилачи разилира, амма ил секЛал барасли, наб сецад цахдешал балули хІейиши? БецІ къарли бугули хІербирули саби бикІали...

– Нуни хъя бирулрагу, – бикІули саби урухбиубси бецІ.

Гъарил жаниварла тяхІяр-къяйда далуси хъубзарли бецІличил вягІда бариб, бецІлизи, бегІлара дурхъаси хъя барахъиб:

Хъяра барили, бецІ къайбикиб, кІинайс ахъбуцили бекІра, хъубзарличил гъ-айбухъун:

– ХІу набчивад чедиикири, хІуни ну биргІябиргили, бархахъира. Ишала гІергъи ну цалра мицІирси хІяйвайчи чехІебулхъас.

– ХІера нуни хъя барилра. Дила балкІа саби. Царилти жаниварти чедулхъан хІяйвантачи, гІяргІначи. КасахІелли гурда.

– БегІла гІяхІси! – тІамадариб хъубзарли. – ХІуни гурдази хъя барахъа.

Хъубзар чарухъи, сунела хъули паргъатиуб. БецІ биалли сунела гъуни буцили арбяхъун.

Ит заманализиб бецІ сунес бетаурсиличила, пикрибухъун. Урехила хІеди-алра, къямкъяли дяхъурби дарили сари. Гъарил секЛал далкадирки, эгер хъя хІебарибси биасри. Гъанна наб дархъдатес гІягІнили сари гъаларла хасиятуни. Ил секъяйда бариша?

Илгъунти пикрумачил вацІализи бухІнаберхур. Ил мерличиб къакъбаличил абархили гурда чебаили, иличи бецІ гъамбиуб.

Гурдали бецІ чехІебаибсила дарили, сунела хІянчилизи бяхъилри.

– Эй, гурда! – тІамадариб бецІли.

– Гурда, хІянчи тІашаили, бецІличи хІербизур:

– Агъ, хІушив? Набчибад чебберхи, бецІ. Ну, къалабалира, хІу бирхаи бакІ-ни хІебагъурра!

– ХІуни се лебхулри?

– Агъ, иш, – бикІар гурда, жагали дуклабуцили, чІумали беркесра хІейрар, биалра ишбархІи ишичиб гІяхІси селра баргес хІебиубра дила биштІатас. Пакъирти, набчи хІерли дургар. Гурдани сунела гІямулти дехІдихъиб.

БецІ ца тІяхІли гурдачи бетаиб.

– Баткаа къалабали къакъба! Набзи хъя барахъиб мицІирси жанничи къ-яхІебикахъес. Къакъба баткаа яра лебси мерличиб гІяндбуршури.

Гурдас царил бареси кахІелун, къакъба баткаиб. Къакъба балкІбикІули ила-бад гъарахъбикили, занзбазиб бетахъиб.

– Ге, нуни хъя барибсири – гъай дехІдихъиб бецІли, – хІедра нуниван, муртлисалра мицІирагличи чехІебулхъес, ил хъя барес гІягІнибиркур. Иш-бархІила гІергъи нуша царилти хІяйвантиван къарли дугес гІягІнили саби.

– Бирис, хІу разибахъес, – бикІар гурда, бецІла гъалаб, лямцІдухъунти цулбачи хІербизурли, – хІу бикІуси хІеберкес къасбирис.

– Ил къас гІягІниси ахІен, хъя барес гІягІнибиркур.

– Сеналра гІяхІсири ил хъя хІебарахъили батес, – бехІбихъиб гурда.

– Хъя бара яра гІяндбуршури!

– ГІяхІси саби, – нуни хъя бирис, – гъайбухъун гурда.

Илини сунела дурхъаси хъя бариб.

– ГІяхІси саби, – бецІ иличибад гъарахъбикиб.

Шала шикъдиубхІели, гурда къарла хІячма бугес бехІбихъиб. Илди дергес хІейгули биалра, дергес чебиркулри, сунела гушси кани паргъатбарес. къарли бугули, ил пикрибикІулри:

– ХІера бетхІеэсил набра бетаур. Се барес бецІ цугбикибсирил хІебалас набзи итгъуна хъя барахъес? «Гъанна селра барес» кали ахІен.

Илкъяйда, гурда пикрибикІули лебли, мякълар гІамала бакъили, алавчар хІербизур. Илаб хІункъаван гІярачи чІака кабухъири. ЧІакали гІяра къялшубази буциб. Гурда илмадан ил мерличи бетухъун. ЧІака гІярала къакъличи каби-или, ванзаличи пІяцІбикахъилри.

– Баткаа гІяра! – гІамадариб гурдани. –

ЧІакали, сунела къялшубазибси гІяра баткаиб. ГІяра бебшили беткахъиб.

Гурдани чІакази хъябарахъес хъарбариб.

– Биаб илкъяйда, – гурдани хІянчи даимбариб.

ЧІака аркъухІели, илис цугбикиб къиргъу, ЧІакани илизи хъя барахъиб. Къиргъус пасикъ – пасикълис къанкъ, къанкълис, тІума цугбикиб ва хъями дарахъиб.

– Наб хІуни хъя барили дигулра, – бикІар чІака къянази.

– ГІяхІси, нуни гъай-гъайра хъя бирис, хІуни ца секІал бирадли.

– ХІуни наб селра гъалабихъес хІебируд. Ну бикІул хІебирули биадли, гІяндбуршури!

– Бура, хІези чини хъя барахъибсил?

– БецІли. БецІлизи адамли. Нуни хъя бирис бецІлизи.

Къяна, ванзализибад села биалра хІячми даргес, сунела гаши дишес абархібси бецІличи бетухъун.

– БецІ! – ГІамадариб къянали. ТІумали хъя барахъиб къанкълизи. Къанкъли пасикълизи. Илкъяйда гъариллизи хъями дирахъули сари. Ил бархъси сабив?

– Бархъси саби, – пашмай жаваб чарбатур бецІли. – Набзи – адамли.

– Адамлис хІу сен мукІурбакІибсири?

– СенахІенну, хъя хІебарасри, илини ну кабуршусири. ХІера дила хъуцІарличи, лебилра бемдурли чебаа илини игъубси къаркъали.

– Адамли хІези хъя секъяйда барахъиба? Лебсирив илгъуна ихтияр?

– Илини нушакІун духІнакаи, лерилра дугІла арцанти, хІяйванти, гІур кадушили, кабц ирхъули сай. Ил иличира разили ахІен. Дяркъурли сай абдал маза, гІежни, сунес дигухІели лугъес. Дуцили делгъи, пяхІлала лутІули сай. Къули дяркъурли сунес пайдалис: ниъ, нерх кайсули сай. Къулазирад акІубти унци биалли хъу дузахъули, уркурлизи дибгули сай.

– ХІу букъен адамличи. Илис нушала гъаларла гІядатунни дарсдарес дигули виалли, ил нушачира лехІихъес гІягІнили виъни багъахъес гІягІнили саби. Сайра гІашизес гІягІнили сай.

– Наб хІейгули биасли?
– ХІебиалли, ну аркъяс гурдаци, тІумачи, къанкъличи ва царилтаци. Нушани ил барес хІечи хъарбирехІе! Иличибли нушани чІумали хІечи хъарбирулра. ХІуни ил бархІебарес хІебируд.

Беці хъубзарла хъа алавчар къяйцібухъун. ШаладиркухІейс хъубзар авлахъличи дураулхъули цугикиб. Илини сунела гъалаб усалбикисси, башес хІебирусси беці чебаибхІели иличи урклухъи хІеризур.

– Хъубзар, хІези дила дурути лер.

– Бура, се бурес дигулрил, – хъарбаиб хъубзарли. – ХІу гъарахъли биадлира нуни хІела гъайла дикъулра.

– ХІуни набзи буціала хъа барахъири. Нуни хъями гъарил жанивартазирад тІалабдарилра. Ахъти лусентазир хІердирути чІакни ахІенну, дебкІибти жаназуни дугути къянбачи бикайчи.

– ГІур се бетаурлив? – хъарбаиб хъубзарли, – ил бегІла гІяхІсигу?

– ХІера ил багъандан хІунира хІела гІядатуни дарсдарес гІягІнибиркур, нушани хІу викІул барибхІели, хІунира нуша дикІуси барили, нушаниван бузахъес гІягІнибиркур.

– Лерилра ваціала жанивартачил дакІили, хІела биштІати сукъурбирехІе? Илдала хІи картІехІе. Уршилис гІергъи яргабиур хъунуйчи, илала гІергъи хІеци. Илис хІуни се бурес вируда?

– Хъя бирулра, нуни ишбархІила гІелабад миціирагла диъ хІеберкес, – вехІихъиб хъубзар – ну ваціала ціедешли, къарла хІячмани, анкІили укули хІеркайрус.

– ГІяхІси. ЧебиэхІе! – тІамадарили, беці дуціли арбякъун. Цакамси гъуни ахъибхІели, тІашбизурли:

– Эй, Адам!

– ХІед гІягІнибиркур хІела юртлизир хІердирути: хъа, гата, вацнасра булан жавабкардеш дихес.

Беці ціябдешлизиб бетахъиб .

Илала гІергъи адамли бархъбатур гІяярла хІянчи. Беціли хъя барниличил алавла лебил авлахъ сагабикІули бухъулри. Лерилра дугІла, илкъяйдали хъулирти хала хІяйванти, мазала-мас дахъдикІулри. Илдас чилра къаршикар агни багъандан, ризкъила сабухъуни имціадикІулри. Адамлис гъалабад урбухъи гІяра, яра дуклумира пяхъдарили къакъба яра кІанра арцалри, яра илдала макъамти дакъалри, адам гъаман пишяхъили викІусири:

– Дузеная, дузеная, диштІати, арцантас урехи агарану. Гъанна нушани хІуша имціадикІахъес кумекбирулра.

Ца бархІи букес кабиисси замана, ягълавлизир хъарара баклажантирацун чедаибхІели, виштІаси уршили хъарбиулри:

– Дудеш, мурт нушани къакъбуни дерціес дирутирав?

– ХІуни хІебакъибсив, урши? Гъалаб лебси беркен, агарсиличи хъуликІулихъар, ил хІебиркур ибси.

– Дудеш, сен гъанна хІуни я къукъби, я гІярми, я бутІри хІедихутив?

– СенахІенну, гІяяр вашахъес къадагъабарили саби. Илди лерилра жаниварти, арцанти миціирли кали гІяхІси ахІенара, урши?

– ХІу вархъли викІулри, дудеш, – викІар, урши. – Биха, дудеш, наб гІурра баклажан.

Глебшила замана хъубзарли ванза баци, бегІун. ДягІудариб унхъри. «КабирхъехІе халаси давла, – викІулри ил, – нушаб гІягІнили саби чІянкІли ванзализибад бакІибсиличир хІеркадиэс. Пикрибаралли, ил бархъсира саби. Дунъяличир сецад дигара сабухъ сархес вирули сай. Эгер вегІ азгІинхІейубли узалли.

Хъубзар пикриухъун гурдачила ва бецІличила. Илис хаслира гъанбикиб бецІ, се бугулил илини янила аргъелизиб?

Хъубзар узулри вамсни хІебалули, белІуси ванза имцІабарес, хІяйван-къачалис дугени кадихъес. Биалра, ца бархІи авлахъличи арякъи хІерикІалли, дегІнуби вайли чедакІили чедиулри. Илди арцанта дергири.

Ишди хъулкни агардирис или гІясивиубли илини, някъелизиб бушкайчил, бекІличиб шляпачил, къаранчихъ тІашбатур. Чумал бархІи дикибхІели, арцанти илала шляпачи, къаранчихълизи кадирулри. Ванзализирад дегІнуби гъардакІибхІели къузра, гІярма дугулри. Хъубзарла хъарбаркъ гъанбиркули, бецІ чисалра вайдеш хІебарес пикрумазибри.

БархІилис гъар секІал дарсдикІулри. Хъубзарли гІяхІцад картошка убатур. Вавнази бизурси замана чебаэс или арякъунхІели, урклухъун. Лерилра картошка къябдалири, хъу буркъили абитІири. Картошка дергири. Дахъалгъунти къел цурмала сарри. Пикриухъи, картошка хІярили алавбарес къасбариб. Ил хІянчилизи савли айзури цІябдаайчи узусири. Нихъяра мяхІярра ниълизи-дизурхІели вацна, гІярма ва цурма лерилра дегІнуби заядирулри.

Яни къиянсири. Хъубзарли камси сабухъ сархниличибли кулпетлис къацІ, урчилис нихъя камлири. Усалдиубти урчачил хъу бацес къияннири. Илини сунес гидгури диркъахъес чумал гІяргІя датур, гІелар калунти дугІаиб. Чумал гежба, маза, хІяйванти, урчи датурли, гІурилти дугІаиб.

Хъубзар сунела бузериличил узусири. Сагали дегІнуби хІярили алавдирули. Се барили хъалли гІебшнилизир лерилра чукурдарибти янила заманалис даарицад кадихъес бажардиркули ахІенри. Сунела гъунар хІебиъниличи шакикибси хъубзар пикриухъун:

Аркъяс бецІличи, – пикрибариб хъубзарли.

БерхІи ихъухІели фермаличибад гъарахъли ахІи башес хІебируси бецІ цугбикиб. БецІ лебгІеб къияндешунази бикибсиванри. Ил башулри гъанна кабиркус, гІур кабиркус бикІусиван. Башри тІашаили, бецІ хъубзарличи ласбяхъиб.

– Эй, бецІ, – тІамадариб хъубзарли

– Ну, лехІихъулра. Се дигулрив хІед набзибад?

– Селра. Дила бусягІят я гъабзадеш, я гъунар кали ахІен. Ну ишкъяйда гІур хІерис хІейрус.

– Се бетаурлив? – хъарбаиб бецІли.

Царилти халхІедарили, арцанта ва жаниварта лебилра сабухъ, дакІахъибти цІедеш, ризкъи, къантІли буралли, гъар секІал дугули сари. Гъар секІал илдас нуни гІердаахъес хІейрус, илкъяйда ну хІерис хІейрус...

– Илис ну селис гІяйибла бегІра? – бикІар бецІ. – Се бирехІе? Нуни ахІенригу гъар секІайс къадагъа кабизахъурси. ХІуни, кабурушури или, мицІираг хІедурцахъес къадагъадарибси ахІенрив?

ХІуни ахІенрив, набзи нушала дурхъаси хъя барахъибси? ХІуни къямкъяли дарибти дяхъурби дила чархлизир гъаннара руцІули лерал. Илкъяйда бецІ гъайбикІули биалра, уркіи разидешли бицІилри.

– ЛехІахъи, – викІар хъубзар, – Нуни, итхІели пикрихІевхъи, хІези хъя барахъили уилра. Гъанна хІейрусирив хІу хъялизибад азадбатес?

– Вируд.– Нуни хІу азадвалтари, нура азадбулхъас хъялизибад, гІяяр башу-
ли буус гъалаб къяйдали, кадуршули хъа хІяйванти.

– Биаб илкъяйда!

– Илкъяйда биалли, – нуни хІу азадбалтулри хІуни набзи гибси дурхъаси
хъялизибад.

Хъубзарла гъай таманбиубмад, разибиубси бецІ кІунбацІиб. Бетаиб дур-
зам гІяйкабиубси мерличи, илаб декІарбариб сунес бигули ахъибси мукъара,
илра арбухили, вацІализи дигІянбикиб. Илис гъунчиб гурда цугбикиб, пашмай,
гаша бубкІули, диштІати вацІала цІедешли дуббалтули.

– Се саби хІуни архуси? – хъарбаиб гурдани.

– ХІуни чебиуси, – разили жаваб чарбатур бецІли, – церхъси мукъара, хъ-
убзарли нуни барибси хъялизибад ну азадбатурра, гъанна ну бирус наб дигу-
ливан гІяярбашес.

– Ну? – хъарбаиб пикрумазибси гурдани.

– ХІура нуни азадбалтулри хъялизибад, бируд гъалаб къяйда гІяяр башес.

ИлхІели гурда илабад ургиван дуцІли гІяяр дурабухъун. Гъунчиб балбикиб
гІярала дурхІя. Сунечи гъамбийачи батур. ГІярала дурхІяра илизибад урухкІу-
ли ахІенри, сенахІенну гъалаб гурдани къарли бугули гІямал бирусири. ГІярала
дурхІя сунечи гъамбиубхІели, гурдани хапли буцили гІяндбакиб.

Илзамана, гурдани ил иштяхІличил бугули лебли, хапли мякълар тІама-гъа-
ма адердиб, халаси дяхІцІи мякъла кабикиб.

– ХІуни се бирулри? – хъарбаиб мякъла кабибси чІакали.

– ХІуни чебиулригу, гІярала дурхІя. КІантІиси диъ. Сецад замана арбякъуна
къарли бугули.

– ХІела хъя?

– БецІли ну хъялизибад азадбатурсира. Гъанна наб бигуливан гІяяр башес
бирулра.

БецІ белкъунси, берхІила шалалиу диркъли кабихъири.

– Чебаэсли саби ишбархІи хІу гъалабван ахІи белкъи биъни.

– Бархъли бикІулри, юлдаш, – гъурбухъун бецІ, – Бархъли бурулра, бахъ-
хІи хІебикибси мукъарла диъли белкъунхІели, алжунтазибван сабра.

– Ге, илди хІела пишна нушара гашази дикахъира, бецІ.

– Ге, – бикІар бецІ, – ну хъубзарли лебгІеб урухбарили буилра. ИтхІели,
нуни лерилра жаниварти хъяличи кахІеибси биасри, нушачи хІячма дугес че-
биркуси ахІенри.

– Багъесли саби. Рахли нушани хІу урухбарили хъубзарличи бяхІхІебарибси
биадри, гъалар къяйда къарли дугули калунти диахІелри, нуша гаша дубкІути-
ри.

– Гъай-гъай, – бикІар бецІ.

Илала гІергъи бецІ, гурда, чІака ва царилти арцанти, жаниварти гІяярдаше-
скадииб. Хъубзарра гъалав къяйдали хъура дузахъули, хІяйван-къачара адил-
къули, сунела дегІнубас къараулбирули, хІеркайуб. Ил, Аллагъли кабихъибси
гІядат бархъси биъни чебаили илала гІергъи барсбарес валхІейзур.

ИлхІейчирад гъар секІал далкадикили дахъхІилис нушани дузахъути тяхІяр
къяйда дузахъули детаурра.

ДугІла цурма биалли чула гъунар чебиахъули, гъалар дехІдихъибтиван
нушала дегІнубачи, картошкаличи чябхъинти дурадуркІули детаур.

Илда хъя хъумуртули хІедиэс? Арцанти биалли янила замана ванати ул-
кнази ардашули сари.

ПОЭЗИЯ



Тавсулган
СЯГИДОВ

ХІЯСБУЛРА ЦІУБА СИНКАРА

(Поэма)

Машинтачив ил калхъи
Ца хІуйчил хІябцІали дус.
Калхъаллира, цайналра
ХІебуциб ГАИ-ли сурс.

Я гъуйчив гъачамалра
ВикхІейкиб бехІемцІлизи,
ЖумягІли кІина-хІяйна
Вирхалра чягърлизи.

– Чягърли бихули саб
Дила хІулбази шала,
Бамсурси хамхалара
Ахъбурцу илда гъава.

ИмцІабирули хІейрус
НуникІун гъачамалра,
Илбагъандан хІебиру
Чягърли наб ламартра.

ВайтІа чебиухІели,
Мурталра сахъли вирус:
Аргъ-бархІи дуунхІели,
Хъули кайили ус.

ДарестикІун наб хъулир
Мурталра камхІедирар.
Ну чузив виркъухІели,
ГІярми разили дирар.

Пляжлизибра дила
Шин дирцул автомат леб,
Ил жагали бузалли,
Дирар уркІилизир хІеб.

Дигахъис урхъудубла
Къармакъличил вашес наб,
Сегъуна бялихъчирал
Пиво дигута бураб.

ДурхІнала дурхІнира леб
«Хала дудеш», – бикІули.
Набчил барх илди вирус
Урхъулизи бикули.

Машина бирар хъяшна
Савли-жявли ицули.
Гъайла къантІа, разили
Сайри ну хІериули.

Ца бархИи ХИясбуллагъли
Машина хапли бициб.
БархИехъ набчи вакИили,
Ишгъуна хабар буриб:

– Балулрив, юлдаш, хИуни
Се биублил гъанна наб?
Гъайла къантИа, хИерли саб
Набчи къара жагъаннаб!

Гъанна бикайчи нуни
Ца хИуйри чебиуси,
Илра сукъурбируси
АхИенригу балуси...

– Ягъари, ХИясбуллагъ, хИу
ХИелтуси агарагу.
ХИулбас се бетаурсил
ХИуни набзи бурагу?

– ВагИайс къуллукъбарахъес,
Гъанбиркур, арукили,
Ца хИуйзивад сукъурли
Чарухъунсири хъули.

Гъарахъси Северлизиб
Тебри Сагаси Ванза.
Илав хИеризэс хИейри
УркИи кIантИиси гъабза.

Дусла бухИнаб кIел жумягИ
Гъаргбири илаб ванза,
ГИурил манзил миъ сабри
Чумал метрла бабза.

Заклизи БерхИи булан
Ца бара гъаббикIулри,
Цакамси ахъбиубли,
ГИур хъярхъли бетихъулри.

Бухъянси яни баши,
Мурталра дуги сабри.
Итабси «алжанайчиб»,
Туснакълаб гъалаб сабри.

Щуба синка ахИенси
Аги илаб мицИираг.

Чедаэс хИебирки наб
Сегъунтил ванзала ранг.

Итар дирутачила
Нуни дахъал хИедурис,
Чемабуркъаб набчи ГИур
Итарти шикъ чедаэс.

Ярагъла хИялумцIуси
Ил дунъяла дуб сабри,
Дугили ва хИерили
Къяшмачир дири дабри.

Ца гъатИи гъалмагъличил
Урхъусири постличи,
ГИур хИейри хИерикIуси
ЖумягИялра нушачи.

Духъбазибад барибси
Ца буркъа хъали бири.
Соляркали билкъуси
Буржуйкара лебсири.

Туснакълизиб калунти
Чебаибти саб нуни,
Наб къадарбиуб «туснакъ»
ЧехИебаиб илдани.

МицИирлирал багъес ца
Занкъдирхъи командирли.
Канира заябариб
Тушенкабала диъли.

Хъуливад дуравхъадри,
Ветихъади минутли.
ХИябал ганзри кайцIути,
«Живарадри жугъутИли».

ЦIуба синкбира дири,
Нуша-алав лукъули.
Нушала пукъаличил
Дири хИязта диркъули.

ЦIябдешлизир илдира
Чедаэс бекIлил хИейри.
Бара хИули чеббалкIаб,
ХИу синкала ав сайри.

Синкбазирад сахъливан
Духъес махдирира,
Чедухъалли, игъахъес
Гилри тупангунира.

Селис дигъанбируси,
Синкбира кадуршира,
Илдала диъбазирад
Чишликунуни дирира.

Къел-херзи кахъелахъес,
Кубцири дигъандирира,
Диъби дахъал лерхъели,
Нуша далайдикъира.

Тушонка чеббикили,
Хъекъели разидирира.
Итхъелицад диъбачиб
Я кеп чехъебаира.

Хупбареси дигули,
Аллагълизи дулгира.
Аммаки гъачамалра
Аргъахъес хъедиубра.

Чяйла пигълумачилра
Нуша «Дерхъаб!» дикъира.
Дембелъичиб барх бержес
Вягдалара дирира.

Пигъала ахъбуцасли,
Чишликунуни гъандиркур.
Викълурагу, кълвллизир
Шутри булан гъардикълур.

Гъачам цълуба синкали
Калунра ну каршули,
Шин дарес дяхъи бучес
Вякъунхъели вашули.

Цябдешлизиб синкали
Гъакълбариб набчи качла,
Хълубазирад итмадан
Дурадикиб къалли ца.

Каркухъелира тупанг,
Гъеч, нуни батхъеира,

Ил барес валкъхъелини
Итхъели верцахъира.

Чебуцили бекълизи
Карабин къяйкбарира,
Гурра селра барайчи
Синка таманбарира.

Качала бяхъ чегалри,
Дила анцълукъ ибгилри.
Бара хъябшван барибси
Хълули хъили башулри.

Зангъдяхъили, командир
Постличи вакълахъира.
Илаб биуб анцълукъла
Мягълни-хъял аргъахъира.

Больницализи вархъес
Ахъен илис дигули,
Ила хъерхъес багъандан
Сабабти сай дургули.

Гяйиб бакълесгу или,
Вииши урухълули,
«Бержибхъели биубси»
Сайри белкълен викълули.

«Ну сукълуриаслира
Ишис села авара?» –
Тухтуртачи вархъахъес
Ил викълуси барира.

Ца хълуизивад сукълурли,
Ну хълули чарухълунра.
«Бержни» диргалабухъи,
Хълимслизивад ухълунра.

Бержеси бирусирив
Сагаси Ванзаличиб?!
Мицълур жайс урехила
Ядерный полигойчиб!

Держ дирцути мер-муса
Урхълула гълелар сарри,
Гамиличивра ила
Жумягълли виусири.

Илкъяйда дукарбяхИиб
Къисмат ну пакъирличиб.
Адамличив назикси
Чи левсив дунъяличив?

Чуйнара дугъайзурра
«ХатІа» гъарбиру или.
Вашули вамсурра ну,
Абдал адам уили.

«БержибХели бнубси»
ХІуни сабгу белкІунси,
Чичи дугъайзаслира,
Сабри дяхІлабирхъуси.

Нуни барибсилочи
ХІекъли пашманиубра.
Дила юлдаш, хІябилра
Къанни духувиубра.

– Синкала чумал гули
Виадри дикахъибси,
ИшбархІи хІела яшав
Биригу тамай тухъси.

Балулрив сецад сабил
Щуба синкала гули?!
ХІябцІали азир доллар
Сари илис лугули!

– Се барес дяхъиличи
ХІуни зе писдирида?
Итира бамсур уркІи
Селис гъалакирида?

Нуни кадушиб синкбас
Дирки вецІал «Мерседес»,
Амма вирив итХели
Гулби иша садухес?

«Мерседесла» мерличир
Дири вецІал дус дикес.
Дагъиста иш мерличиб
Магадан къадарбиэс!

– Пенсия гъанна хІуни
Сецад саби кайсуси?

– Папуруслис саб къалли
Ил садакъя биуси.

Хъунуй чина бирхъулил,
АхІен ил чебаибси.
Язихъ сайгу ишбархІи
Иличи хъарикибси.

Ца дус нуни кІел вагон
Жершила дакІахъира,
Илдас дикибти арцли
Нуни кисми дицІира.

«Жигулира» асира,
ГІуррара гІеладухъун.
Илди хъунуйс дедира,
Дила аги гІяхІбухъун.

Хъунуйчи лехІахъили,
ГІур дус вякъя бегІунра,
ХІеркІли бахча арбухиб,
Тамай гушли калунра.

«Бизнес, бизнес» бикІули,
Лебил саб кабархили.
Сецад лебал калунти,
Дилаван кабц архъили?!

Чембалис арц сасили,
Абхъира нуни тукен.
Бялихъуна вирцули,
БикІулри набзи узен.

Ца бархІили тоннацад
Бялихъуни дицира.
Ца бархІила духІнарцун
Кисми арцли дицІира.

«Гъарбизур дила бизнес!» –
ХІекъли разивиубра.
Ит дуги муэрлизив
Алигарх ветаурра!

ГІергъила бархІи савли
Тукен абхъес лявкъулра,
Таврумар адамтани
Илав алавурцулра.

Даг дициб бялихъуни
ГеладяхІ садухилри!
МиѣдьяргІиб бялихъуни,
ДерхІибти урдухъири.

Даг дикибти лерил арц
ГеладяхІ чардарира.
Гур, тукейзи кайили,
Нуни биса барира.

Ну виргІякаргиб хасмуш
ДукаркІули варгира.
Дила ахъри биалри,
Ил няс нуни каршира.

Илгъуна саби гъанна
Дунъяра бетаурли.
Лямикахъес тІул гили,
БекІ саби чебудули!

Мискин адамра ахІен
Пачалихълис вигули:
ХІякимта, викахъили,
Сайгу илра угули.

Арц хІегили цулалра
АхІенгу кабилтІули.
ВебкІес булан гъанна ну
Сайрагу урухкІули.

Алжайзи аркул нуша
Чинар дагъардиубрал?!
Ца – пІягъи, итил – держлукъ
Багъи гъанна чинабал...

Шими дархъкадатурли,
Халкъ сабигу бубшули.
Ахират хІебиэсгу
Нушачи сабиули? –

ВикІули сай ХІясбуллагъ,
ХІекъели кІантІивакІили.
Ил сегъуна вирара,
Тамай сукъуриалли?

– Халати хІякимтани
Нура банкир варили,
Бара хІилхІи калунра
Туснакълизи калтули.

Дила уличи илда
Долларти кадихъили,
Марли, хІилхІи калунра
Магадайзи урхъули.

Илдазивад ца няслис
ХІилхІи суд барахъири,
ГехІел дусла мерличир
ХІябал дус дедахъири.

«Чедибдеш шуцІали дус
Биубли саби» или,
Судли ил хъули вархъиб,
Няс мурахасварили.

Дуркъа дабри дигІялра,
Дус сабигу лугули!
Миллиард дигІун няслис
ТанбихІ ахІен бирули!

Урехи чебиахъули,
Гурра калун илда наб:
– Нуша дилгІули хъалли,
Се аварал, бура, хІед?!

– Ягъари, дилгІеная
Дугили ва хІерили!
Ил хІушала уличи!
Ну паргъатли ватурли...

Илди гъаннара лебал
Гъалаб къяйда билгІули,
Мискин-пакъирти белтИи,
Чус кІялгІна саб лушули.

Гъари, юлдаш ХІясбуллагъ,
Ца ишгъуна бирехІе:
Илда дирул ГІямулти
Нушани далдурцехІе.

Житали цацахІели
ДурхІни бирар дугули,
Нушачилра сабигу
Тяп илгъуна бирули.

КъяйцІу хялисра лига
Биркули бирусигу.
ГъархІебизалра нуша
Паргъатли далтарагу.

Совет хІукумат илдас
Сабгу бегІла хІейгуси.
«Душман сабри, – дикІехІе, –
Илис нуша бегІ вайси. –

ГІурра имцІабирехІе:
«Къачагъри хІекъли кахси,
Висахъули, адамла
Лебилра кам ирхъуси.

Адамла канилабад
Беркунси дурайсуси!
ВиштІал-халал хІеили,
Халкъла хІили бужуси...»

Совет хІукумат вайси
ХІебиъни балукъира,
Хасмушуну лявбарес
БегІла вайти делкІунра.

КІел базцад дуцІдикІира
Документуни дучес,
Тяп илцадхІи дашира
Судлизир хІердарахъес.

Адвокатра ца гІяхІси
Нушачи къаршиикиб,
Судьячи гъуни баргес
Ункъли бажардикиб.

Северлизир держ агни
Судьянира марбариб.
Лерилра тяхІяр-къяйда
Пикриличил хІердариб.

Атомла нурли ХІясбул
Вяхъилира уилри,
ХІясбул сукъурварибти
Командирти буилри.

Гъайла къантІа, ХІясбуллис
Пенсия халабуиб.
Гъалаб кайсусиличиб
ВецІналия имцІабуиб!

Ца дусла гІергъи вякъи,
Маккализиб хІяж бариб.
Илавад чарухъунмад,
Папурусра лайбакІиб.

ХІякимтачи вашули,
Юрт барес мерра сасиб.
Держличира илини
Дус гъаларал тудяхъиб.

ГІергъиси замана ил
Камли къаршииркулри:
«ХІушазив виркъес дила
Пурсат агу!» – викІулри.


Чина викибал хапли
Ил таманни ветяхъиб.
Чилирил къалли набзи
«Дубуртазив ургар», – иб.

«Ухънара ваилгигу ит,
Вирусли варгиб ургар,
ЦархІилван бархъхІебалти
ХІясбулли къалли шагъар», –

БикІути чебаира.
ХъарикІули вамсурра,
Амма чина викибал
Нуни багъес хІейубра.

Сагаси Ванзаличи
Арякъи мага ургар.
ЦІуба синкбала гулби
Хили хІевхъесара чар?

• • • • •



Ильяс ИДЗИЕВ

ДАШИРАЯ

Даширая, дарганти,
Даршули хIердирехIе,
Цала лебси итиллис
БутIа-цугли буртIехIе.

Дашира, гьалмагъдешла
Гье зумали делгIехIе,
Гьуйчир инсап-хIяяла
ХIялалли хIердирехIе.

Ца кьияйзи викалли,
Лерил музадулхъехIе,
Хумарти пикрузазив
Цалра инсан хIелтехIе.

ГIямру гьархIейзуртаци
Диги имцабирехIе,

ЧеббалкIи кьардбухъунтас
ХьуцIари убирхъехIе.

СяхIбатличир жагьтала
Разили датдулхъехIе,
Някьби чIумадарили,
Авид гьарзабирехIе.

ВацIурбира далтехIе
БуцIази кьайцIдирахъес,
Жагьгазира бурехIе
Хьулиб хинкIа букахъес.

ДикIули цализи ца:
«Дерхъаб хьу, дерхъаб ГIямру!»
Цаличи ца дашули
ДуркIехIе ГIямру шадли.

ДАГЪИСТАН

*Дагъиста автономиялис
100 дус дикнилис*

Дагъистан, дила ВатIан
ИштяхIли бирар уркIи
Вашес дуравад хIечи.
КарцIирус ца бархIилис
ХIечивад арукьясли,
ХIела дубурлантала
ХIебакьясли тIамала,

ЧарулхъухIели хIечи
Ну дуклумачив вирус,
Дубуртала бургачи
БегI гьалавван хIерикIус.
ГIяшиубхIели чучи
Вава-къар саламдикIар,
УркIила цугдайлизир

Бахъ бизили Темдиклар.
Закра гур хелагъуна
Чехлебаира нуни,
Чердикили цацали,
Бегли саб зубартани,
Хуркби чархлизир хела
Сари хила тумиван,
Хупбиклахъули ванза
Бекли гинизличив нуван.
Хела дубурлантира
Чумати дебшла саби,
Яхли-ламусли бицибти
Багъадур уршби саби.
Ца някъла шелра тулван
Гъаман уржибти саби,
Гягниникибси мерла
Икъайчил хъярхъти саби.
Чумдехли мез лер диалра
Гъалмагъдеш марти сари,
Чи гяхладли ваклабра,
Унзурби гъаргти сари.
Дигахъу дубурлантас
Дубурла гядатуни,
Умули биху чули
Чула гямрула гъуни.
Хянчи диру кыматлис
«Агъ, баркалла!» – бикесли,
Багъадуртала ургаб
Чула у гъанбуршесли.
Гъаршра мурхъли кайули,
Гъайбиру ургубара,
«Дерхъили даклаб!» или,
Гъе делгъа ризкъилара,
Азгъиндеш чехлейахъу
Бируси хянчилилизир.
Багъуди чебиахъу
Гилмула умцлабазиб.
Дерхъили сари чузир
Узидеш-гъалмагъдешра,
Гягниникибси мерлар
Чумати гъабзадешра.
Чинаб биалра саби
Ватан чули хъумхертю.

Ахъбурцу саби ахъли
«Дагъистан» ибси ули.
Къугъати гъайла устни
Бири хела шягирти,
Дунъяла гяламлиз
Ху лебни багъахъурти.
Бируси хянчилизиб
Гъалабяхли арбьякунти,
Хела гъабзадеш дагъес
Баклиб чумра гъармука,
Гурра чум бакаллира
Гъундури дирар дугла.
Хезир лер гъалмагъдешлис
Абхъибти унзурбира,
Вайнукъабас геклибти
Чумати дазурбира.
Хела у балги саби
Кавказла дубуртазиб,
Берхила нурван саби
Хела дубурлантазиб.
Шягирта назмуртазиб
Чуйнара гъанбушири,
Дубурла далайчиба
Далуйтазиб бучулри,
Унрубас дяхли шаласи,
Гъалмагъдешлизиб марси,
Къаркъала бутлагъунти
Гяхлигъубзни абикъурси.
Ху сабри шандангъуна,
Ватан багъадуртала,
Хуван дурхъаси саби
Багъа дубурлантала,
Яхлибиру хянчилизиб,
Къасбиру хуланазиб,
Шалабиклар шалдаван
Чула баркъудилизиб:
Баалра саби чуйна
Верхидехли урхънала гела,
Чарбулхъан карцибубли
Гъарзаси хела хъули.
Берхъаби ху, Дагъистан,
Хелебла анхъван бухъули!

СЕН ДИСУТИ ШИМАЛА РУХІ?

Баллада

Дубурти – ургар шими
Заманали дуунти,
Хъумкартур чула уми
ДурхІна халабаибти.
Цала бурха агара,
Цала хъулчи агара,
Гъункъя хъураварили,
ХинкІ бируси агара.
«Сукъурли» сари улкъай,
Шишнала пяхІдиубти,
ДучІули сари унза
ДягІли гъарг-къяпІдирути.
БиштІати – халатала
Бикъули ахІен гъайла,
Цунбухъи саби сири,
Агарли нешла лайла.
АтхІеблизир чатІнира
АхІен хъурадирули,
Хъисхъали буцибхІели,
БегІти агарси хъали.
Алав музурби сари
Маза-масличи хІерли,
Шимала рухІ гъаннара
Дубуртазир къунздикІар,
Чарбулхъан или шанти
ГІяхІдешличи хъулдикІар.
Хъалтали дерхъиб хъуми
Харабли хІердикІули,
Хъубзури гъанбуршули,

Сари зигардикІули.
Ши-алав дубуртира
Карціили кІантІдикІули,
Ца ишбархІи ца жагІял
Чарбулхъан или хІерли.
У леб бурули халкъели,
Ши агу чебиули,
Гъундурира дерхъили
Сари хъалтали къарли,
Чинаб хІербираллира,
УркІби шимазир дири,
Зугъати пикрумачил
Мер-мусара къяйцідири.
Ванзара хІерли саби
Хъубзарла дуразличи,
Гъар дус сабухъ бурчуги
Баракатла някъбачи.
Сагурбира хъулдикІар
Мазала дурзамтачи,
Дубуртикад арцурси
ШяллитІла макъамличи.
Шила шантала тІама
Гъанарули гъанкІлизиб,
Гъаннара шимала рухІ
КъунздикІар дубуртазир.
Аркъян дусми цацали,
Дунъяра барскабирар,
Даршдусмазиб бикъули
Ил тІама камхІебирар.



**Патимат
ГІЯЛЛАЕВА**



ДИГАЙ

**Д-и-г-а-й, шел хІярпцун ахІен
Дигуливан айхъути,
ДягІли ардухахъесван
Багъаналис дурути.**

**Яра ахІи, ца сарив
УркІби дебшладирути,
ГІямузгани шанданван
Жагъти чІумабирути.**

**Дигай хІехарла гъаю
Ца хабарлис дурути,**

**Сунезир агаркъира
Лер или садирхъути?**

**Яра дигай буряму
Дунъя чебсаргъахъуси?
ХІебла вавнала халав
Дай уркІилаб алкуси?**

**Суалти лер...жавабти
Гъарилли луга чула.
Д-и-г-а-й шел хІярпцун сарив,
Яра кІел уркІила ца..?**

ДИГАЙЛА ХІЯБАЛ ГЪАЙ

**Дигайла гъай дурес ралризурхІели,
Вари, дила ахІер, кІапІсаруцаба,
МялхІямти хІулбачил хІерванвизурли,
Чихъ зубрази дила уркІи баахъа.**

**ХІези дила уркІи гъаргбирухІели,
Вари, ахІер, хІуни ну гІеррурцаба,
Бурул гъайла мягІни рухІли иргъули,
Ца тимхъли кІел уркІи дузесаа.**

**КІарцІайли дицІибти хІулбала хІерлис
ХІелара малхІямдеш набзи гъаргдара,
Алжанала анхъкад кІелра къунздикІес,
Буцану дила някъ, ваши, гъайбара.**

ВАВНАЛА ХАЛА

Жанайла вавнала жагал халаван
Шантазив жагаси, дила дубурлан,
ЧерикІла гъайличил хІези дурути
УркІила хІялани дила мадылчад.

Авдаркъла мукъарван, дила дурхъаси,
ХІези хІедурибти чизи дуриша?
Шаласи дунъяла хІялал пикруми,
ХІези хІедурили дигІяндаришав?

Гъайбат дунъя хІуни къакъабарири,
Михърлаб уркІилис мер къацІбуцири,
Дила шараб хІулбар, хІела шалали
Шаладеш дихулири гІянручІла савли.

ПАШМАНМАЙРАБА

Мар дигайлис даим далайрикІули,
ХІечил дархти бурхІни лугІхІелугІули,
Алжанала анхълар бул-бул чатІаван
РучІулрану, гъалмагъ, пашманмарираба.

Маккала мижитлаб дурхъл балгаван,
Айхъули хІела у гъарил гъигъличил,
Муръил ваваличиб дурхІя мирхъиван
Лукъулрану, гъалмагъ, пашманмарираба.

ХІу багъандан агъу дурхъл дарманван
Ца хупІлира бужис шакІерикили,
Дила дурхълати жан хІед пешкешлину,
Дила дигул гъалмагъ, пашманмарираба,

ГЪАБЗАДЕШ

Гъабзадеш дицес балул
Базриганван гапикІар
Сунечив халал гъабза
Агу или жаликІар.
Адамти кабилзуйхІив
Дадизурли къумилзан
Ятимти-хъунри ургав
Михърлизи къутІикІар,

Жавабкардеш дихуйхІив
ДугІла хяван гъямикІар,
Нура гъабзара или,
БиштІатачи чеулхъан.
КІел адам кабилзуйхІив
Хъуна къакъ гІелав вирар
Ихди "набчила бугъар.
Ну верцахъаба икІар"

Гъабзала гѣрдарили
Хъяшначил мушул вашар,
Агъи или чІяр или ,
Шантази вьвдеш диру.

Вайна гъабза акІичиб,
Ши гъятІбиъни гъалабри,
Хъунча вашул дякъличир
Занзби дакІни гъалабри.

ПАНАСИ ДУНЪЯ

Дунъяра, ахирра, гъалак гІямрура,
Пай сархес хъябшдашул веџалра тІулра,
Дунъяла ахІердеш хІергъуси хІерра –
Панаси дунъяла лишанти диэс.

Чѣб дунъя ихъули чебла агарван,
Ахир шалабарес агарли къайгъи,
Пешкешлаван гІямру архули дуџли –
Панаси дунъяла лишанти диэс.

ГЪУЦІБИКІАР УРКІИИ

Ца нешли хІедарибкъи
Рузбиван наб ахІерти,
Разидешра вай-гІяхІра,
Ца уркІли буртІути.
ШаладикІаб бац-берхІи,
ХІушаб талихІ бихули,
Вавналидяхъяб гъунби
Игъбарра гъарбилзули.

Нушала къисматуни
Цали-ца чехІейалра,
УркІи даим гъуцІбикІар
ХІуша лерихІи раэс.
Датаба чархарали,
Къисматли гІердурцули,
Даршудешла заклиур
Лагъниван къумдикІули.



**Къади
ГІЯЛИСУЛТАНОВ**

БАГЪУДИЛА ГЪЕЛИ РЕЛГІУСИ

Очерк

Ахъушала район, сунезиб кІел миллатла халкъ уржили, цабалги хІербируси район саби. Ишар булугунала кІел шира лер, сарира даргантачил хІердирути.

Усишала ши районнизиб бегІлара халатазибад ца саби. Усишанти дебали гъабзадешчебти, ламусличил бурибти, багъудилашал дебали гъалабяхІ арбякъунти адамти саби. Илабад бахъал бурибти мугІяллимти, тухтурти ва гІяллимти дурабухъун. Социалист бузерила игит Хамис Казиева, урибси тухтур ГІябдуряхІман Казиев, пергер далайчиби Будайчиевхъала хъалибарг ва бахъал цархІилти.

Илдазирад ца сари нушаб сунечила бурес дигуси, Лавашала районна Дитуншимахъила школала директор, дарган мезла ва литературала мугІяллим Гъазиева Раисат МяхІяммадхІяжиевна. Ил акІубси сари 1975 ибил дуслизир Усишала шилизир. Раисатла бегІти гІядатла дубурланти саби, шантала ургаб халаси хІурмат сархибти. Раисатли Усишала урга даражала школара гІяхІти къматуначил таманаиб. Школализир ручІухІейчирад Раисат сунела зилантазирад гІяхІил ручІниличил декІаррулхъусири. ИмцІаливан илала диги дарган мезла ва литературала дурсрачи дири. Чедибдешличил таманаили школара, 1997 ибил дуслизир ил карурхули сари Дагъиста пачалихъла университетла Дагъиста филологияла факультетлизи. Ишарра ил халаси гъираличил ручІи ва университетла ГІямрулизир жигарла бутІакъяндеш дири. 2002 дуслизиб хІунтІена дипломличил таманаили университетра, илини сунела бузерила гъуни Лавашала районна Дитуншимахъила школализиб дарган мезла ва литературала мугІяллимли бехІбирхъули сари. Илкъяйда, Раисатли психологла курсанира таманаиб. Чумал дус Раисат МяхІяммадхІяжиевна директорла белчІудила шайчирси заместительли рузулира калун. 2011 ибил дусличирад илини директорла къулукъуни дузахъули сари. Раисат МяхІяммадхІяжиевнани учительла санигІят гІямрула бекІлибиубси мурадлизи халбирули сари. ДурхІначи дигили рицІибси ил ишбархІира бучІантазир нешла мезличи диги адилкъниличил декІаррулхъули сари. Багъуди кайсахънила ва гъаладихъибти мурадуни заманаличир тамандарес мурталра къайгъилизир рирар ил. Илала хІял-гІабиГІят дурхІнас бяркъ бедлугнилизир лергІер далдикибти сари. Директор сарлинра,

илини сунела бузери учительтала ва ученикунала сархибдешуназиб чебиу-ли сари. Раисат МяхІяммадхІяжиевна гьаман учительтала дурсрачи рашар, ва илдас методикалашалти насихІятуни дуру. ИмцІаливан илала хІерудилиуб бирар жагьил учительти. Раисатла икьайчибли дахьал дусмазиб хІянчи бариб-ти учительтала бузерила гьабкьяси опыт тІинтІбирни гІядатласили бетаурли саби. Сунела бузерилизиб декІар-декІарси гІилмуласи методикала литература пайдалабиру, санигІятлис багаладиэсти журналти, газетаби дучІа. БусагІятла замана Раисат МяхІяммадхІяжиевна чебяхІси категорияла учитель ва дирек-тор сари. Челябинкьлализир ил гІурра ункьли рузес кьайгьилизир сари.

– Раисат МяхІяммадхІяжиевна, хІу школализир рузути дусмала духІнар школала бузерилизир сегьунти сархибдешуни диуба? Учительла кьиянси са-нигІят чеббикІниличи пашманхІериубрив?

– Ну школализир 19 дус рузулра, илдазирад 10 дус директорли. Илди дус-мала бухІнаб, школа белчІудила шайчиб дебали гьалабяхІ арбьякун, гІяхІцад учительти декІар-декІарти конкурсуначиб чедибдеш сархес бажардибикиб. Наб мугІяллимла санигІят школализир ручІухІейчибад дигахьусири. Наб цалра бархІи гьанхІебиркур иш санигІят касниличи пашманриубси. БиштІа-тачил рузес дебали дигахьис.

– Нушани балуливан, хІуни декІар-декІарти конкурсуназир бутІакьяндеш дирулри, илдачила тІинтІли бурили дигахьира?

– Нуни «Дусла учитель» конкурслизир бутІакьяндеш дарира, иткьйдали районнизир детурхути конкурсуназирра бутІакьяндеш дирули рирус. 2021 ибил дуслизиб районнизиб дураберкІибси бегІлара «бурибси дарган мезла каби-нет» конкурслизиб нушани кІиибил мер буцира. Районна багьудила управле-нияла ва багьудила министерстволи дила бузери чихьли кьиматлабариб, гра-мотабачил чуйнара шабагьатларарира.

– Сегьуна сабив школализибси аги, леру даари учебникуни ва цархІилти белчІудила гІягІниахълуми.

Пачалихъла шайзибад школалис кумек леб, кабинетуни сагадирулра, сагати партабачил, доскабачил ва цархІилти гІягІниахълумачил гІердуцилра. Жузала аги буресцад ваятІа ахІен, 90 процентла жузи лер.

Раисат санигІят ункьли балуси учитель риьнила дурарад, ил пергер нешра сари.

– Раисат, хІела хьалибаргличила бурили дигахьира?

– Дила рурсира уршира леб. Рурси Дагьиста медицинала колледжла сту-дентка сари. ВиштІалгьуна урши Усишала школала 9-ибил классла ученик сай.

Раисатлис гьамадли ахІенси хІянчилилизир гІурра сархибдешлуни диубли ди-гулра.



УЧИТЕЛЬЛА ГІЯМЗИ



Патимат
МЯХІЯММАДОВА

ДАРГАН МЕЗ – ДИЛА ДАВЛА

Камти гІямруличирад нуша алавчарти мер-муса, тІабигІят руркъес дехІ-дирхъехІе. ГІаланачи иличи нушани тамашабирулра ва гІур, халадаибхІели, нуша дегІси мер баргес ила урдабяхъес къасличил дунъя руркъулра. Иличил дарх нушани нушала нешла мезра руркъулра. СенахІенну нешла мез нушаб алавчарси дунъя балахъуси хълчи сари. Бархъли буралли, сегъуна биалра ца анцІбукъ багъандан илис у бихъес чараагарси саби. Ил барес гъамадси ахІен. ВегІла пикри, цархІилтази аргъесли бурес чебси саби. Ил барес хІедирули гІергъи нуша пикридикІесцунра ахІенну, гъайдикІесра хІе-балутили урдулхълра.

Мезани сари-сарил дубкІути ахІен. Илди камли дузар, имцІали дузахъ-ути мезанала асарлиур. Мезани дубкІар, адамтала баркъуди хІясиблира: адам бахъли дузахъути мезли гъайикІули, сунела мез ца шайчир даталли.

Школабазиб бучІути дурхІни кІидехІ ва имцІати мезли гъайбикІахъес бурсибирули саби, гІур биалли багъла-багълали нешла мез хълмкартурли урдулхълли сари.

ДурхІни мезличи бурсибирухІели, бахъли дузахъути мезличи имцІали пикри бяхІчиинули саби. илди мезли дурхІнала челябкъла гІяхІбирахъу, гІяхІти хІянчурби диркахъу или гъанбиркули саби. Амма илдала челябкъла гапла бетхІерар, сенахІенну илини хала бегІтала мез ва гІядатунни хълмкар-ту. Мез хълмартурти дурхІни бегІтала мез дузахълтала мякълаб тІягІяма-гарси хІяйчиб бирар.

Лебилра бегІти чула дурхІнази нешла мезли гъайбикІалли, чеалкІути на-слубачи гІяхІлашал асар биру. Нешла мез далуси дурхІя бегІтазивад, хала бегІтазивад, тухум-къяшлизивад къябхІевдар. Масала, нушала хъллибарг: хала нешхълли, хала дудешхълли умули дарган мезли гъайбикІар. Хала неш

чекаризурли рирар нуша литературный мезли гъайдикIахъес. Илини нуша-зи мурталра буриси бурала гъанбиркур: «Нешла мез далуси уркурличив вирар, мез хIедалуси – хьурали вашар». Дила пикри хIясибли, хала нешли мез далуси адамла хIурмат сегъуна сабил аргъахъес бурули рурги. Ну къабултира илини бурисиличи. Нешла мезличи диги акIахъес бирар бегIтани. Ишаб даргантала гъалаб мягIничебси масъала тIашли саби. – пикрума бархибдеш гъарбирни. Дарган мез хъайгIир ахIира, цархIил мерларра гIягIинити диъни дурхIнази аргъахъес.

Гъарил адамлис мез гъайикIес, се-биалра бурес, иргъахъесцун ахIенну хIяжатти, илди бурес агарли халаси давлара сари.

Дарган мез дебали давлачерти ахIен, амма кагибти сари. Илди мезли делкIунти адамтала уркIбазир калести дахъал произведениеби лер Батирайла, ГIяхIмадхан Абу-Бакарла, Рашид Рашидовла, Гъазим-Бег БяхIяндовла ва бахъал цархIилтала. ПIергъиси замана поэтунанира имцIали пикри бяхIчиаили саби дарган мез мяхIкамдирниличи.


БучIантази поэтуначила презентацияби дирахъули ва цархIилти классла дурарти хIянчили мез мяхIкамдарес ва литературный мез дагъахъес кумекбири или гъанбиркули саби наб.

Мезла культурали чебиахъу – лерилра мез жагати диъни, сенахIенну илдани адамтала гIядатуни, баркъудлума гъаргдирули сари.

Мезли адамтала урgab бархбас бузахъу.

Дахъал гъарацIдарибти дугъби чедаэс вирар газетабазир, журналтазир, жузазир. Илди дузахъули, дикъули дирар ахъти утначибти руководительтазирадра. Ил секIал селизилра хIебарили убкавлахъула. Мезли жамигIятла бухIнаб сегъуна мер бурцусил пикридулхъули ахIенра.

Культурала чехъдешличи, лукIнила ва бучIнила гъайличи чекайзалли, мезлис сегъунти гIяхIдешуни дирарал гъариллис ашкарли биэс гIягIинили саби. Илбагъандан нуша нешла мез – даргала мез умутили, уржибтили диахъес хIяжатбиркур. Нушала челябкъла нушала мезличил бархбаси биэс гIягIиниси саби. Иличила хъумхIертехIе.





Хадижат
ГЯМАРОВА

ЛЕРИЛРА ГЯМРУ – БАГЪУДЛУМАС

Бахъал дарганти хIербируси Каспийск шагъарлизиб гIяштантира леб. Шагъарланти бетаурли биалра, илдани минала гIядатунни дузахъу. Илди сирхIяла макъамтачил далайбикIар, гIяштан делхъли булхъан, къияндикиб-силис кумекличичи музабулхъан.

Дагъиста халкъла поэт Сулайбан Рабадановли ца назмулизиб ишкъийда буриб:

**Жагабирулри, дунъя,
Цали хIу далайличил,
Цали халкъ уржахъуси
Байрахъла дарайличил.**

**Цали гъаргбиру мягIдан
Мургъилара рухIлара,
ЦархIилли дянгси майдан
БелгIа – бухъаргу илра...**

Дянг майдунтицунра ахIи, баракатла хъумира булан пайтдухъи диалра, Дахадаевла районнизиб багъудлумала гъели белгIес бумсхIебумсути мугIял-лимти гъаннара лебал. Илдала лугIилизивад сайси вахъхIила учительличила саби иш белкI.

ГIямрулизиб бегI гъалаб чебиути шагъарлан дурхIначи гъамиубли, гъести гIямрула адам, тянишра хIейубли, хIисабтази ахъиб. Гъамадли хIисабти арзибти 10-14 дусла дурхIнас къимат» кабатур. Илди гапбариб.

Гъайгъайра, валхIелуси адамли саби гапбарни, гIурра ункъли бучIахъес, нешлис кумекбирахъес насихIятуни дурни дурхIнас гIяхIбизур. Чус гIякълу бурибси виалли дурхIнас бяркъ бедлугнилис гIямру багъишладарибси ХIя-биб Рабаданович сайри.

Дубургала пахрули сайси ГIяхIмадхан Къараевла, сутбукIан Къиримхан Маллаевла, хъярбукан Камал МяхIяммадовла умачил ца къяйлизиб ХIябиб Рабадановла ура тарихлизиб кавлан.

Сай акЉбси Гяштила шилизиб верхЈел дусла школа таманаибси ХЈябиб имтихЈанти агарли Буйнакъскла педучилищелизи керхур. «Шула» кыматуначил учЉси ва жигарла бутЉакъяндеш дируси ил учЉули левай Сергокъалализиб абхъибси педучилищелизи шурухъун. Дубурла шимазиб учительти хЈебиъни багъандан, сунела шилизи учительли узахъес вархъиб. Илала бузерила книжкализиб цаибил белкІ 1941 ибил дусла январьла І-личив бехЉбирхъудла классунала учительла хЈянчиличи ил къабулварниличибад бехЉбирхъули саби.

– ИтхЈели нушани савли – хъунул адамти, хЈерели – дурхЈни, бархЈехъ мурул – адамти бучЉахъутири, – буриб чебяхЈси категорияла учительли.

Литературала мезла дудеш Сагид Гябдуллаевла къулбасличилси педучилище таманбарнила хЈекълизибси дипломлизиб «5» ахЈенси, цархЈил кымат агара. Илдигъунти кыматуначил ХЈябиб Рабадановли заочно ДГПИ-ла физико-математический факультета белчЉун. ИтхЈейчирад илини, гЈядатла учительличивад вехЈихъили, школала завучла, директорла, районола заведующийла хЈянчиличи бикайчи къуллукъла гъуни ахъиб.

ДАССР-ла, РСФСР-ла урибси учительла хЈурматла у бихуси ХЈябиб Рабаданович Дагъиста учительтала 5-6 ибти съездунала делегат, дурхЈни руркънила черкадти педчтениебала бутЉакъянчи сайри. Учителътала устадеш ахъдурцуси институтла хъарбаркъ хЈясибли, мурталра докладуначил гъайулхъи. Шила ва районна Советунала депутаттира калун.

1972 ибил дуслизиб СССР -50 дус биънила хЈурматлис шабагъатладарибти Дагъиста 4 школализибад цали сабси Дахадаевла районна Гяштила школа КПСС-ла обкомла, ДАССР-ла Верховный Советла, Министртала Советла ва Дагъоблсовпрофла ХЈурматла Грамоталичи лайикъбикибсири.

Унраличирти Къункъила ва ХудуцЉла шимала дурхЈнастра ХЈябиб Рабадановичла у мурталра ахЈерсили кавлан. Сунела ученик Гъарун Къурбанов министр ветаънилизиб, сунела пай лебниличи ил пахрули вицѳили виар.

Дудешла дякъкад арбьякъун илала дурхЈнанира Дагъиста пачалихъла университетлизир чебяхЈси даражала багъудлуми касиб. ГЈиса – математик, Муса – физик бетаур. Аминат филолог сари. Гябдуллани дурала улкнала мезанала факультет чеббикІиб. ВиштІалгъуна МяхЈяммад электрик сай. Избербашла педучилищелизив узуси Гябдуллара чугурличир, къумузличир агурби дирхъес пергер уста сай.

Гъести гЈямуруличив виалра, дурхЈначи, санигЈятличи дигили вицѳибси учитель ХЈябиб Рабадановичлис акъули уэс хЈейгахъу. ДурхЈнира бучЉахъули, сайра учЈес къайгъилизив виар. Ил бусагЈятра компьютер бяркъес гъазализив сай. «Мицѳирли левалцадхЈи, инсан гъалавахЈІ вашес гЈягЈниси сай, – викЈар ил, – хаслира ишхЈелла гъалабахЈІ арбьякъунси замана».

Пергъити дусмазив цунти гЈямурула декЈси мах яхЈличил бихуси ХЈябиб Рабаданович гъалаб хабардехурси Гяштила «Правда» колхоз агарбиъниличи, мирхъила шаливан белшунси ши бацЈкабулхъниличи къакъаикЈули виар.

...Гядатла учитель савли чевиргъур. Айзурли, ши-алавти дубуртачи хЈерилзан. Абадла абад инсайчи бушинси тЈабигЈят чедибирхъу. ГЈямурула ганз даимбарахъес ахъри лугуси Къудратла вегЈлис улгули, мурталраван ца гъуникад ватирхъур – хЈисабла гЈилму руркъути сунела ученикуни разибарес.

Къиянси бузерила маргъличив багъудлумани велЈес умсхЈемсуси, гЈямурула гЈебшнилизив виалра, бузахъуси санигЈятличи иштяхЈІ-гъира камхЈедируси гъарли-марси учитель ХЈябиб Рабадановла у мурхъти багъудлумачилти учительтала сияхЈлизи мургъила хатІли белкІи саби.

Аматуллагъ
ИСМЯГИЛОВА

**РАСУЛ БЯХІЯММАДОВЛА «КЪЯББУРДИБСИГЪУНА» ва
«ЛАСБУЛХЪ» ПОВЕСТУНАЛА ХАСДЕШУНИ**

*Нешла мезлизиб гъар дев давлала гІиниз саби,
ГІиниз умули бихІес нушачиб чебси саби*

Рашид РАШИДОВ

Расул БяхІяммадовлис чекайзурли ва вамсІемсурли узнила гІяхІдешли даргала литературализиб сай веГІси, сунечи хасси мер буцес имканбакІиб. Илини даргала литературализи кабихъибси пай сунела устадешла яра пагъмула даражаличиблицун ахІен белгибируси или гъанбиркур. Гъаннала даргала литературализиб буцибси мерличи ил – писатель, поэт, фольклорист ва педагог – вакІнилизиб белгиси къадри леб сунела лерилра гІямруласи мурадли бетарурси халкъла мухІлила творчестволичилси бархбасла. Дахъал сарри БяхІяммадовли студентхІели ва школализив дурхІначил узухІели дучибти халкъла далуйти, хабурти, айтуби, буралаби ва багъираби, чулира адам рухІлашал давлачевироти, гІямрулизиб бархъси гъуни чеббикІахъес бурсивироти, ВаГІайчи ва адамтачи диги алКІахъути. Р. БяхІяммадовла уличил дархдаси сари шила, школала, дубурлантала гІямру устадешличил сипатдирути дахъал произведениеби. Илдигъунтазибад ца саби илала дилогия, сунезира «Къяббердибси гъуни» ва «Ласбулхъ» повестуни кадерхурси, гъарахъли ахІенти нушала гІямрула анЦІубкъуни ташмишдеш агарли, саркъибдешличил сипатдарибти.

Нушани хъумартес асухІебирар, нушала наслуби нешла мезла давлачердешли ва чІумадешли дилгъули диъни. Расул Мусаевичла ил произведение-ра гъарли-марси дарган мезла культураличиб белши саби. Авторли сунела произведениелизир каргъурти даргала литературный мезла, хаслира халкъла мухІлила гъайла чедетаибти ислаби пайдаладирули сай. ХІерая гъари, секъяйда саркъили зайдикІулил, илдани чеалКІуси наслулис сегъуна манпаГІятлати насихІятуни лугулил: «мегъ хІунтІенбиубхІели къутІхІебаралли, бяргІибхІели иличи бяхъли асархІебиру», «буЦІазивад урухКІуси ваЦІализи вашуси ахІен», «изала якъинхІебарили, дарман дарес хІейрар», «гъагулта берхІи бишахъес хІедирар». «БахъхІи аргъ акили гІергъира, илала нурани пулукІдирути ахІен», «чармализир гІярхъуби диалли, ил биЦІахъес хІейрар, сецад ила картІули хъалли», «сяГІятла цалра чарлизиб балагардеш биалли, ил бузес бирару?!» Илди ва цархІилти дебали гъардизурти буралабани, мез жагадарилицун ахІенну, ишар сипатдирути хІякъикъатла анЦІубкъунас ва образунас чебетаибдеш, мяГІничебдеш ва гІячихъдеш имЦІадирули сари. Даргала халкъла буралаби чула мерличир пайдаладирнили бухІнабуцла бугадеш имЦІабирули саби: «веГІла

хура хЕвцалли, урхІлай валта», «ярагъ сунела берцудилисцун пайдаладируси солдатра солдат ахІен», «гъарил къяйк лишайзи хІейгалли, ярагъ лайдакІес гІягІнилив гъатІи?»

Ил сабабли ишав имЦаливан писательла творчествола ца хасдешличила – халкъла мухІлила пагъмуличилси илала бархбасличила – гъайикІни лайикъли саби или гъанбиркур. «Шантачил барх къацІ букуси гушируси ахІен», «ХатІа гъархІебарни – ил сагадан барес дигни саби», «Къя ниъ лезмилизир дирар», «Ца кисалабад касили, итиллихІи кабирхъули хъалли, селра имЦахІебирар», «Бялихъ бекІличибад бехІбихъили заябирар», «БерхІила нур пулукІдирути ахІен», «Цакъла вегІлис закон лебси ахІен» – ишди ва ц. произведениела букІрани, халкъла буралаби къяйда зайдикІули, сипатдирути гІямрула лишанти гъаргдарахъес кумекбирули саби.

ЧеряхІти гъабзадешличил убяхІти адамтачи къаршили дураулхъахъули сай илини бекІ герой Мурад, совхозла парткомла секретарь. Илала уркІила хІялани ва пикруми дархъли аргъахъес авторли пайдаладирути нушала искусствола сархибдешунала хазнализиради гІягІниахълуми, халкъла мухІлила гъайла произведениебазиб лугІянбарисси къалиплизи духІнадурцахъули сай.

Газим-Бег БяхІяндов викІуливан, «гІяхІдеш ахІенси, зарал адамлис хІебарисси, дяхІла хІебуреси дев гІелабад хІебуреси». Илала илала повестунала игит Мурадлис, гъабзалис къяйда дахълал вайтира гІяхІтира чедаэс чебуркъиб.

ВагІа ва халкъла къисматуни багъанданти жавабардеш дихни гІячихъли саби бекІ геройла пикрумазибад ва баркъудлумазибад. Ил адамти-ургаб хасси мер сархес къаслизив ахІен. Сунени ит яра иш баркъуди чебаахъес багъандан ахІенну бируси, цархІилван хІебарес хІейрухІели саби. Илбагъандан ил валути иличи яра Зулпукъарван гъимили бирцІули саби (сунес бигуси тяхІярли къалпли узахъес ва вилгІяхъес Мурад диргалаулхъни багъандан: «бекІличиб къапаван, наб къарауйчив камхІейрулрину, биштІаси алапаличи хъарли ну кайахъили» – гъимиличил пикриикІули сай иличила Зулпукъар) яра Къурбанван дигили чяхІибикІули саби. ГІядатла адамтачил чичил ил къаршиикалра, иличила чІянкІли гІяхІси пикрицун саби алкъахъуси. ХІера сегъуна жаваб лугулил колхозла букІунани чучи тиладиличил вякъунси Мурадлис: «Кумекбара или тиладиличил адам ваКІибхІели, мурад хІебарили ил гІела чарвируси дубурлантала гІядат лебси ахІен. ХІу, дила узи, гъаваличи гъай лайдикІусигъуна ахІенри, – иб ХІясай, гъалмагъуначи хІеризурли. – ХІечи дирхулра. Къиянни биалра сабурбирехІе».

Произведениелизир дубурлантала гІямруличил дархдасунти дахълал мешубуцуни къаршидиркули сари. Илдани произведениела мез жагадирули сари, бутІакъянчибала образ гъаргбарес, гІячихъбарес, мурхъбарес ва хъумхІертесили бетаахъес кумекбирули саби. Хаслира бекІ геройла: «тІулбазиб ручка вяшхІебулхъулри, хъучиб азгъин унцван», «Зулпукъарличила пикруми дяхІцІиван черхІедиркулри», «урхамтиван илала бекІлизир пикруми ласдикІулри», «илала цадехІ пикруми бекІлизир шалахъдикІулри, цадехІ биалли, цІябси дуги хІедалути дукъбачив гъункъяван, чердулкІулри», «дирихъ чебихъунси аргълизив тьянишли ахІенти дукъбачив гъункъяван сайри Мурад, даим илди цадехІ пикрумира дашули, сунени селра барсдешра барес хІейрули»...

ГІямруличил варх ганзикІуси, сайгъунтала ургав узуси ва хІерируси, гІямру далнила ва сунела пагъмула кумекличил далхІейкибти хІякъикъятла шалуби далтІуси писательла уркІилизир гъимира дигира дарх дургъули сари. Илгъуна сай илала дилогияла бекІ геройра – сунела къиянти гІямруличи хІерхІеи-

ли, адаблалашал кагибти ва гІяхІдеш баресцун дяхІчиабти бухъя-зегъала адам. Илала чІумадешра, уркІила сахаватдешра, баркъудлумала амъурдешра, гъайла бархъдешра пикрилизи касалли, Мурад гІяхІгъабза адам сай викІес вирар. «Ишала лебси вайси секІал ца саби – къалпдеш хІедарахъес хІушагъунтази дяхІ-дахІли гъайикІни», – викІули сай иличила районна коммунистунала бюроличив ХІялим.

«Тудяхъя заманала гъархІебизуначи, урухмакІуд гІямрула къячІикІунази-вад... – сунес сунени маслигІятбирули сай илини. – Къалпдеш пужхІедируси хІура къалпчи ветарули ахІенрив гъатИи!?»

Илала уличил дархдаси сари нушала гІямрулизир къаршидиркути нукъсандешуни дархъли ва урух-урузхІейубли авторли гъаргдирнира. Леркехе ишдигъунти мисалти: «заводла хІянчизарлизи хІуни ниъла гІявадеш камси лябкъяхъулри ибхІели, урехи ва урези агарли, илини набзи (произведениела бекІ игит Мурадлизи) иб: «Илцад хІуша чекадилзес, нура укусира, нуни балхутира леб». «ХІушачи хъарси заманаличиб лугена, нушачира хІерти лебти сабину», – дакІу-гъаргли бури райкомла цаибил секретаръла хабчабли рушбат гес хІяжатази... Амма ца ишгъуна секІал пикрибара гъари: халати хІякимтас пачалихъли кункси машинара бедили саби, ил бикахъес – шоффера. БегІлара гІяхІти мер-мусаличир илдала дачабира лер. Гъар хъулбухъунхІели, черикІла санаторийтазира бамсриихъути юртаназира башули саби. Мурги-арцла гІалхІянализибад ахІи беркала букули ахІен. Саби-бегІти яра хІукумагла бегІлара гІяхІти юртаназиб хІерра бирули саби. Илди лерилра лигІматуни нушагъунти ялчнала някъбани сархибти сари, саби яра чула дурхІни бузули сархибти ахІенну. Илдала дурхІнира гІявати мераначиб саби бузути, нушаван стройкабазиб ахІенну. Илдас илгъуна къисмат чили бедибси?! Аллагълив?! Юх, парткомла секретаръ, илдигъунтала къисмат халкъли вецІну верхІрализиб арзиб. Илди хІеруди агарси хъубзарла бацунси хъучир дакІибти арзи-къар сари. ...ЖамигІятла лебилра бурт букути илдани изала-зугІяйзи викибси нушагъунтазибад рушбатра сайсулигу!» «Лебилра илди ца галгала къялуби саби. Диргалабулхъуси къяли чеббирхъули, дигугІеб бухъули саби», – ахирлизиб Мурадли, хІякимти такъсирлахІебирнила сабаб якъинбирули сай.

Произведениела иш бутІализирад чидилти дугъби урдахъес вирара?! Пикриухъалли, гъаннара илкъйида ахІенара?! Сай авторлира ил секІал марбирули, сай: «Гъанна-деклар имцІякъ барсебиубси се леба: цабехІ абзли саби чила миллиардуни дахъал сарил, цархІилтани къуршми дуйгІули саби, баз бикайчи илди даэсара-хІедаэсара или.

Марлира, цІакъагартас дургар законтни делкІунтира. Пикрилра хІевхъи бедибси хІякимла ца буйрухълицад зарал баралри цапра ялчили, ил туснакълав убкІахъи.

«Чула вайдешличи, балагардешличи нушани пикри бяхІчихІейути хІябилра нукъсандешуни дургар адамтала гІямрулизир! Илдала нукъсандеш сецад жявли аргъес диахІелра, сецад жявли илдала мерличи сагати тяхІяр-къяйида кайзахъахІелра, илцад жявли, къалабали гІямрура гъаладяхІ дашар, – пикриикІули сай бекІ герой. – Нуша-деклар мурталра зягІипли сен дуутира!»

«Иш-деклар тахличи дудешли катурсив? Нугъуна коммунист ахІену!? Ишизи-деклар бархъдеш бурес асухІебирусив! БалкІдеш гІеббуцахъес илис-деклар чили ихтияр бедибси...!» – пикриикІули сай Мурад, райкомла цаибил секретаръла гъайличи лехІихъули. Сунела гъайли асархІебарибси Мурадли обкомлизи гІярза лукІули сай.

Сагали катурси хІянчизар Мурадла азадли гъайикІни, илхІелира сай, райкомла цаибил секретарьличи дяхІци иргъни Мирзахан Увайсовичлис гІяхІхІебизур. Сунела далхІейкибти шикъатІала ахтардидарес, Мурадла гІярза хІясибли обкомлизибад комиссия бакІайчи, ил хІядурикІули сай, сунечи чизилра гІяйибхІебарахъили, Мурадлизи «сунела мер чебаахъес» – «урхІла някъбази гантари буцахъес ва бишахъес». «Заб дирни багъалли, гъункъяни варгъи кайсу. ХІебикъурси гІинц галгалачибад абердили хъалли, цулби къярждиру. Обкомлизибад лябкъян, ахтардибиру... БуцІархІели дяхІцилиу кайибси пашманхІейрар», – пикриикІули сай ил, сунела вархкъя Саламбегла кумекличил бюроличиб Мурадличи къаршили гъайбухъести хІядурбирули. – БалкІа тІярхъилизи – балкІа тІерхъа. Вати, валиркахъехІе. Уэс хІебалуси уахъехІе».

ГІямру ва ГІямулти далуси Саламбекли ил бюроличив Зулпукъар секъяйда гъайухъес гІягІнисил гІеббурули сай. Тяп илкъяйда ил гъайра ухъун.

«Дахъал дагънира гІяхІси ахІен, – Саламбекли гъузгъалдивиубли хъарикІуси Зулпикъар рахІятиахъуб, – хІуни къалли школализиб белчІунсири: дахъал далуси Чацкий мехІурлизи халариб.

Авторли ишаб ца гъатІи мезла гІягІниахъала – дигІянати дукелци пайдаладирули сай: «Сецад или биалра, партияла райкомличи илгъуна бугътан чебирхъни бархъси ахІенри, сенкІун чебетаибси хІукму хІебаралри яра протокол къанбиалри, телефоннизибад бусягІят гІяйиббирулри, чеббелкІахъес протокол гІелабахІ чарбирулри. Юх, юх, ил шайчир сецад-дигара чІумадеш ва тІалабкардеш лерри, чула аги хІебалути ити-иши бикІули хъалли. Гъари, заманаличиб гІягІниси мерличи протокол мабиахъид!.. ЦІали игуси батурлира, планнизирти собраниебира заманаличир дурадкеркІа, протоколтира чула мерличи даахъа.

Ахтардиличи чи вакІаллира, хІела къуйрукъ къакъличиб саби. Чебаахъес кагъар агарав – хІуни барибси селра агара, узес хІебалуси азгъин сайри».

Произведениели дахъал мурхъти философиялати пикруми духІнадуцили сари. Масала: «Мурадли гъанна гІячихъли чебиулри илди кІел журала адамти. Цаибил журала адамти сецад гІяхІси хІянчиличиб биалра, чули саби къисмат гъарбизуртази халбирули биалра, челябкъла агартили, заманали тасдикъхІебирутази халбирулри. Сунечи чебихъибси бугътай сецад уркІи игалра, яхІ-ламус умули диънили чисалра ялавкардеш хІедарнили Мурадлис сегъуна сабил цІакъ лугулри, баягъи цаибил журала адамтиван ахІи, сай имцІали игъбарла вегІлизи халирулри».

Бузери, бекІахъудила хъулчицун ахІенну, рухІла хъулчира саби. «Бузерилизиб декІархІебухъи, шин дашуйхІибяхІ башути сяйти хІянчизарти къуллукъла ганзухъличибад къалабали абицІулри, орденти-медальтани михъирти диршулри». «Илди бегІти ва дурхІни ВатІан багъандан я дергълизиб алхи ахІен, я авлахъличиб бузули майъа картІили ахІен. Бузери агарли, тухъси мерличиб хІербирули саби. Сен гъатІи илди цаибил журалайзи халбирути? Халкъла гъарли-марси пачалихъличи балбикилив гъатІи ил аги? Мурт лябкъуси ил балагардешлис ахир?»

КІибибил журала адамти биалли, сегъуна-дигара анцІбукълизиб яхІ-ламус умути, чула бетуц бихІути, хІянчилизиб хІялалти адамти сабри.

«Бузерила зегъа кабизахъес пикридарибти далдуцун зараллизи халдирути ахІенну, хайриличи чекадирхъути сари», – уркІичеббирули сай бекІ геройли сунела шаликарти. Илкъяйда уркІичеббирули сай илини совхозла хІянчилизиб бамсурти хІянчизартира, бузерила маргъла ургаб бамсриахъахъеси далуйтачилси ва делхъличилси балбуц дурабуркІули. Дебали «тамашала ва халаси

цакѣла бегІ секІал буили саби далай. ХІянчили зугѣаахѣбти ялчнала чурх-ри кункдиахѣуб, дамсурли зимдикІути биркІанти рахІятдиахѣуб, тІягІямла хІял, селичи-сабил гѣуцІ ва гѣира акІахѣуб».

Тамашала ва хѣумхІертести сипатуни алкІахѣули сай авторли сунела герой-тала: «ахѣси ахІенси, хѣячІаси, халати хѣутри уркѣливан чІумадиубси, мегълу-кантигѣунти тІулби мурхѣли пІякѣдикибси, гѣели сури бурдибси хѣубзара сай-ри ил. Илала кѣаклабад шантани гѣачамалра аргѣибси ахІенри я бугІярли саби или, я буцІарли саби или, я кѣиянси хІянчи сабину хІебирис или, я сунес бедлу-гуси кѣиян-хІекѣ биштІаси-халаси саби или»; «Ургарти гІямрула, жагати куц-бекІла адам сарри (Салимат, райкомла кІиибил секретарѣ). Илала берхІе рангла хІулбира, хІунтІен-хІунтІенкабиубси журуга ряхІра цадалги далдикилри»; «хѣ-уцІрумачирад чяхІ-чяхІила шинван кѣукѣубачи чейгути цІудара чурми, гѣярцІа нудбаур шинкѣян цІудара саркѣибти хІулби, уруз-хІяцІти хІял-тІабигІят».

Ишди гІергѣити (илди лебилра, биштІати яра халати хІяким-агѣлула саби) сипатунани биалли бусягІят вайси асар бирули саби: «Зулпукѣар цІудара кѣ-риван харчизур. Илала хІунтІена дяхІ шангла лутІиван цІудардиуб, биштІаси журуга андалиу дигІяндикибти диштІати шиниша хІулбазиб гѣими лямцІбухѣ-ун, чІябарличи гѣяжбикибси бабза кѣакѣ лагбяхІ зузбиуб, арцес гѣуцІбухѣунси арцанван»; «ацІибсиличи бара бекІ ахѣбуцили хІерванизур... Трибуналичив Мирзахан Увайсович умутчевли гѣайикІулри. Илала вабза журуга вяхІла кѣ-аркѣаурти лишантани ва халати цІудара хІулбала бяргІибси хІерли адамтачи сегѣуна-сабил декІси хІял лябкѣяхѣули». «... кІабатІгѣуна бягІуси вяхІлизиб сегѣуналра барсдешла лишан дакІухІебухѣахѣи. Ил (ГІярип) – адамлис сегѣ-уна-дигара гѣай бурес урузхІейри, уркІецІила кІантІ хІебири. Илала бяргІиб-си хІер, вяхІла лишанти, бягІуси вяхІличиб гѣярцІа анда, диштІати хІулби, гІеркѣати чІимичІули ва мухІли – лерилра илди зулмукарла лишанти сарри». Трибуналичивси ГІябайла вяхІ кѣякѣнна рангбиуб: «Милицияла начальникли-зи цархІилти тилади-бусравбикІар, хѣули башар. Иш?! Ну чи сайрал хІези балахѣис! ГІямру газетабазиртигѣунти сари или гѣанбиркулив хІед? Учитель – миликѣ! Коммунист хІейадри, вархѣли ишавад туснакѣлизи урхѣади». Ру-стам (обкомла инструктор) пишяхѣиб, хѣитІагѣуна буршуси някѣ тамашали гѣаваличи гѣакІбариб ва хамли иб: «Чина гІярзухѣаллира, партияла обкомра райкомра хѣарбиути саби». Ил – рушбат сайсниличи ва лугниличи гІядатла секІайчиван хІерикІулри: «Ну цаибси ахІенра илдигѣунтазивад, я бегІла гІер-гѣиси ахІенра».

Леб жузлизибти геройти-ургаб хІялалти, пикрибикІес балути ва бархѣдеш-гІебли дурабухѣунти персонажунира. «Нуни инсап-хІяя вачарли дихути ахІен», – виКІули сай бюроличир чедаибти-аргѣибтани вачавархахѣибси ХІялим. Илис дунѣя цІударбиублири: «Балу-балули, цІуба секІайс цІудара бикІули кабизургу, чула насаб гІеббердарти. Мирзахан Увайсовичла хІяяагардеш, декІси кѣалип. Саламбекла – кІибяхІяндеш. Бюрола члентала – кІиуркІдеш: гІяваси ва хІур-матла хІянчилизибад хІебухѣес...» – хІера сегѣунти характеристикаби лугулил илини! «Се чеббиркІуси: бархѣдеш яра директордеш? Директордеш чердикІад-ли, инсап-хІяяличи кѣаркѣа чебихѣа», – васвасикІули сай совхозла директор Юсупра.

Дебали хѣумхІертеси, тамашала сипат лугули сай авторли «ГІямрулизир черралкІунси» ва урхІла гѣайличи рирхкаурси хѣунул адамла: «чяхІ-забличи хІядурбиубси аргѣван рамкѣурли, бяргІибси гамушван руржули, дамрухѣяла мурчІиван кѣяшми кайцІули, хѣулив сунечи хІерси Зулпикѣарличи ратрихѣиб».

Писательља произведениебачил тѝнишиубси гъарилли бала, иргъу ца иш-гъуна хасдешличилара: лерилра-сера повестуназир чедаахъили сари арагѝб улкализир диубти анѝбукъуначил дархдасунти дубурлантала гѝмру ва ил манзилла дяхѝ. Даргала критик Хѝяпиз Нурмяхѝяммадовли илдала ца гъатѝи хасдешличила бурили сай: даргала литературализиб сагакѝянчидеш сари – Расул Бяхѝяммадовла «Къяббердибси гъуни» ва «Ласбулхъ» повестуни или.

Тѝабигѝятла анѝбукъуначил адамла хѝял-тѝабигѝят цугдуцира нушала гъ-айла искусствозиб жѝявхѝейчибад бузахъуси къяйда саби. Жузла геройтала гѝмрулизи, баркъудлумази ва пикрумази дархили сари тѝабигѝятла суратунира.

«Гѝур хапли ванабиубли, дяхѝи баѝѝиб, дяхѝинили белкъунси ванза майла ванати нуранауб тамашали аваданбиуб». «Дураб шалахъси цѝябдешри. Бугѝярси, хѝябѝси аргъ бамкъурлири. Чирхъти, амма зугъати дирихъмазирад кадиркути дяхѝила пусли урга-ургади чебулхъуси бугѝярси дягѝли ургниван дайгъарли урцахъурли, вяхѝлизи дирхъулри. Жаниварли дурзамван дягѝли тѝирхъдухъахъунти дирихъмала чедибад урга-ургади гъаббикѝуси баѝѝа шѝява шалалиур дяргѝили чукурдиубти дубурти хумарли чедиулри. Тѝабигѝятлизиб балгундеш, цадеш ва саркъѝбдеш аги».

«Къанти гѝбшнила бурхѝни сарри. Хѝябѝти дирихъма кѝапѝдарибти дубурти дебали хумарли кайзурлири. Ургубализир арцантала тѝамри аги». «Зугъати цѝяба дирихъми авлахъуначи цѝапѝаки, илдала тѝахѝути нургъбани шиниша къар ва гѝяргѝя-чѝала шахливан цѝубдарилри»

«Октябрь базла бехѝбихъудлизир гѝббшнила лишанти дакѝудиублири: хѝябѝдикѝути зумати дирихъма ва аръа маркали шиниша авлахъуни ва дубурти арцван калзахъурли, къар декѝси маркалибирхъулри, вашухѝели къарличир къяш-мала къел кавлулри».

«Яни унабурхѝла гъала сабаилри. Пашманси, шѝявси дугила заклизир диштѝати урми мер-мерлар рахли лямѝѝдулхъулри, гъапулдиубти пикрумази сегъуна-сабил умут ва хѝергъуси разидеш делгѝули».

ЦА АНѝБУКЪЛА МУРХЪТИ КЪЕЛ

Расул Бяхѝяммадовла «Ласбулхъ» бикѝуси повесть («Къяббердибси гъуни» повестьла хъарахъуд), сунезирра перестройкалис гѝергъити дубурлантала гѝмрула суратуни учѝан вирхаэсли сипатдарибси произведение саби. Илди кѝелра повестьлис («Къяббердибси гъуни» ва «Ласбулхъ») шила хѝякимтала социальная психология ва гѝмру чула баркъудлумазир ва пикрумазир гъаргѝдирути произведениеби сари эсра вирар. Заманала хѝякъѝкатличи асарбарес, дубурлантала хѝял-тѝабигѝят дарсдиахъес дубурланна дагърилизитѝабигѝят ва общество гъаладыхѝи дашнила хѝекълизирти баянти минадиахъес багъандан илди дархъаначи сипатдарес хѝяжатдеш алкѝули саби. Авторли гъарли-марли кадиркути анѝбукъуни типический сарливан, сунела заманаличи хастили чедиахъули сай. Илини школала ва шила гѝмру гъаннала дубурланна хѝял-тѝабигѝят сипатдирнилизир дурусти сархибдешуни учѝанни чедиули сари. Илхѝелира, алавчарси хѝякъѝкат ва гѝмру унъли далниличил дарх, писательља уркѝилизир дунъяла дархъагѝардешуначи уркѝи зимбулхъахъути ва чархлизир ружери алкѝахъути гъими чедиули сари.

«Къиян – къия халкъла, сабухъ нушала ...» ибти Гъязиз Иминагаевла «геройла» дугъби БяхИяммадовла цацабехІ гъаннала хІякимтала хасиятуначи далдикибти урдулхъули сари. Илини илди «геройтала» (Салимбекла, Мирзахан Увайсовичла, ГІябайла ва ц.) чула классласи (имџІатигъунти «хІякимтала») хасдеш гъаргбирули, чули халкъла къиян букни чебиахъули, илдала обшественный гІямру халкъличи къаршили дяхІчаибти диъни ашкарбирули сай.

Адам сайцун ахІен узусира хІерирусира. Сайгъунтала ургав, ил адамтачил вархвасунси сай. «Герой» акІубхІейчивад дагъричевси ва духуси виъниличивли цархІилтазивад декІарухъун. Амма тІабигІятли илис дедибти къиликъуни гъанна бикайчи сунела ва сунела хъалибаргла гІяхІдешлиссун, адамти-ургарти бархбасуни биалли хъям-къаџлис ва къалпдешлис пайдаладариб илини.

... Гъанна илала пикрумани арагІеб дунъя, инсантала гІямру, илдала къисмат ва къасани – адамтачил дархдасунти гъар се-секІал гъандиркахъулри: «ХІерагу ца, – партияла обкомла жаняхІлизивад ватихъалри, жита чебаибхІели вацниван хІянчизарти урехиличил пяхъбиркуси арслан-къаплан – иша лайкай-кІули, бяргІибси ва хІябци хІяблзи мяхІрумварили сунела итцадра халаси мас-хазнализивад! Ишини дужути держра чІянкІли мургъила пигъалалихІирад диригу, шин – арџла гажиннихІирад. АрхІяличи аркъухІелира дарх дихи илди. ХІяй вегІебшла давла».

Адамти-ургаб хасси мер сархес къасли ва хамдешли виџІибси Мирзахан Увайсович адаб ва ламус агарли, къалпдешличил мас-давла бурчули узуси райкомла цаибил секретаръ сайри, амма ил ца анџІбукъли – сунени гІяхІил валуси хІякимла бекІали, илала хІял-гІябигІят дарадирули сари. Илала хІябла мякълар акІубти «геройла» уркІила хІялани авторли илцадра дархъли сипатдарили сай: «ГІяжаибти хІедиалли дунъя ва давла! Се архули ишини их бяргІибси, кахси хІяблзи! Шел-урегал адамцун гІелабад бакІибси цархІил хІяблзи кархъуси мискин пяхъирлара тят ишалагъуна џІуба читла капан саригу! Хабарла Мирзабек Даидович чинаба хІела давла? Чинара хІела мургъи-арџ?!» – хІятта учІаннара балли уркІи зимбулхъахъули саби.

«ВяхІ, ну мехІурирули-мага хІейиша? ВебкІибсини къалли барх давла архІеху! Илгъуна мехІур пикри бакІес декІар хІяжатдеш лебсирив!...» – пикри-икІули сай ил.

Гъанна илис, Мирзахан Увайсовичлис, сунела гІямруличи ва хІякъикъатличи сунела хІер барсбарес чевкъули саби. Пашманси ил анџІбукъ «геройла» дагърилизиб мурхъбиркули саби, алавчарси секІал хІисаблзи кайсахъули саби, гъалар агарти пикруми ляркъули сари. Илини бекІа гъар миџІирси адамличи хъарси секІал сабни, сунечира ил кахси сурат хІерли биъни гъалахили белгидирули сай, ахирра иргъули сай илини адамла гІямрула къадри: давлализи гІелакайкибси Мирзабек Даидовичлара мискин пяхъирлара гІямрула ахир цагъуна биъни. Ил секІай Мирзахан дебали гъузгъалдивирули сай, илала пикрумазир дарданира къасанира дарх дургъули сари.

... Мирзаха уркІила лутІилизи дигІяндикибти илди пикрумани вяхІла лишантазибра балли барседеш алкІахъули бишиши, илизи чумал хІянчизарли хъар-

баиб: «Мирзахан Увайсович, МяхІячкъалализивад чарухъунна хІела вяхІла ранг агаругу. ХІу зяГипли-мага сайрив?» Илала варсьнилис сабаб хъунуй царХил шайчибад чебаиб: «Ургахъ хъумартес хІейрулрив, дила къарчигъа?...»

«Герой» ил агиличи викахъибси анцІбукъ илкъяйда мурхъли сипатбарес, адамла тІабиГІят ункъли аргъес рухІлашал давлачевси ва дахъал чедаибси адамлицун вирар, улгъунали уввулхъули сай нушала пагъмучевси писательра.

«Итис гьаларти» яра «итис гІергъити» гІямруличи дутІили адамла гъай, кабикибси анцІбукъли бирули саби хапли адамла гІямру дарсдарес. Тяп илгъуна бетарули саби Мирзахан Увайсовичлисра, давлаличи гъаргъси, гІядатла адамти селизилра хІебируси районна цаибил хІяким хапли варсирули сай.

«Илгъуна тамашала хІяйчиври Мирзахан. Вайхъу муэрлизив, вайхъу хІуруцІлизив сайри ил. Пур илала хамхализи урехила ружери бухІнабикиб, дугІла жанивартала урgab арслан-къаплагъуна цІакъси, урехиагар Мирзабек Даидович маркІачІила замана машиналичивад кайцІухІели, ца-кІел бекІбяхъли, урехи ва урези агарли, сунела къапула гъалав автоматли рягъли кавшибси сурат гъанарули. Сунес-декІар илгъуна анцІбукъ биэс хІебирару! Илди пикрумачил Мирзахайс сунела гІурла къисмат гъамбарес хІейгалра, ил дигІянни гъамбиубли, къакъадешли уркІилизи урга-ургади къутІдирхъулри, бекІла мехІелизи дархибти гъаршани кайулри, хІянчила масъултачила пикриикІахъес хІелтулри».

Дагърилизи мурхъбикибси ил анцІбукъли дебали халаси асар бариб сунела гІергъити гІямруличи – илала хІякъикъат барсбиуб. ХІятта шагъарлизиб сунела хъалибарглис тІашбатурси кІялгІя-юртра балли илини гІяхІли хъурабируси юрт барахъес шантас сай гІяхІулали бедлугули сай, сунела мурталраси къаршикар Мурадлис, ахъси къимат гили, районна ва халкъла гІямрулизиб сунечи лайикъси мер буцахъес икъалабирули сай...



БУРАЛАБИ

Зубайдат
ГЯМАРОВА

*Дуџрум – янилис узар, яни– дуџрумлис.
Дуџрумлизив узусила уси биџили бирар.
Нешра ВатІанра ца бирар.
Вайгъабза мурдали виаллира, хяли урџу.
Кавиалли – убкІар. Ваталли – висур. ГІур се бирусив?
Дигалли џали бигаб, дигалли хІеркІли арбухаб, наб села аварав?
БархІхъ беркала камли букалли, гІямру духъянти дирар.
ДяхІ умусила къумурра умули бирар.
Мазали беџІ буриуси замана лябкъян.
Вашусини гъуни ихъу, усусини – гъанкІ.
Гъайла дудеш – гІякълу, неш – лезми.
ВалкІли дигара кайрен, амма гъайикІен вархъли.
Вершала гъалмагъдешичи, дубкІули диадаллира хъармайхъудая
я дирхмарудая.
АбитІунси ханџалра чарбарили къяртІайзи кабикІахъу
яхІлира сабурлира.
Беџлис бирхъути ил хъанџа сабхІели ахІенну, маза-мас
кадуришухІели саби.
ГІякълу камсила гІямулти дахъал дирар.
Сабур агарсила талихІра хІебирар.
Дунгъяла къакъличиб сабурли къяйда адам џагавируси селра
лебси ахІен.
Кепсира абдалра цагъунти бирар.
ГІяхІти адамтала ургав гІяхІџадхІи хІериалли, вайси адамра
валли гІяхІси ветарар.
Вайси хъунул адамли хъалибарг ахІенну, пачалихъ булан
тІутІубарес рирар.*



Ибрагъим Ибрагъимовлис - 65 дус



ISSN 0235 - 0149

Индекс годовой 31176
Индекс полугодовой ПМ961

